


საქართველოს კომპოზიტორთა შემოქმედებითი კავშირის ჟურნალი

მუსიკა

MUSIKA

Journal of Creative Union of Composers of Georgia

2013 2 (16)



ოსებ კეტაყმაძე

მუსიკა

MUSIKA

Journal of Creative Union of Composers of Georgia

2 (16) • 2013



ქრწნალი გაბოიკემა
საქართველოს კულტურისა და ძეგლთა დაცვის
სამინისტროს ფინანსური მხარდაჭერით

ISSN 1987-7773

ფესტივალი

გულბათ ტორაძე. აპრილის მუსიკალური	2
სვამი და ბარაძა	2
ეპოქალური სახეები	
იოსებ კეტაყმაძე	9
რუსუდან ქუთათელაძე. საგუნდო მუსიკის რაინდი	10
იოსებ ბარდანაშვილი. დიდი ქართველი	
პომპოზიტორი	13
რუსუდან სმონაძე. საგუნდო მუსიკის გიგანტი	14
ზირა ვადაჭკორია. გელა ვადაჭკორია.	
ჯეგაძის მემორიალი	14
ვაჟა ძიგუა. „გაჰ, ღრინი, ღრინი“	15
მზია ჯაფარიძე. უსკივები პორტრეტისათვის	16
რევაზ ტაკიძე. საგუნდო მუსიკის დიდი ოსტატი	21
განათლება	
თეა ყიფიანი „პამირის“ გერმანული წარმართვა	23
საკონცერტო სსოვრება	
გულბათ ტორაძე. ახალი შთაბეჭდილებები	26
განსვენება	
ნესტან მესხი. არჩილ კარსელიძე	27
საკონცერტო სსოვრება	
არჩილ ნიქაძე. სამ- Art- ველს	31
ფესტივალი	
თათია პაჭკორია. ფესტივალი „აღმგომიდან	
აგაძისაგაძე“- ნამდვილი მარსკვლავთშვიდი	34
ფოლკლორი	
თამაზ ვაბისონია. ქართული სიმღერა: მსოფლიო	
გადაჩინება?	45
პორტრეტი	
როდამ ჯანდიერი. მემორიალი ჯარჯი	
ბალანსიზაქიაძე	51
მუსიკა და მსახურება	
ირინა ჯორჯაძე. მიმდინარე	
პირველი ადგილები	57
წლები გასასახიფადან	
ინგა ბარამიძე. „ჩემი აღსარება ჩემი	
ეპოქის აღსარება“	63
ახალი გამოცემები	
ლალი კაკულია. ქართული ნიგონი ბეთჰოვენზე	69
დოდო გოგუა. ნანა ქავთარაძის „მ, უკლებლო დიდი	
ნამო ზემოქმედების“	74
Jazz Break	
მანანა ხვედელიძე. უნდონ მარსალისი	75
www	80
summary	82

რედაქტორი: მიხეილ ოქელი თანარედაქტორები: მზია ჯაფარიძე, თამარ ნულუკიძე
 დირიჟორი: ვახტანგ რურუა, ვანო კიკნაძე, გოგი ტყეშელაშვილი
 ინფორმაციის მარცხენი: შ.პ.ს. „ლოგოსი“
 მისამართი: დავით აღმაშენებლის 123
 ტელ.: (+995 32) 95 41 64, (+995 32) 96 75 05
 ფაქსი: (+995 32) 96 86 78

აპრილის მუსიკალური სპაზმი და ბარაქა

აპრილის თვეები ტრადიციულად მუსიკალურ შთაბეჭდილებათა სიუხვითა და მრავალფეროვნებით გამოირჩევა, მაგრამ, შეიძლება ითქვას, რომ წლევანდელმა აპრილმა, ამ მხრივ, მოხსნა ყველა არსებული „რეკორდი“.

თავად განსაჯეთ: ორი აპრილიდან დანწყებული, ვიდრე მაისის დადგომამდე, ჩვენი ქალაქის საკონცერტო დარბაზებში ყოველდღიურად (ხანდახან – დღეში ორჯერ-სამჯერ!) იმართებოდა სხვადასხვა სახის მუსიკალური ღონისძიებები: კონცერტები, შეხვედრები, ხსოვნის საღამოები, პრეზენტაციები და ა.შ., რომლებშიც მონაწილეობდნენ სიმფონიური ორკესტრები, საოპერო მომღერლები, ცალკეული შემსრულებლები, უცხოეთიდან ჩამოსული მუსიკალური კოლექტივები და მუსიკოსები.

ამ „მუსიკალურ კალეიდოსკოპში“ მთავარი ადგილი უდავოდ ეკავა სამ შთაბეჭდავ მართონულ ციკლს: თბილისის საგუნდო მუსიკის ფესტივალს, „თბილისის კონცერტინოს“ საიუბილეო ფესტივალს და ე. მიქელაძის სახელობის ეროვნული მუსიკალური ცენტრის ტრადიციულ (მე-5) სერიალს – „კონტრაპუნქტს“.

საგუნდო ფესტივალის (მენეჯერი – მაია ჩაჩავა) კონცერტებში ერთმანეთს ენაცვლებოდნენ საქართველოს სახელმწიფო საგუნდო კაპელა (მთავარი დირიჟორი – არჩილ უშვერიძე), კონსერვატორიის მაგისტრატურისა და ბაკალავრიატის გუნდები (ხელმძღვანელები – შალვა მოსიძე, ლია ჭონიშვილი, მიხეილ ედიშერაშვილი), აფხაზეთის სახელმწიფო კაპელა (ხელმძღვანელი გურამ ყურაშვილი), ბათუმის

მუსიკალური ცენტრის სახელმწიფო კაპელა (ქეთევან მანელიშვილი, ლელა დოლიძე) და ქალთა კამერული გუნდი (ზაირა და გელა ვადაჭკორიები), თბილისის ყოვლადწმიდა სამების კათედრალის საპატრიარქო გუნდი (სვიმონ ჯანგულაშვილი, გიორგი დონაძე, ზვიად ბოლქვაძე), ქუთაისის სამუსიკო სასწავლებლის მოსწავლეთა გუნდი (ირინა ლომინაძე) და ოპერის გუნდი (ე.ფილიპაშვილი და ლეიზა ნოზაძე), გორის ქალთა კამერული გუნდი (შალვა მოსიძე) და გორის სამუსიკო კოლეჯის ბავშვთა გუნდი (ნინო ნიკლაური), თელავის ქალთა გუნდი „კახეთის ჰანგები“ (პავლე დემურიშვილი), თბილისის მე-6 ხელოვნების სკოლის ბავშვთა გუნდი (ლალი ჭიკაძე) და, ბოლოს, ფესტივალის სტუმარი – სტოკჰოლმის წმინდა კატარინას ტაძრის ვაჟთა ვოკალური ანსამბლი, რომელმაც სამართლიანად მოიპოვა ჩვენი მსმენელების სიმპათიები.

საერთო ჯამში, საგუნდო მუსიკის ფესტივალი მასში მონაწილე კოლექტივების შემოქმედებით გამარჯვებულ იქცა. ყველა მათგანის გამოსვლა მაღალ მხატვრულ დონეზე ჩატარდა, მიუხედავად იმისა, თუ რა სირთულის ამოცანები იდგა შემსრულებელთა წინაშე. ეს გახლავთ შესანიშნავი ფესტივალის პირველი ფრიად საგულისხმო და მისასალმებელი თავისებურება.

მეორე და განსაკუთრებით სასიამოვნო გარემოება კი ის არის, რომ მასში ფართოდ იყო წარმოდგენილი ქართველი კომპოზიტორებისა და, კერძოდ, ჩვენი საგუნდო მუსიკის კლასიკოსის, უნიჭიერესი და დაუვინწყარი იოსებ (სოსო) კეჭაყმაძის შემოქმედება, ასევე იოსებ ბარდანაშვილის (ისრაელი), ქართველი კომპოზიტო-



ბათუმის მუსიკალური ცენტრის სახელმწიფო კაპელა

რების გოგი ჩლაიძის, რამაზ ქარუხნიშვილის, რამაზ კემულარიას, ჯემალ ბეგლარიშვილის, ნუნუ გაბუნიას, ზვიად ბოლქვაძის, რუსუდან ხორავას, თამარ ვაშაკიძის, პავლე დემურიშვილის ნაწარმოებები.

განსაკუთრებით უხვად იყო წარმოდგენილი (და ეს ბუნებრივია) სოსო კეჭაყმაძის საგუნდო შემოქმედება სხვადასხვა კოლექტივების ჩინებული შესრულებით. კიდევ ერთხელ დავრწმუნდით ჩვენი კლასიკოსის უბადლო ოსტატობასა და მუსიკის გულისშემძვრელ გამომსახველობაში. დარწმუნებული ვარ, ახლო მომავალში კეჭაყმაძის თვითმყოფი შემოქმედება საერთაშორისო აღიარებას მოიპოვებს. დაუყოვნებლივ უნდა შევუდგეთ მისი ნაწარმოებების დაბეჭდვას და გავრცელებას (შესაძლოა, ზოგმა არც იცის, რომ კომპოზიტორის ნებით, მისი ნაწარმოებები არ იბეჭდებოდა!).

ქართველ კომპოზიტორთა პირველად მოსმენილი ნაწარმოებებიდან გამოვყოფდი გოგი ჩლაიძის ოსტატურად დაწერილ გუნდებს. შესრულდა მისი ოთხი გუნდი: „საგალობელი“, „ავე მარია“, „სალალომ“ (სამივე – აფხაზეთის სახელმწიფო კაპელის შესრულებით. დირიჟორი – გურამ ყურაშვილი) და „ქიტესა“ – მუხრან

მაჭავარიანის ლექსზე (თბილისის კონსერვატორიის ბაკალავრიატის გუნდი. დირიჟორი გივი ქასრაშვილი).

„საგალობლებმა“ და „ავე მარია“ ყურადღება მიიქცეის ამალღებული განწყობილებით, ხოლო შორისდებულებზე აგებულმა „სალალომომ“ – მიქეთარე ენერგიით და მუსიკის შინაგანი ინტენსიურობით.

რაც შეეხება, ადრე არაერთგზის მოსმენილ, შესანიშნავ „ქიტესას“ (ციკლიდან „ხუთი მწუხარე სიმღერა“ მუხრან მაჭავარიანის ლექსებზე), მან კიდევ ერთხელ მოგვწუსა თავისი მძაფრი დრამატიზმითა და ექსპრესიით. ეს უდავოდ იყო ფესტივალზე მიღებული ერთი ძლიერი შთაბეჭდილება.

პირველად შესრულებულ სხვა ნაწარმოებთა შორის გამოვყოფ ასევე ჯემალ ბეგლარიშვილის („მიძღვნა“, „ლხინი სოფლად“), ზვიად ბოლქვაძის („გულო ჩემო, მღელვარე“, „სამი დღე“, „რა ამაო ყოფილა“), იოსებ ბარდანაშვილის („ფსალმუნები“), რუსუდან ხორავას („ხმა კატამონთან“) ჩინებულ საგუნდო ნაწარმოებებს. ყველა მათგანს წარმატება ხვდათ და მსმენელთა მონონება დაიმსახურეს.

დაბოლოს, ჩემთვის (და არა მარტო ჩემთვის) ერთი



ფესტივალის გაერთიანებული ბუნდი, საქართველოს სახელმწიფო სიმფონიური ორკესტრი (დირიჟორი რ. ჯავახიშვილი).

ძალზე მნიშვნელოვანი და სასიამოვნო მოვლენის შესახებ. ეს გახლდათ არჩილ ჩიმაკაძის კანტატის „ქართლის გული“ შესრულება, რამაც ღირსეულად დაავიზრგვინა ფესტივალი.

ვალდებულად ვთვლი თავს, ვთქვა რამდენიმე სიტყვა ქართული მუსიკის ამ შესანიშნავი ნიმუშის შესახებ.

პირველად იგი უდიდესი წარმატებით (რისი მონმეც ვარ) შესრულდა 1952 წლის ოქტომბერში (დირიჟორობდა ზაქარია ხუროძე, სოლისტის პარტიას ასრულებდა თამარ ბახტაძე).

კონცერტზე დამსწრე დიდმა დიმიტრი შოსტაკოვიჩმა საგაზეთო წერილში ასეთი სიტყვებით გამოხატა თავისი აღტაცება: „ნიჭიერება პირდაპირ ჩქეფს ამ კანტატაში. მას შეუწელებელი ინტერესით ისმენ. გამომსახველი და კოლორიტული მელოდიები, მშვენიერი ჰარმონია, გუნდისა და ორკესტრის ორიგინალური და უნარიანი გამოყენება – ყოველივე ეს, ისევე როგორც შინაარსისა და ფორმის ჰარმონიული ერთიანობა, ხიბლავს მსმენელს“.

4

ამის შემდეგ „ქართლის გული“ არაერთგზის აქლერდა თბილისსა და მოსკოვშიც. ხოლო ერთხელ მოხდა, შეიძლება ითქვას, უპრეცედენტო შემთხვევა, როდესაც რამდენიმე დღის მანძილზე იგი ორჯერ(!)

დიდი წარმატებით შესრულდა პრალაში! (ამის შესახებ შეგიძლიათ წაიკითხოთ წიგნში დ.ვარდოსანიძე-წერეთლისა „არჩილ ჩიმაკაძე“. თბ. 1997 გვ.72).

ჰოდა, ეს შესანიშნავი ნაწარმოები 40 წელზე მეტი ხნის მანძილზე აღარ შესრულებულა ჩვენთან. სწორედ ამიტომ – ორმაგი მადლობა მისი ხელახალი აქლერების ინიციატორებსა და ჩინებულ შემსრულებლებს – ფესტივალის გაერთიანებულ გუნდს, საქართველოს სახელმწიფო სიმფონიურ ორკესტრს, დირიჟორ რევამ ჯავახიშვილს და მომღერალ (სოპრანო) ხათუნა ჭოხონელიძეს.

იმედია, ახლო მომავალში კვლავ მოვისმენთ ამ უსამართლოდ მივიწყებულ ნაწარმოებს.

როგორც ზემოთ ითქვა, საგუნდო ფესტივალის პარალელურად მიმდინარეობდა კიდევ ორი მუსიკალურ-საკონცერტო ციკლი: „თბილისის კონცერტინოს“ საიუბილეო (დაარსების 25 წლისადმი მიძღვნილი) ფესტივალი და ემიქელაძის სახელობის ეროვნული მუსიკალური ცენტრის ტრადიციული – „კონტრაპუნქტი“ (№5).

კამერული ორკესტრი „თბილისის კონცერტინო“ დაარსებულია 1988 წელს კომპოზიტორ და დირიჟორ შავლეგ შილაკაძის მიერ. თავისი არსებობის მანძილზე ორკესტრს ჩატარებული აქვს 400-ზე მეტი აკადემიური და საგანმანათლებლო კონცერტი საქართველოსა და საზღვარგარეთის ქვეყნებში. მის რეპერტუარშია მსოფლიო კლასიკური მუსიკისა და ქართველ კომპოზიტორთა ნაწარმოებები. ასე იყო ამჯერადაც, ორკესტრის მიერ ჩატარებულ ოთხ კონცერტზე.

შავლეგ შილაკაძეს, როგორც დირიჟორს, კარგად აუბა მხარი მისმა ვაჟმა გიორგი შილაკაძემ, რომელიც ნაუძღვა სამ საღამოს (ყველა გამართა კონსერვატორიის დიდ და მცირე დარბაზებში).

მოვისმინეთ რამდენიმე, თბილისში პირველად შესრულებული, ჩვენთვის მანამდე უცნობი ნაწარმოებიც, რაც, უდავოდ, ზრდის ამ კონცერტების შემეცნებით მნიშვნელობას.

პირველ კონცერტზე (2 პრილი) შესრულდა ვიტოლდ ლიუტოსლავსკის „სამგლოვიარო მუსიკა“ (მიძღვნილი ბარტოკის ხსოვნისადმი. 1958), ბრამსის სიმებიანი კვინტეტი F dur (საორკესტრო ვერსია) და



„თბილისის კონსერვატივი“, ფირიქოვი გ. პილაკაძე

შავლეგ შილაკაძის ცნობილი სავიოლინო კონცერტი ლელა მჭედლიძის შესანიშნავი შესრულებით. დირიჟორობდა ავტორი.

შემდეგ კონცერტზე (10 აპრილი), შესრულდა უკრაინელი კომპოზიტორის ევგენი სტანკოვიჩის (დ.1942) კამერული სიმფონია №3, მალერის გენიალური *Adagietto* მე-5 სიმფონიიდან და ბრამსის საფორტეპიანო კვინტეტი *f moll* (საორკესტრო ვერსია). წარმატებულ სოლისტებად მოგვევლინენ ახალგაზრდა მუსიკოსები – ქეთევან შანიძე (ფლეიტა) და ნინო გურუეიჩი (ფორტეპიანო).

დიდი ინტერესი გამოიწვია მესამე კონცერტმა, სადაც მოვისმინეთ „ვენის ახალი სკოლის“ გამოჩენილი წარმომადგენლების – ანტონ ვებერნის, არნოლდ შონბერგისა და ალბან ბერგის ქმნილებები.

ვებერნის კვინტეტი ფორტეპიანოსა და სიმებიანებისათვის (1907) – მისი ერთ-ერთი ყველაზე ადრინდელი ნაწარმოებია, რომელშიც ჯერ კიდევ არ არის გა-

მოკვეთილი კომპოზიტორის უაღრესად ორიგინალური სტილი და ხელწერა. ფორტეპიანოს რთულ პარტიას ასრულებდა ნიჭიერი პიანისტი ნუცა კასრაძე.

შონბერგის „ოდა ნაპოლეონს“ (სიმებიანი ორკესტრის, დეკლამატორისა და ფორტეპიანოსათვის, 1942), როგორც ცნობილია, დაწერილია ჯორჯ ბაირონის სატირიკული ნაწარმოების მიხედვით, რომელიც მიმართული იყო პოეტისათვის საძულველი იმპერატორ ნაპოლეონ I-ის წინააღმდეგ (1814).

ფაშისტური გერმანიიდან დევნილი შონბერგისათვის, რომელმაც ომის წლებში თავი შეაფარა აშშ-ს, ბაირონის „ოდის“ ტექსტი ზედმიწევნით შესაფერისი იყო ფაშიზმისა და, საზოგადოდ, ძალადობის მხილებისათვის. ამით აიხსნება შონბერგის ნაწარმოების მუსიკალური ენისა და, საკუთრივ, მუსიკალური ტექსტის თავისებურება, მისი ხაზგასმულად უბეჭი ჟღერადობა, რომელიც, თვით კომპოზიტორის სიტყვებით, მონოდებულია გადმოსცეს „ირონიის, გიზღის, სარკაზმის, და-



ა. საბარალო, ნ. რაზავილი, ვ. აბარაპილი

ცინვის, სიძულვილისა და აღშფოთების მრავალფეროვანი სპექტრი”, რაც გამოხატულებას იღებს ფაქტურისა და ტემპის ხშირ, უეცარ ცვლაში.

ორკესტრთან და დირიჟორთან ერთად, „ოდის“ შესრულებაში მონაწილეობდნენ პიანისტი ნინო ჟვანია და დეკლამატორი დავით ველიჯანაშვილი (ინგლისურ ენაზე).

ხალასი ესთეტიკური სიამოვნება მოგვანიჭა ალბან ბერგის სამმა ადრეულმა სიმღერამ (1905), რომლებიც მშვენივრად, სტილის გრძობით შეასრულა ნიჭიერმა ახალგაზრდა მომღერალმა სალომე ჯიქიამ.

საღამო დაავგირგვინა 15 სიმებიანი საკრავისთვის დამუშავებულმა *Adagio*-მ გუსტავ მალერის დაუმთავრებული მე-10 სიმფონიიდან (1910წ.).

ერთობ „დამაინტრიგებელი“ აღმოჩნდა „კონცერტინოს“ ბოლო საღამოც (29 აპრილი), სადაც მე-20 საუკუნის მუსიკის კლასიკოსების – რიჰარდ შტრაუსისა და ბელა ბარტოკის ნაწარმოებებთან ერთად, პირველად შესრულდა ცნობილი ქართველი თანამედროვე კომპოზიტორის ზურაბ ნადარეიშვილის ფრიად საინტერესო ახალი ოპუსი – „ლიტანია“ (კამერული ორკესტრისათვის).

6

ნაწარმოების სათაური მის სასულიერო ხასიათზე მიუთითებს (ლიტანია – ბერძნ. ლოცვა, რომელიც იკითხება რელიგიური დღესასწაულების დროს), თუმ-

ცა მუსიკის მხატვრული შინაარსიდან გამომდინარე, მას არა აქვს წმინდა რიტუალური, გამოყენებითი დანიშნულება. ფაქტობრივად, ეს არის საკუთარ რელიგიურ ფიქრებსა და გრძობებში ჩაღრმავებული თანამედროვე მუსიკოსის სულიერი ინტროსპექცია.

„ლიტანია“ ორი ნაწილისაგან შედგება (უცვლუროდ). პირველ (ნელ) ნაწილში ჟღერს ე.წ. გრიგოლესული ქორალის ამაღლებული მოტივი, მეორე (სწრაფი) ნაწილი ინტონაციურად მახვილი ფუგატოა, დასარტყამი საკრავების ხშირი გამოყენებით, რაც მკვეთრ კონტრასტს ქმნის წინა ნაწილის მიმართ. ბოლოს კი, კვლავ ჩაერთვება ქორალის (ლოცვის) მუსიკა, ამჯერად, აუდიოჩანაწერის სახით.

„ლიტანიის“ თითქმის მთელი სანოტო ტექსტი თანამედროვე მუსიკისათვის დამახასიათებელ მძაფრ, მტახე ხმოვანებებზეა აგებული და ემყარება მოდალურ (კილოური) ვარირების პრინციპს.

პირადად მე (და, ალბათ, არა მარტო მე) პირველად მოვისმინე რ.შტრაუსის „მეტამორფოზები“ 23 ხემიანი საკრავისათვის (ეს მისი ერთ-ერთი ბოლო ნაწარმოებია. 1945წ.). თავისი ფორმით იგი წარმოადგენს რამდენიმე თემის გადაბმულ გარდასახვებს (ერთ-ერთი მათგანია სამგლოვიარო მარში ბეთჰოვენის „გმირული სიმფონიიდან“).

ვფიქრობ, ეს საკმაოდ რთული ნაწარმოები კარგად იყო შესრულებული განვითარების დინამიკური ხაზის ლოგიკურობის დაცვით. იგივე შეიძლება ითქვას ბ.ბარტოკის ცნობილი და კიდევ უფრო რთული ნაწარმოების – „მუსიკა სიმებიანი საკრავების, დასარტყამებისა და ჩელესტისათვის“ – შესრულების შესახებაც (ორკესტრს აქ შეუერთდნენ პიანისტები ნინო და თამარ ჟვანიები).

მოკლედ, „კონცერტინოს“ საღამოებმა საინტერესო და მრავალფეროვანი შთაბეჭდილებებით დაგვაშთაბრალონ თავი.

უფრო მოკლე, მაგრამ ასევე შინაარსიანი და მაღალი პროფესიული დონით იყო გამოჩენილი „კონტრაპუნქტ“ №5-ის კონცერტები, რომლებიც დაეთმო ვაჟა აზარაშვილისა და გამოჩენილი სომეხი კომპოზიტორის ტიგრან მანსურიანის შემოქმედებას (გაიმართა ევგენი მიქელაძის სახელობის ეროვნული მუსიკალური ცენტ-

რის დარბაზში).

ვიდრე მათ შესახებ დავიწყებდი საუბარს, მოგავიწყებოდა, რომ ნ.რაჭველის მიერ დაარსებული ფესტივალის – „კონტრაპუნქტის“ შემოქმედებითი არსი (და აქედან – სახელწოდებაც) გულისხმობს ორი კომპოზიტორის (ქართველისა და უცხოელის) ნაწარმოებების პარალელურ შესრულებას.

ამჯერად გაიმართა ორი კონცერტი. 20 აპრილს მოვისმინეთ ვაჟა აზარაშვილის ფლეიტისა და ალტის კონცერტები (ორკესტრის თანხლებით). პირველი მათგანი დიდი ხანია აღარ მოგვისმენია და ხელახლა გავაცნობიერეთ მისი მიმზიდველი მუსიკალური თვისებები შესანიშნავი ფლეიტისტის, არაერთი კონკურსის ლაურეატის ირაკლი ევსტაფიშვილის ინტერპრეტაციით.

ალტის კონცერტი, რომელმაც პირველი შესრულებისთანავე (1973 წ.) მოიპოვა აღიარება, ამჯერადაც წარმოჩნდა, როგორც თანამედროვე ქართული მუსიკის ნათელი ნიმუში, თავისი მუსიკალური ენით, სტილითა და ტექნოლოგიით. იგი მშვენივრად შეასრულა ცნობილმა ახალგაზრდა ნიჭიერმა მუსიკოსმა გიორგი ცაგარელმა, რომელიც, სხვათა შორის, გახლავთ ფესტივალ „კონტრაპუნქტის“ ერთ-ერთი დამფუძნებელი (2008 წ.).

კომპოზიტორი ტიგრან მანსურიანი (დ. 1939 წ.) ფართო საერთაშორისო მასშტაბით არის აღიარებული. მის შემოქმედებაში ორგანულად არის შერწყმული სომხური ხალხური მუსიკის სტილისტიკა და თანამედროვე საკომპოზიტორო ტექნოლოგიები – დოდეკაფონია, პუნტილიზმი და, აგრეთვე – უფრო ადრინდელი – იმპრესიონიზმი.

ამჯერად, კონცერტზე შესრულდა კომპოზიტორის საორკესტრო პარტიტა (1965) და სამი არია ალტისა და ორკესტრისათვის. ამ უკანასკნელთა შესანიშნავი შემსრულებლად მოგვევლინა ცნობილი სომეხი ალტისტი – ქალბატონი კიმ კამკაშინი. მისი ხელოვნება, ისევე როგორც, მანსურიანის ნაწარმოებები, ღირსეულად დააფასეს ჩვენმა მსმენელებმა.

ორივე ავტორის ნაწარმოებების შესრულებას წაუძღვა ემიქელაძის სახელობის სახელმწიფო სიმფონიური ორკესტრის მთავარი დირიჟორი ნიკოლოზ



მ. მანსურიანი, კ. კამკაშინი, ნ. რაჭველი

რაჭველი, რომელსაც მაღალი შეფასება მისცეს თვით კომპოზიტორებმა – ვაჟა აზარაშვილმა და ტიგრან მანსურიანმა.

ერთი კვირის შემდეგ (26 აპრილს) გაიმართა ტ. მანსურიანის პერსონალური შემოქმედებითი საღამო, რომელიც მთლიანად სომეხმა მუსიკოსებმა: რუბენ ასატრიანმა (დირიჟორი), ანუშ ნიკოგოსიანმა (ვიოლინო), ლევონ არაქელიანმა (ჩელო) და არტურ ავანესოვმა (ფორტეპიანო) წარმართეს ჩვენ სიმფონიურ ორკესტრთან ერთად.

ამჯერად, სომეხმა მუსიკოსებმა შეასრულეს მანსურიანის „ნ ბავატელი“ საფორტეპიანო ტრიოსათვის (1985), ფანტაზია ფორტეპიანოსა და სიმებიანი საკრავებისათვის (2003), სავიოლინო (2006) და სავიოლონჩელო (1978) კონცერტები. მათი შესრულება აკმაყოფილებდა მაღალ მხატვრულ და პროფესიულ კრიტერიუმებს და სათანადოდაც იქნა დაფასებული მსმენელთა მიერ.

„კონტრაპუნქტის“ კიდევ ერთი დაგეგმილი პერსონალური კონცერტი – ვაჟა აზარაშვილის ახალი საორკესტრო ნაწარმოებების შესრულებით – ტექნიკური მიზნების გამო, შემოდგომისთვის გადაიდო. ინტერესით დაველოდებით მას ახალი ჩინებული მუსიკალური ფესტივალის მოლოდინით.



იოსებ კეჭაყმაძე

2013 წელი ქათული მუსიკალური სამყაროსათვის განსაკუთრებით მტკივნეულად დაინყო: გედიგედ გამოგვეცალნენ უდიდესი პიროვნებები, შეუცვლელი პიროვნებები. წინა ნომერში მოვათავსეთ კიდევ გამოსათხოვარი წერილები რუბრიკით – „ეპოქალური სახეები“. დიახ, ეპოქალური სახეები გახლდნენ ნოდარ ანდლულაძე, თენგიზ ამირეჯიბი... მათი გარდაცვალება აუნაზღაურებელი დანაკლისია ჩვენი ქვეყნისათვის... და კიდევ ერთი ძალიან მოულოდნელი, ძალიან ძლიერი და დაუნდობელი დარტყმა... გარდაიცვალა იოსებ კეჭაყმაძე...

გარდაიცვალა იოსებ კეჭაყმაძე – კომპოზიტორი, რომლის ნაწარმოებები დიდი მოვლენაა ქართული (და არა მხოლოდ ქართული) მუსიკალური კულტურის და ამაში მერე და მერე უფრო დარწმუნდება მსმენელი, მისი ნაწარმოებების მადლს უფრო და უფრო მეტად ეზიარებიან თაობები... ჩვენ კი ამავე დროს მივსტირით განუშეორებელ პიროვნებას. ასეთი პიროვნებები ალბათ ყველა დროში ერთეულები არიან, რომლებიც იძლევიან მავალითს, თუ როგორ შეიძლება განვლო ცხოვრების გზა ღირსებითა და კეთილშობილებით აღსავსემ. ჩვენ ამავე დროს მივსტირით ჩვენს დიდ მფარველს, ქომაგს, მზრუნველს ჟურნალ „მუსიკისა“, მანამდე კი ვაგებთ „მუსიკისა“ იოსებ კეჭაყმაძე ფარად რომ ედგა გვერდით, შეიძლება ითქვას იბრძოდა და იღვწოდა მისი არსებობისათვის სრულიად უანგაროდ და უჩინრად. თან ამის შესახებ გაცხადების უფლებასაც არ გვაძლევდა. გვახსენდება ქვეყნის უახლოესი წარსულის ყველაზე ძნელბედობის ჟამს, როცა ინტელიგენციას განსაკუთრებით უჭირდა, შესაბამისად არც ხელფასი, არც არანაირი შემოსავალი არ არსებობდა, ამ დროს იოსებ კეჭაყმაძეს ერთგან ჰონორარი ჩაურიცხეს. ამ დროს ეს თანხა მისთვისაც რაღაც შვების მომგვრელი უნდა ყოფილიყო. ბატონმა სოსომ კი ეს თანხა ვაგებთ „მუსიკას“ ვადასცა, თავის ფეხით მობრძანდა რედაქციაში და გვაახლა, თან გვთხოვა არავისთვის გვეთქვა. ამ დროს ეს ჩვენთვის არამხოლოდ მატერიალური, არამედ მორალური თანადგომაც იყო. მარტო იმ ფაქტის შეგონება რად ღირდა, რომ ასეთი ადამიანები არსებობენ...

იოსებ კეჭაყმაძე ის ადამიანი გახლდათ, რომლის არსებობაც ჟურნალის მომზადებისას მუდამ გვახსოვდა, როგორც იტყვიან, მასზე სწორება გვქონდა. მისი გულის მოგება, ცხადია, მხოლოდ ღირსეული პოლიტიკით, ღირსეული ქვევით შეიძლებოდა. სამართლიანობითაც სამავალითო იყო, უსამართლობისას შეუწყნარებელი. ამ დროს ისე ვაფიცხებოდა, მასში ვურული წარმოშობა მთელი სიძლიერით იფეთქებდა. ხშირად, მისთვის არმოსაწონი ფაქტის შემთხვევაში, კვიმატი ნათქვამით გამოიტანდა განაჩენს. ენამოსწრებულობითაც განუშეორებელი იყო. მისი გამონათქვანები ხშირად ფართოდ ვავრცელებულა... თუმცა რამდენი და რომელი ერთი უნდა ვავრცელებულიყო, ბატონ სოსოს ხომ მუდამ ყველაფერზე მზად ჰქონდა პასუხი.

სულ სიკეთის ქმნაზე ფიქრობდა. ამის ერთ-ერთი თვალნათელი ნაყოფია საქართველოს კომპოზიტორთა კავშირის ცხოვრების ამ ბოლოდროინდელი გამოცოცხლება. მისი ინიციატივითა და ძლისხმევით შეუდგა საქართველოს კულტურის სამინისტრო ქართველი კომპოზიტორებისა და მუსიკისმცოდნეებისათვის გარკვეული პირობების შექმნას. ასე მოეწყო და ახლაც ეწყობა კონკურსები სხვადასხვა ჟანრის ნაწარმოებებისათვის, დაარსდა პრემიები – წლის საუკეთესო საკომპოზიტორი და სამუსიკისმცოდნეო ნამუშევრებისათვის, ჟურნალი „მუსიკაც“ ხომ კულტურის სამინისტროს მატერიალური მხარდაჭერით გამოდის. ყოველივე ამისთვის კულტურის სამინისტროს სახელზე მადლობის წერილიც ვავამზადებთ გამოსაქვეყნებლად, ბატონი სოსოსაგან კი წინასწარ ვიცოდით, რომ მისი სახელის ხსენების უფლება არ გვქონდა.

თავმდაბლობითაც გამორჩეული, ურთიერთობაში არასდროს გვაგრძობინებდა თავის უპირატესობას. პირიქით, ყოველი მოკითხვისა და შეხმინებისას ისეთ მადლობას გვიხდიდა, თითქოს მისთვის იყო ეს პატივი.

იოსებ კეჭაყმაძე არა მხოლოდ განუშეორებელი შემოქმედი, არამედ განუშეორებელი პიროვნებაც გახლდათ, ასეთ ადამიანთან ურთიერთობა კი უფლის დიდი წყალობაა. უფალმა მარადიულ ნათელში ამყოფოს მისი სული.

საგუნდო მუსიკის რაინდი

ეს მცირე ნაწერი ჩვენი უკანასკნელი საუბრით მინდა დავიწყო, რამეთუ მეტად დამახასიათებელი იყო მისი ადამიანური პუნებისთვისაც და ჩვენი, სტუდენტობის დროით დანყებული, ურთიერთობისთვისაც. „გამარჯობა, ვლადიმროვნა!“ (ეს მისალმება განსაკუთრებული ქართული აქცენტით ითქმოდა ხოლმე). „გაგიმარჯოს Иосиф Ильич!“, ამ ირონიანარევი ხუმრობით ხაზი ესმებოდა ჩვენს თავგამოდებულ მოქართულეობასაც და ასეთსავე თავგადაკვლულ ანტიკომუნისტობასაც, რამეთუ ორივეს სახელ-მამისსახელები ლენინ-სტალინის ასოციაციებს უკავშირდებოდა. ამჯერად სოსოს მარის საბაზი იყო პოეტის, მაია ნიკლაური-დიდიგურის ის-ის იყო წაკითხული პუბლიკაცია, რომელიც შეაქო, მერე კი მთხოვა რამდენიმე რჩევა გადამეცა, „თუკი მიიღებს, რა თქმა უნდა“-ო, დააყოლა სოსომ, მისთვის ჩვეული მოკრძალებით. მაიამ, რაღა თქმა უნდა, მადლიერებით, მეტიც, სიხარულით მიიღო რჩევა და სამომავლოდ უეჭველად გათვალისწინება აღმითქვა. ეს რჩევაც, იმდენად ტიპურია სოსოსათვის, რომ არ შემოიძლია აქ არ აღვბეჭდო. „მაიას უნერია, „ფიქრის გორაო“. ეს კი უნინ „ფიქრის გორა“ ყოფილა. ალბათ, ფიქართა ამქარი სახლობდა, ან მუშაობდა აქ. მერე კი უფრო პოეტური სახელი მოირგო – ფიქრის გორაო. გადაეცი, ძალიან ნიჭიერი პოეტი ქალია, მომავალში გამოადგეს, იქნებ.“ ეს მცირე ეპიზოდი გავიხსენე არა მხოლოდ ტიპურობის გამო, არამედ იმიდაც, რომ წარმომეჩინა, თუ როგორი იყო კომპოზიტორ იოსებ კეჭაყმაძის ინტერესთა თვალსაწიერი, რას აქცევდა ყურადღებას, რას კითხულობდა, რა ამოძრავებდა. იგი

შინიდან გაუსვლელად (განსაკუთრებით ბოლო წლებში) ახერხებდა ყველაფრის საქმის კურსში ყოფნას, განა მხოლოდ იმისა, რაც მის პროფესიას, უშუალოდ მუსიკას ეხებოდა, არამედ მხატვრული ლიტერატურის, პოეზიის, ზოგადად ხელოვნების, ჩვენი ბობოქარი ყოველდღიურობის, პოლიტიკის, ათწლეულების მანძილზე დაულაგებელი ქვეყნის და ა. შ. საკითხებით იყო დატვირთული. უაღრესად ფართო იყო მისი ერუდიციის საზღვრები. გამორჩეული ადგილი ეროვნულ პოეზიას ჰქონდა მიკუთვნებული. მისი შემოქმედება ამასვე ადასტურებს – წარსულის დიდ მოღვაწეთა გენიალური პოეზიის გვერდი-გვერდ მან უკვდავყო პოეტები, რომელთა პნკარები თავის მუსიკას შეუნყვილა, პოეტები, რომელთა სახელები მისი მუსიკის ძალით უკვდავყოფილნი იქნებიან. უკვდავყოფილნი, რადგანაც, მტკიცედ მჯერა, იოსებ კეჭაყმაძის მუსიკა იცოცხლებს მანამ, ვიდრე საქართველოში ეყვარებათ მუსიკა, და აფასებენ ჭეშმარიტ ხელოვნებას, ანუ მარადქამს.

ამ მცირე წერილით, რა თქმა უნდა, მიზნად არ ვისახავ კეჭაყმაძის შემოქმედებითი დანატოვარის განხილვას, მის ღირსებათა აწონ-დანონასა და აღნუსხვას. მე მის ცალკეულ ადამიანურ თვისებებს მინდა შევეხო, რადგან მისი მემკვიდრეობის მკვლევარებისათვის მეტად სასურველად მიმაჩნია ცოდნა იმ ცალკეული წვრილმანისა, რაც ერთ-ერთი თანამედროვის მიერ შენიშნულია, ნიშნული იყო შემოქმედისათვის, ვისი ხელითაც იწერებოდა ასეთი მუსიკა.

რა იყო გამორჩეული თვისება, იოსებ კეჭაყმაძეს რომ ახასიათებდა? მუსიკის შემდეგ, ალბათ, უწინარეს



ყოვლისა, მისი არაჩვეულებრივად სხარტი, მახვილი იუმორი, ჭეშმარიტად გურული კაცის მოსწრებულნი ენა. ძნელიც კია ცალკეული მახვილგონივრული გამონათქვამის გახსენება, რადგან იუმორი მას უჩქეფდა ყოველნუთიერად, თითოეული ფრაზა რა სათქმელია, თითოეულ სიტყვაში, ქარაგმებით, ორაზროვნებით, გადაკრული სიტყვით გადაპენტილ მეტყველებაში. მახსოვს, კონსერვატორიას საყვედურობდნენ, ეროვნული მუხტი მოუსუსტებსო. სოსომ კი თქვა: „ერთი შვილ მაინც გავზარდე ვეფხვებთან მეომარია“, მერაბ კოსტავა იგულისხმა, ერთადერთი დისიდენტი (როგორც მაშინ უწოდებდნენ). ერთ ხუმრობას გავიხსენებ: „რა მოხდა, სოსო, ასე რატომ დაავიანე ყურმილის აღება?“ „ოჰ, რა მექნა, ხატაპურის ცომში მქონდა ხელები.“ ყველამ კი ვიცოდით, ცომი რა სათქმელია, პური სად იყიდებოდა, ისიც კი არ უწყოდა. აქ, უსათუოდ უნდა ვახსენო მისი მეუღლე, ოლიკო, ადამიანი, ვინც იცოდა სოსო კეჭყამაძის ჭეშმარიტი ფასი და ამიტომაც ყოფითი ყველა წვრილმანისაგან კი არა, „მსხვილმანები-საგანაც“ გაათავისუფლა, რათა მუსიკისათვის გაენდო გულისხნადები, სულისმიერი განცდა, აზრი თუ ჩანაფიქრი. მეტიც, უკანასკნელი რამდენიმე წელი სოსოს

სიცოცხლე ოლიკოს მზრუნველობის დამსახურებაა. მან გადაატანინა უამრავი გულისტკენა, დაუმსახურებელი საყვედურით, უმადურობა-მუხანათობით მიყენებული ჭრილობა და მძიმე განცდა, საქართველოს ეროვნულ ჰიმნთან დაკავშირებული საგაზეთო ბინძური კამპანიები, ქუჩის გამოსვლები, თუ საკონსერვატორიო ინტრიგები...

ჩვენს ქვეყანაში (საქართველოს ვგულისხმობ, და არა საბჭოთა კავშირს, სადაც ჩვენი ცხოვრების უმეტესმა დრომ ჩაიარა) არსებული ყველა ჯილდო ჰქონდა მინიჭებული, თუმცა ამისათვის არ უბრძოლია. არ უბრძოლია, ხოლო კარგად უწყოდა საკუთარი შემოქმედების ფასი. ამასთანავე, რაგინდ პარადოქსულიც არ უნდა იყოს, იყო მოკრძალებული, მორიდებული, ტელე-ეკრანსა თუ პრესას, ტრიბუნას არ გაკარებია. არ დამაზინყდება მისი საგუნდო ციკლის „ძველი თბილისის სიმღერების“ მოსკოვური ტრიუმფული პრემიერა, ფეხზე ამდგარი დარბაზის მქუხარე ტაში, დამსწრე აუდიტორიის დაჩინებულმა მოთხოვნამაც კი ვერ აიძულა ახალგაზრდა კომპოზიტორი თავის დასაკრავად სკენაზე ასულიყო, ბოლო რიგში მიყუჟულიყო, ღელვით აჭარხლებული. სხვა პრემიერებს კი, ვგონებ საერთოდ არ დასწრებია.

დიპლომატიური უნარი, თანდაყოლილი, მან დახვეწა ოთარ თაქთაქიშვილის მინისტრობისდროინდელ კულტურის სამინისტროში მუშაობისას. პოლიტიკისაგან განმდგარი ყველა დროის ქართველებში ინარჩუნებდა საქართველოს კულტურის სამინისტროს მუსიკალური განყოფილების გამგისა თუ მრჩეველის თანამდებობას, თუმც აქაც უბრძოლველად, რადგან ავტორიტეტი ჰქონდა შეუვალი, ავტორიტეტი პროფესიული, პიროვნული, მატერიალურ საკითხებში უმნიშვნელო, შემოქმედებაში უტეხი პრინციპულობის მქონე ადამიანისა.

კომპოზიტორი, ალბათ, ყველა უკრავს ფორტეპიანოს. მაგრამ სოსოს საკვირველი პიანისტური განაფულობა ჰქონდა. ნებისმიერ პარტიტურას, ახალსა, თუ ნაცნობს, ფურცლიდან ტემპში უკრავდა, ყველა ნიუანსის დაცვითა და გამომსახველობით. ამით ნაწარმოებზე სრულიად ადეკვატურ შთაბეჭდილებას აყალიბებდა. მესხიერებაც შესაშური მოსდგამდა. იუმორით უთქვამს,

ეს აქედანაა „ნასესხები“, ეს „საკუთარია გადამორებული“ –ო. უეჭველია, არ იყო ასეთი კომენტარი მავანი ავტორისათვის სასიამოვნო მოსასმენი.

ან კიდევ მისი გულმხურვალება. თვალწინ ცოცხლად მიდგას სიგარეტის ნაწმვავებით აკოკოლავებული საფერფლე, როცა 9 აპრილის ამბების გამოძიებული კომისიის დასკვნებს გადმოსცემდა მოსკოვური ტელევიზია და ჩვენ, მის კაბინეტში, სულგანაბულები, ის კი ბოლთის ცემით, გულის ბაგაბუგითა და ამავედროულად სიფიქსით, ყურს ვუგდებდით ეკრანიდან ტყვიასავით ნასროლ თითოეულ სიტყვას.

კომპოზიციათა ფორმის ამგებ პრინციპებში საოცარი პროპორციების მქონეს, დარღვეული აქვს წონასწორობა ტრაგიკულსა და კომიკურს შორის. მის მუსიკას იუმორი აკლიაო, როგორ ვიტყვი, მაგრამ სახუმაროს ადგილი ნაკლებია მის შემოქმედებაში. ტრაგიკული, მოთქმა-ვაება, სულისშემძვრელი განცდა მეტია, ჭარბობს, რადგან ასეთ ეპოქაში არგუნა უფალმა ცხოვრება. იგი ეპოქის შვილი იყო და როგორც ყველა დიდ ხელოვანს ეპოქის მოვლენები აძლევდა სტიმულს შემოქმედებით ფანტაზიას. ფანტაზია კი, სჩანს ამოუწურავი მიჰმაღლა უფალმა. ან როგორ ატევდა საგუნდო მუსიკის ოთხ სანოტო ხაზზე ამდენ ფიქრს, ესოდენ ღრმა შინაარსს?! მან ხომ მიზანდასახულად შემოფარგლა საკუთარი სამოღვაწეო ასპარეზი საგუნდო მუსიკით. მეტიც, საგუნდო მუსიკის ერთი სპეციფიკური სფეროთი – *a cappella* გუნდით. აქაც პრინციპული იყო, ღრმად ეროვნული, დიდი ნიკო სულხანიშვილის სახელოვანი გზის ღირსეული გამგრძელებელი, ახალ სიმაღლეზე ამზიდველი.

ქართულ მუსიკოსებთან ჩემს ინტერვიუებს მუდამ გამოეხმაურებოდა ხოლმე, აზრს გამიზიარებდა. მასაც შევთავაზებ ინტერვიუ. თხოვნა არაერთხელ გავუძეო-რე. „რა იყო, გოგო, მომკლა გინდა?“, „რატომ?“, „ვისაც ინტერვიუ ჩამოართვი – ყველა იქეთაა, საიქიოში, ზოგს აქ მოეჭრა თავი.“ „რას ამბობ?! ჩვენ ჯერაც ნორჩები ვართ, ჯერ რა დროს საიქიოა?! არც თავი გაქვს მოსაჭრელი!“ ვერა, ვერ დავიყოლიე. დასანანია! მართალია, მის მუსიკაში, მის შესახებ მეტს ამოიკითხავს ადამიანი, მაგრამ მის სიტყვასაც ხომ ჰქონდა ფასი.

როგორ არ აღვნიშნო მისი პრინციპულობა, ერთხელ

ნათქვამს არასგზით რომ აღარ გადავიდოდა. კონსერვატორიიდან წამოსულს, იქეთ აღარ მიუხედავს.

ჩემთვის გულსატკენია უკანასკნელ ხანს იშვიათად რომ ვსაუბრობდით, სატელეფონო საუბრებიც კი ქანცავდა მის წყნით ნაჭრილობეც გულს. მეგობრები ვუფრთხილდებოდით, მის ზარს ველოდით ხოლმე ოდენ.

დიდუბის პანთეონის კურთხეულ მიწაზე დაიდება კიდევ ერთი საფლავის ქვა, რომელზეც მხოლოდ სახელ-გვარი იქნება ამოტვიფრული, ყოველგვარი ჩინ-მედლებისა და ტიტულების გარეშე. და როგორც ფალიაშვილის, სულხანიშვილის, ბალანჩივაძის, არაყიშვილის, დოლიძის სახელები თავადაა ყოვლისმეტყველი, იოსებ კეჭაყმაძეც აუნყებს წამკითხველს მის როლსა და ადგილს ეროვნულ სახელოვნებო საგანძურში. თანამედროვეთა, მეტადრე მომავალი თაობის, დამოკიდებულება კი საუცხოოდ გამოიხატა ერთ ქმედებაში – საგუნდო მუსიკის ახალბედა სპეციალისტებმა, სტუდენტებამ, საკუთარი პეშვით ამოავსო საფლავი, რათა ნიჩბის ცივი ლითონი არ მიჰკარებოდა ძვირფასი პიროვნების სამარადისო სავანეს!

დიაღ, დიდუბის კურთხეულ მიწაში ჩაესვენა კიდევ ერთი ნათელი სხივი და იმავდროულად ქართული მუსიკის ცის ტატნობზე გაბრწყინდა კიდევ ერთი კაშკაშა ვარსკვლავი – იოსებ კეჭაყმაძე – დიდი ქართველი ეროვნული კომპოზიტორისა.

გარდაიცვალა იოსებ(სოსო) კეჭყმაძე, დავნერე ეს სიტყვები, უფრო სწორი ვიქნები თუ ვიტყვოდი ავკრიფე და ავხედე კომპიუტერის უტყვ ეკრანს, ის კი არავითარ ემოციას არ ამჟღავნებს და სრული სიმშვიდით ელოდება თუ როდის გავაგრძელებ მუშაობას, მას ხომ ვერც კი წარმოუდგენია თუ ვისზეა საუბარი, რომ თემის „გმირი“ დიდი ქართველი კომპოზიტორი, იოსებ კეჭყმაძეა, ჩემი ძვირფასი კოლეგა და დიდი ხნის სულიერი მეგობარი, ბოლო წლების განმავლობაში აქტიურ ქმედებას გარიდებული, დროის უკუღმართობასა თუ ადამიანურ უმადურობას შეგუებული. ადამიანი, რომლის სახელთანაა დაკავშირებული თანამედროვე ქართული კლასიკური მრავალხმიანი საგუნდო მუსიკის აღზევება, რომლის განუმეორებელი პიროვნული ხიბლითაა გაჯერებული ყოველი მისი საგუნდო მინიატურა, საგუნდო ციკლი თუ საეკლესიო საგალობელი, თეატრალური თუ კინო მუსიკა.

ალბათ ყველა ბათუმელ თეატრის მოყვარულს ახ-



ი.კეჭყმაძე, ი.პარღანაშვილი 26. 03. 1995 ბათუმი.

ყოფილების წინსვლას. მას განსაკუთრებით ახარებდა ბათუმში მოქმედი საგუნდო კოლექტივების სერიოზული შემოქმედებითი წარმატებები, სწორედ ბათუმში პირველი შესრულების უფლებით გაიყდრა ბევრმა მისმა ბო-

დიდი კომპოზიტორი

სოვს სპექტაკლ „ლამარასათვის“ მის მიერ შექმნილი საოცარი საგუნდო პარტიტურა. ბათუმი ვახსენე და აქვე აღვნიშნავდი, რომ მისთვის ჩვენი პატარა ქალაქი იყო სულიერი ნავსაყუდელი, რაზეც ჩვენ ბევრჯერ გვისაუბრია, ასევე ხშირად ვიხსენებდით ორივესათვის საყვარელ სახელებს, განსაკუთრებით კი დირიჟორ სოსო მიქელთაძეს, რომელმაც ბათუმის სამუსიკო სასწავლებელში მისთვის ჩვეული პროფესიული ინტუიციით მასში დაინახა მომავალი დიდი ნიჭიერება და ადრეული შემოქმედებითი ძიებების პირველი დაინტერესებული შემფასებელი გახდა. ჩვენს პირად ახლო ადამიანურ თუ კოლეგიალურ ურთიერთობას ბევრ შემთხვევაში სწორედ ჩვენს ბიოგრაფიაში არსებული „ბათუმური“ ელემენტი აძლიერებდა და განსაკუთრებულ ელფერს სძენდა. წლების შემდეგ კი ერთ-ერთმა პირველმა იოსებ კეჭყმაძემ გამოთქვა სურვილი ჩასდგომოდა სათავეში ბათუმში ახლადჩამოყალიბებული სამუსიკო კერის, კონსერვატორიის საკომპოზიტორო და საგუნდო გან-

ლო პერიოდში შექმნილმა ნაწარმოებმა. დღეს საქართველომ დაკარგა არა მხოლოდ დიდი კომპოზიტორი, არამედ ქართული პოეზიის ტემპარითი მოტრფიალაც, რომელმაც შესძლო მუსიკის ენაზე ახლებურად წარმოეჩინა და უკვდავყო ქართული ხალხური თუ პროფესიული პოეზიის მარგალიტები. ჩვენ კი დაგვკარგეთ იშვიათი კოლეგა, კეთილმოსურნე, ხელის გამმართველი, სასიკეთო ქმედებისთვის მუდამ მზადყოფი, ფიცხიცა და იმავდროულად ბავშვურად მიამიტი, მიმტევებელი.

მისი შემოქმედება კი დიდი ხანია რაც ორგანული ნაწილია ქართული გენოფონდისა. მან მაქსიმალურად გამოიყენა ის დრო, რაც მისთვის მიწიერი ცხოვრებისთვის იყო გამოყოფილი და ვალმოხდილი მიწებდა უზენაესის ნებას.

ღმერთმა აცხოვნოს მისი სული!

იოსებ პარღანაშვილი
ისრაელი

საგუნდო მუსიკის გიგანტი

თავზარდაცემული ვარ ბატონი იოსებ კეჭაყმაძის გარდაცვალებით.

ქვეყანამ ეპოქის შემოქმედი დაკარგა, რომელიც ყოველთვის გვაოცებდა მრაველფეროვანი ტექნიკური ხერხებითა თუ ნაციონალური კოლორიტით, გამომსახველობითი ხერხებითა თუ მელოდიურად მდიდარი პალიტრით.

არ ვიცი, გარკვეული პერიოდში, რა მიზეზით აკრძალა ბატონმა სოსომ თავისი თხზულებების შესრულება, გაოგნებული ვეუბნები: „ბატონო სოსო, კეჭაყმაძის შემოქმედება მარტო თქვენი საკუთრება არ გახლავთ, ის ყველა ჩვენგანის საკუთრებაა და იგი შინ და გარეთ უნდა ჟღერდეს“.

ცოტა ამბიციური განცხადება გახლავთ ჩემი მხრიდან, მაგრამ ეს ჩემს ემოციურ ხასიათს მიანერეთ, მის შემოქმედებას უკავია ჩემი გულის დიდი ნაწილი.

მე, როგორც ერთი რიგითი მუსიკოსი, სიცოცხლის ბოლომდე ვარ და ვიქნები მისი, როგორც ჭეშმარიტად აღმატებული შემოქმედების პატივისმცემელი, მისი ნაწარმოებები გახლავთ მარადიული დროსთან მიმართებაში, სწორედ ამიტომ ღრმა კვალი დააჩნია მისმა შემოქმედებამ ქართულ საგუნდო ხელოვნებას, რომლის ფესვებზე გაიზრდებიან ნიჭიერი საგუნდო მოღვაწეები, დირიჟორები, კომპოზიტორები.

და რაც მთავარზე მთავარია, მის ნაწარმოებებში განფენილი საოცარი სულიერება ყოველთვის გაგვახსენებს ჩვენ ძვირფას ბატონ სოსოს.

რუსუდან სორავა

ჯეშმარისი მაესტრო

ქართულმა მუსიკალურმა საზოგადოებამ უდიდესი დანაკლისი განიცადა. გარდაიკვალა დიდი მაესტრო — იოსებ კეჭაყმაძე.


ჩვენ ბედმა გვარგუნა ბედნიერება გვემუშავა მის ნაწარმოებებზე. ყოველი შეხვედრა ბატონ სოსოსთან იყო უაღრესად საქმიანი, შემოქმედებითი, კრიტიკული და ამაღლებული.

ბატონი სოსო სიცოცხლის ბოლომდე გვასაზრდოებდა თავისი უშრეტი მუსიკალური განძით.

იგი უაღრესად თვითმყოფადი იყო როგორც მუსიკაში, ისე ყოფა-ცხოვრებაში, ადამიანებთან ურთიერთობაში და თუ ჩვენს შორის ასეთი გულითადობა დამყარდა, ეს უპირველესად მისი დამსახურება იყო. ბატონი სოსოს ავტორიტეტი იმდენად დიდი იყო, რომ ამ ურთიერთობას თვალისჩინივით ვუფრთხილდებოდით. სწორედ ამიტომაც ვიყავით მასთან გულწრფელები და საქმეში თავდადებულები.

ჩვენ, როგორც საგუნდო დირიჟორები, ბატონი სოსოს შემოქმედებაზე ჩამოვყალიბდით და დავოსტატდით. მუშაობა მის ყოველ ახალ ნაწარმოებზე, ეს იყო სიახლე აზროვნებაში, გემოვნებაში. ის გვაძლევდა განსაკუთრებულ ემოციურ მუხტს. ზოგჯერ ელვარეს, მგზნებარე სიყვარულით სავსეს, ზოგჯერ სევდიანს და ჩვენ, შემსრულებლებს, უნებურად გვაიძულებდა ბგერებით გვეპოვნა ეს გარდასახვები. ბათუმის ქალთა კამერული გუნდის სახე და სავიზიტო ბარათი არის და მუდამ იქნება იოსებ კეჭაყმაძის შემოქმედება.

„ვაკ, დრონი, დრონი...“



ბატონი სოსო კეჭაყმაძე გარდა იმისა, რომ გამორჩეული იყო საგუნდო მუსიკის სფეროში, ასეთივე შეუდარებელი გახლდათ მისი ინტელექტით გაჯერებული, სრულიად არაორდინარული იუმორი.

ადრინდელ კულტურის სამინისტროში, დიდი ოთარ თაქთაქიშვილის მინისტრობის დროს, საოცარი გარემო სუფევდა. სოსო კეჭაყმაძესთან, რომელიც მუსიკალურ განყოფილებას ხელმძღვანელობდა, სარეპერტუარო-სარედაქციო კოლეგიის მთავარ რედაქტორთან, ანტონ ნულუკიძესთან, შემდეგ უკვე ვაჟა ბრეგაძესთან, თავს იყრიდნენ ხელოვნების ყველა დარგის ბრწყინვალე წარმომადგენლები, იმართებოდა უაღრესად საინტერესო სჯა-ბაასი, მათ მოსმენას არაფერი სჯობდა. თანამშრომლებისათვის ეს შეხვედრები ქართული მხატვრობის, დრამატურგიის, მუსიკის სიახლეების შეცნობის, „კვალიფიკაციის ამაღლების“ სრულქმნილ კურსებს წარმოადგენდა. დროთა ვითარებამ ეს ჰარმონიული თანაარსებობა დაარღვია, მხოლოდ მოგონებათა ერთი დიდი ნოსტალგიური ფურცლის კუთვნილება გახდა. ალექსანდრე ჭავჭავაძისა არ იყოს — „ვაკ, დრონი, დრონი...“

სწორედ ამ პერიოდის შემდეგ მავანი მინისტრის ერთ-ერთ მოადგილესთან გამართული უსაგნო თათბირის დროს ტელეფონმა დარეკა; სანამ ის ტელეფონს პასუხობდა, სოსო კეჭაყმაძემ, რომელსაც აევსო მოთმინების ფიალა, წამოიძახა — როდემდე უნდა გვმოდვრავდეს ზაბლონა მასწავლებელი? მინისტრის მოადგილემ ყური მოჰკრა რეპლიკას და გაიკვირვა — ვინ არის ზაბლონა? იქ დამსწრე თანამშრომლებმა პასუხად მხოლოდ სიცილისაგან თავის შეკავება მოახერხეს... ბატონმა სოსომ უკვე თათბირის შემდეგ გააკეთა მისთვის ჩვეული გონებაამახვილური კომენტარი — თათბირმა ერთ დიდ „საიდუმლოს“ ახადა ფარდა, თვალნათლივ დაგვანახა ჩვენი ზაბლონას ლიტერატურული თვალსაწიერიო. მსგავსი მაგალითების მოყვანა შორს წავიყვანს.

მრავალმხრივი ნიჭით მადლცხებული ადამიანის — ოსებ კეჭაყმაძის ხსოვნა სამარადქამოა თითოეული ჩვენ-განის არსებაში.

ესკიზები პორსრეისისათვის

ერთხელ ლექციაზე პედაგოგმა უცნობი ნაწარმოები ჩავვირთო და გვკითხა: „აბა თუ იცით ვისი ნაწარმოებიაო?“, ცოტა ხნის შემდეგ ერთ-ერთმა სტუდენტმა ჩაილაპარაკა: „რავი მე ვისია, კარგი კიაო და...“. როდესაც მუსიკა ისე მოდის შენთან, ისე გტვირთავს ემოციებით და ისე გიტაცებს თავის უკიდევანო სამყაროში, რომ ვისია, რაა, რატომ, რისთვის და როგორ... მხოლოდ მეორადი ხდება, სწორედ მაშინ შეგიძლია თქვა: „მუსიკა — მაგიის ყველაზე ძლიერი სახეობაა“. სწორედ ასეთ მაგიას ფლობდა იოსებ კეჭაყმაძე.

2009 წელს, თბილისის ოპერისა და ბალეტის თეატრში ჩატარდა იოსებ კეჭაყმაძის 70 წლის იუბილესადმი მიძღვნილი კონცერტი, დირიჟორობდა ვახტანგ კახიძე, ქორმაისტერი იყო ლია ჭონიშვილი.

ეს იყო ფოიერვერკი ფანტაზიისა და საკომპოზიტორო გამომგონებლობის, ორიგინალობის, უმდიდრესი ტემბრული პალიტრის, ჰარმონიის საოცარი სიმდიდრის, აზრთა და ფერთა თამაშის... მშვენიერების, ადამიანურ განცდათა და ემოციათა უსაზღვრო გამის, ფილოსოფიური სიღრმისა თუ ემპაკი, გამჭრიახი იუმორის, ირონიის, თუ გნებავთ, სანახაობის — თავისი ხილულობამდე, ხელმეხახები ემოცია-ზმანებებით... ეს იყო მუსიკის ისეთი ზეიმი, გულგრილს რომ არავის დატოვებდა. ამ ორსაათიან კონცერტში არამცთუ ფოლკლორული ციტატა, არამედ უშუალოდ რომელიმე ხალხურ ნიმუშ-

თან დაკავშირებული ქართული ჰარმონიებიც კი ძნელად მოსაძიებელი იყო. კომპოზიტორი მხოლოდ მისთვის „განდობილ“ ხერხთა კონგლომერატით ახერხებს არა კონკრეტულად გურულ, ქართლ-კახურ, მთისა და სხვა კუთხეების ფოლკლორის მახასიათებელთა გამოყენებას, არამედ ამ უზღვავე მახასიათებელთა ერთობლიობით, ურთიერთდაშრეკვებითა და ურთიერთშელევადობით ქმნის ზოგადქართულ საგუნდო მუსიკალურ ენას.

როგორც აღვნიშნე, კონცერტი შესვენების გარეშე ორ საათზე მეტ ხანს გაგრძელდა, და ეს იყო კონცერტი ერთ ამოსუნთქვით — ფიქრი რომ არსად გაგექცევა და წამითაც რომ არ გიტოვებს ამოსუნთქვის საშუალებას — „რომ გავიტანს და ცოცხლად დაგმარხავს“...

დამთავრდა კონცერტი და ყველას აღფრთოვანება ეწერა სახეზე. ერთ-ერთმა ფილოლოგმა ქალბატონმა, რომელიც აკადემიური მუსიკის დიდი მოყვარულია, ცოტა არ იყოს გაკვირვებულმა ბრძანა: „მიყვარს მუსიკა, მაგრამ არ მეგონა რომ საგუნდო მუსიკის კონცერტს ორ საათზე მეტს ხანს ერთი ამოსუნთქვით ბოლომდე მოვისმენდი!“ —ო.

თავბარდამცემი იყო ყველასათვის იოსებ კეჭაყმაძის გარდაცვალება. კომპოზიტორთა კავშირში ყველა დამწუხრებული იყო. შემოვიდა ერთ-ერთი კომპოზიტორი და თავისი წრფელი გულისტკივილი გამოხატა.

გასვლისას კი ჩაილაპარაკა – „დიდი საგუნდო კომპოზიტორი იყო“ –ო.

ამ დეფინიციამ ყური მომჭრა. განა ვინმე ამბობს „შოპენი – დიდი საფორტეპიანო კომპოზიტორი იყო“, ან „ვერდი – დიდი საოპერო კომპოზიტორი“ და ა.შ. ან ხარ დიდი კომპოზიტორი, ან არა! ვგონებ, არც ჟანრი და არც ჟანრთა სიმრავლე არ განსაზღვრავს შემოქმედის მასშტაბსა და სიდიდეს. „ბომა-ნონას“ მნიშვნელობა დახლთან აქვს და არა ხელოვნებაში.

დიახ, იოსებ კეჭაყმაძე, თუ ადრეულ ნაწარმოებებს და ცალკეულ მცირედენ გამონაკლისებს არ ჩავთვლით, ძირითადად შემოიფარგლა საგუნდო *a cappella* გუნდებით. მას სიმფონიები არ დაუნერია, მაგრამ სიმფონია ხომ მართო ჟანრი და ფორმა არაა? განა გალაკტიონის „ნიკორნმინდა“ სიმფონია არაა? როგორ აგებს ხვეულ-ხვეულ, რითმა-რითმს, ყოველ პნკარსა და ტაქსს, განა აზრის სიმფონიური მასშტაბი და სიღრმე არაა თავისი უწყვეტი დინებით, განვითარებითა და აღმასვლით, თავისი კულმინაციითა და დასკვნით აკორდით? განა ჩვენ თვალწინ არ შენდება ეს მონუმენტური, ზემსწრაფი ნაგებობა? თვით ტაძარი ნიკორნმინდაც ხომ „ქვაში ამღვრებული სიმფონიაა“, თავისი მოღვრებული ყელით, სხეულითა და მზისკენ ატოტვილი ჩუქურთმებით. ხელოვნებაში მთავარი არაა რა ჟანრს ეხები, მთავარია...:

„აქ რომ თაღებია,
სვეტთა შეკონება,
ისე ნაგებია,
სიმბრის გეგონება.
ნეტა ვინ აავო,
რა ნიჭმა აავო,
რა მადლმა აავო
სვეტი – ნიკორნმინდა!“

იოსებ კეჭაყმაძე საგუნდო რეგისრებს, სოლოებს, პალიტრას ისე იყენებს, თავისი საოცარი საგუნდო *crescendo*-ებით, *diminuendo*-ებითა თუ *pianissimo*-ებით, ხმათა და ტესიტურათა განლაგება-გადანაწილებით, შერწყმა-შეჯერებით, რომ ნებისმიერ საგუნდო ჩანახატსა თუ ტილოს სიმფონიურ მასშტაბსა და



დედასთან და ვაჟისთან ერთად

ჟღერადობას სძენს, ამის დასტურად თუნდაც მხოლოდ „თბილისური კაპრიჩიო“ გამოდგებოდა. ანდა თავისი სწრაფსათქმელებით, სიტყვის მარცვალთა თუ ცალკეულ თანხმოვანთა ოსტინატური გამეორებით განა არ ქმნის სრულიად უცხო და ამასთანავე თანამედროვე საორკესტრო ხმოვანებას? კეჭაყმაძისეული საკომპოზიტორო ტექნიკა ალბათ ცალკე კვლევის საგანი უნდა გახდეს.

ბ-ნი სოსო ფლობდა იშვიათ უნარს – იგი „ბგერის სიჩუმით შემოსვის“ დიდოსტატი იყო, მისი საგუნდო პიანისიმო ხომ თუ ერთხელ მოისმენ, არასდროს დაგავინწყდება! სიჩუმეში გლოვა, დრამატიზმი, ეს ხომ ცოტას ხელენიფება არა მხოლოდ მუსიკაში, არამედ ხელოვნების სხვა დარგებშიც. მახსენდება „ნატურის ხეში“ მარიტას ბუბიის, სესილია თაყაიშვილის უსიტყვო გოდება, ენითაუნერელი სულიერი ტკივილის გენიალური მხატვრული ხორცშესხმის ნიმუში. ასეთი სულისშემძვრელი ეპიზოდები ხშირად გვხვდება იოსებ კეჭაყმაძის შემოქმედებაში და ვინც ერთხელ მოისმენს, მას ეს არასდროს დაავინწყდება.

დიახ, იოსებ კეჭაყმაძეს სიმფონია არ დაუნერია, მაგრამ მისი საგუნდო ტილოები, ნამდვილად არის ქართული სიმფონიური აზროვნების დიდი თუ მცირე ფორმის შედეგები, გნებავთ საგუნდო უწოდეთ მათ და გნებავთ სიმფონიური...

„ქორალი“ — „მუსიკა, როგორც ჰაერის პოეზია“...
 „სოფლად სტირიან ქალები“ ან ნებისმიერი საგუნდო ციკლი — საგუნდო სიმფონია...
 „კეკელჯან“ — მუსიკალური ფოიერვერკი...
 „ვედრება“ — ადამიანთა სევდა...
 „ლაშარის გზაზე“ — საუკუნეებგამოვლილი ერის შემართება და ენერგეტიკა...
 „ეკბერსისი“ — არარსიდან არსის შექმნა, ტრანს-ცენდენტული, კოსმიური სამყარო და ა.შ.

მთლიანობაში კი იოსებ კეჭაყმაძის შემოქმედებას ნამდვილად შეიძლება ვუნოდოთ ერის სულიერი ისტორია, „სულის სტენოგრაფია“ აქდრებული ბგერებში, რომელსაც, უდავოდ, ზოგადსაკაცობრიო ფასეულობა აქვს, რასაც, ვფიქრობ, დრო დაადასტურებს.

იოსებ კეჭაყმაძესთან ახლო ურთიერთობა არ მქონია, პირადად მხოლოდ 2001 წელს გავიცანი, როდესაც ფონდმა „ღია საზოგადოება — საქართველომ“ დამიფინანსა პროექტი „XX საუკუნის ქართული მუსიკა — ვიდეო-ფოტო, აუდიო არქივი“, რომელზეც ბ-ნ მერაბ კოკორაშვილის სტუდენტებთან ერთად ვმუშაობდი. ბ-ნ სოსოზე ვიდეო არქივი უნდა შექმნილიყო. ჩანაფიქრი ასეთი იყო, რომ შემოქმედებს თვითონ ესაუბრათ თავის ცხოვრებაზე, შემოქმედებაზე და სხვა მრავალ აქტუალურ მუსიკალურ საკითხზე.

დიდი შიში მქონდა, რომ არ დამთანხმდებოდა, რადგან კარგად ვიცოდი ბ-ნი სოსოს ზღვარგადასული თავმდაბლობა — ის არასდროს არ თანხმდებოდა ტელე და არამხოლოდ ტელე ინტერვიუებს. გასული საუკუნის უმძიმეს 90-იან წლებში გაზეთმა „მუსიკა“ ჩაატარა ფართო გამოკითხვა, ვრცელი ინტერვიუები ქართული მუსიკალური ხელოვნების წამყვან მოღვაწეებთან ქართული მუსიკის იმჟამინდელ რაობაზე, პრობლემებზე და მის მომავალზე. ქართული მუსიკის წამყვანმა მუსიკოსებმა და ასევე ხელოვნების სხვა გამოჩენილმა წარ-

მომადგენლებმა მიიღეს ამ გამოკითხვა-ინტერვიუებში მონაწილეობა. ბ-ნი სოსო ძლივს დავითანხმეთ ორიოდ სიტყვა ეთქვა. არ დამავინწყდება მისი თავდაპირველი პასუხი, რომელიც ისეთივე მრავალწახანგოვანი, ქარამითა თუ ირონიით აღსავსე იყო, როგორც მისი შემოქმედება. კითხვაზე: როგორ შეაფასებდა ქართული მუსიკის, კომპოზიტორთა კავშირის განვლილ გზას და მომავალს, მან გვიპასუხა: „რასაც ვფიქრობ, იმისი თქმა არ მინდა, რასაც არ ვფიქრობ, იმას კი ვერ ვიტყვი“ — ო.

ამიტომაც ჩემი შიში უარზე, შემთხვევითი არ იყო. დათანხმდა და მხოლოდ ერთი პირობით — უნდა გავეცანი და პირადად გამსაუბრებოდა. მართლაც, მივედი კულტურის სამინისტროში გასაცნობად, ვისაუბრეთ ბევრი, უპირატესად, ქართულ მუსიკასა და პოეზიაზე. ბევრი საყვარელი პოეტიც აღმოგვაჩნდა საერთო: ტიციანი, გალაკტიონი, ანა კალანდაძე, მუხრან მაჭავარიანი, სხვა და სხვა. ბ-ნი სოსო ქართული პოეზიის არა მხოლოდ კარგი მცოდნე იყო, ეს ძალიან ცოტაა პოეზიისათვის, არამედ იგი საოცრად „შეიგზნობდა“ თითოეული სიტყვის, მხატვრულ-პოეტური გმანების არსს. დიახ, შემთხვევით არ მოვიხმე აქ გრიგოლ რობაქიძისეული სიტყვა „შეიგზნობდა“ და არა შეიგრძნობდა, რადგან შეგრძნებასა და მით უფრო ცოდნას, „გზნებაც“ რომ ახლავს, მხოლოდ მაშინ მოდის და მაშინაა ჭეშმარიტი ცოდნა და სიყვარული პოეზიისა და მუსიკისა.

არ ვიცი რა შთაბეჭდილება დავტოვე ბ-ნ სოსოზე მე, მაგრამ ერთი კი ვიცი, რომ იგი დამთანხმდა გადაგველო საარქივო მასალა იოსებ კეჭაყმაძეზე, მხოლოდ ერთი დათქმით — მასზე უნდა ესაუბრათ სხვებს და არა თვითონ მას. მხოლოდ ერთხელ, როდესაც მისი რამდენიმე გუნდის პრემიერა გაიმართა კონსერვატორიის დიდ დარბაზში და ჩვენ კულისებში ვსაუბრობდით, გადაძვლებ ფეხებს ვთხოვე ჩაენერათ ჩვენი საუბარი „პაპარაცულად“. მრცხვენია, მაგრამ ვიეშმაკე, იმდენად მინდოდა და აუცილებლად მიმაჩნდა ბ-ნ სოსოს საუბარი საკუთარ შემოქმედებაზე შემორჩენოდა არქივს და მომავალ თაობებს. ვფიქრობ, ბ-ნი სოსო მაპატიებდა!

გადაღებების დროს ბ-მა სოსომ დაგვრთო ნება დავს-
წრებოდით კონსერვატორიის საგუნდო განყოფილების
სახელმწიფო გამოცდას. მე იშვიათად მინახავს ამდე-
ნი სტუდენტი ასე შეყვარებული პედაგოგში და მინდა
ვთქვა, კონსერვატორიაში ასევე იშვიათად მინახავს
ასე კეთილგანწყობილი პედაგოგი თავისი თუ სხვისი
სტუდენტების მიმართ. უნდა გენახათ ბ-ნი სოსო, რო-
გორ თანაუგრძობდა თითოეულ მათგანს და როგორ
დელავდა მათ გამო. ეს უნდა გენახათ!

რაც იქ ვნახე და განვიცადე, თამამად მათქმევენებს
იმას, რომ იოსებ კეჭაყმაძე არა მხოლოდ დიდი კომპო-
ზიტორი, არამედ დიდი პედაგოგიც იყო.

დანაშაულია! ნამდვილად დანაშაულია, როდესაც
ასეთ შემოქმედთან, ასეთ პიროვნებასთან ურთიერ-
თობას მოუსპობენ სტუდენტებს და მერე ჩივიან „ეს რა
ახალგაზრდობა მოდისო“(!).

იოსებ კეჭაყმაძის დაკრძალვის დღეებში სტუდენ-
ტებმა არნახული სიყვარული და ერთგულება გამო-
ამჟღავნეს მასტროს მიმართ. ყველა პანაშვიდზე ბ-ნი
სოსოს საგალობლებს ვალობდნენ და ამ ვალობას
მწველი ცრემლი და წრფელი სიყვარული ახლდა თან.

ყველა სიკეთით დამშვენებული იოსებ კეჭაყმაძე –
მაღალი, მომხიბლავი მამაკაცი, არნახულად ნიჭიერი,
განათლებული, ბავშვობიდან რომ ყველა შენატროდა
და მოხიბლული იყო მისით, უამრავი თაყვანისმცემ-
ლით გარშემორტყმული, იმთავითვე წარმატებული,
არაერთი პრემიის ლაურეატი ჯერ კიდევ ახალგაზრ-
დობაში... და ასეთი თავმდაბალი? განრიდებული თავ-
შეყრის ადგილებს (იგი ხომ საკუთარ კონცერტებსაც
არ ესწრებოდა!). ასეთი დიდოსტატი – და არც ერთი
მისი ნაწარმოების ნოტები მის სიცოცხლეში არ გამო-
ცემულა, ჩანაწერებიც კი მცირეოდენი მოგვეპოვება;
ორიოდე წლის წინ გამოიცა CD დისკი...

ურთიერთობის დღით დანაშაული სულ ვფიქრობდი
ამაზე და ახსნას ვერ ვუძებნიდი, ეს ხომ ისეთი იშვია-
თობაა, მით უფრო საქართველოში.



ჩვენთვის უხსოვი სოსო (მარცხნიდან მხოლოდ ი.კეჭაყმაძე)

ახლახანს გამოცემულ არქიტექტორ გიგა ბათიაშვილის
შესანიშნავ წიგნში ამოვიკითხე ერთი ასეთი ისტორია:
მთამსვლელებს შერაბი თენცინგ ნორგეის და ინგლისელ
ჰილარის პირველებს დაუპყრიათ მსოფლიოს უმაღლესი
და ურთულესი მწვერვალი – ჯომოლუნგმა-ევერესტი.
ერთ-ერთ ჟურნალისტს, როდესაც იგი შეხვდა ჰილა-
რის, უკითხავს, თუ მათგან ვინ შედგა პირველმა ფეხი
მთის მწვერვალზე, ჰილარის უპასუხია: „მე ავედი პირ-
ველი, მივანოდე ხელი თენცინგს და ამოვიყვანე“-ო,

თქვენ რას იტყვით ამის თაობაზე? თენცინგს უპასუხი-
ა: „რა მნიშვნელობა აქვს ვინ ავიდა პირველი, ჯომო-
ლუნგმა ხომ ჩვენზე დიდია“ –ო. ვფიქრობ, იოსებ კეჭაყ-
მაძის პიროვნების ჩემთვის ამოუცნობი მხარე, ამ აღ-
მოსავლური სიბრძნის ფლობით იყო გაპირობებული...

ესეც ალბათ იოსებ კეჭაყმაძის კიდევ ერთი დიდი
და უიშვიათესი ნიჭია.

ბ-ნ სოსოს ვთხოვეთ გადაგველო მისი მშობლიური
სახლი ოზურგეთში, ამასთანავე გვინდოდა გავსაუბრე-
ბოდით მის ნათესავებს, ბავშვობის მეგობრებს, ოჯახის
წევრებს... იგი ამბავს დაგვთანხმდა. ესეც უჩვეულო
იყო ბ-ნი სოსოს მხრიდან, თუმცა ამჯერად სრულიად
სხვა რამემ გამაოგნა...

გადამღებ ჯგუფთან ერთად გავემგზავრე ოზურ-
გეთში. სადგურში დაგვხვდა მისი ძმა და მივიპატიჟა
სახლში, სადაც ის და მისი ოჯახი ცხოვრობდა. ყველა
შესანიშნავად შეგვხვდა – მეუღლე, მათი შვილები, მე-
გობრები. ვისაც კი გავსაუბრეთ, ყველასაგან უდიდესი
სიყვარული, პატივისცემა, აღფრთოვანება და სიამაყე
იგრძნობოდა. მათ მუშაობისათვის ყველა პირობა შეგ-
ვიქმნეს, ცდილობდნენ მაქსიმალურად მოეწოდებინათ
ინფორმაცია. დაგვათვალისწინებინეს საოჯახო ალბომი
და სიძველის მშვენიერებით გახუნებული ფოტოებიდან
ჩვენს წინ გადაიშალა სოსო კეჭაყმაძის მშობლიური,
ჩვენთვის უცნობი სამყარო და უცნობი სოსო კეჭაყმაძე
– თვეების სოსო ბებოსთან ერთად, 7-8 წლის სოსო
დედასთან ერთად, 4-5 წლის სოსო ბიძასთან ერთად,
რომელიც ოდესღაც რუსეთში გამგზავრებულა და და-
კარგულა. მისი სახელი სანათესაოში ლეგენდითაა
მოცული... 15-16 წლის ლამაზი, მომხიბლავი ყმაწვილი
შლაპით, გოგონების გარემოცვაში... უკვე დაოჯახებუ-
ლი სოსო თავის ეზოში ცოლ-შვილთან ერთად...

თვითონ, ბ-ნი სოსოს ძმა გვესაუბრა ბ-ნი სოსოს ბავ-
შვობაზე, მის თავისებურებებზე; სახლში მოინვია სოსოს
ბავშვობის მეგობარი, თანაკლასელი, რომელმაც ასე-
ვე ბევრი საინტერესო რამ გვიამბო იოსებ კეჭაყმაძის
სკოლაში, ბათუმის სასწავლებელში სწავლის წლებზე,



პასტორი სოსო ბიძასთან ერთად

მის გამორჩეულ ნიჭსა და თვისებებზე; შემდეგ წაგ-
ვიყვანეს ბ-ნი სოსოს მშობლიური სახლის სანახავად,
სადაც ძმები კეჭაყმაძეები გაიზარდნენ – ეს იყო მშვე-
ნიერი, ორსართულიანი სახლი ხის აივნით, რომელიც
უკვე სხვას ეკუთვნოდა, თუმცა სახლის ამყამინდელ-
მა მეპატრონეებმა დაგვრთეს ნება სახლი შიგნიდანაც
გადაგველო. ბოლოს კი ჩვენმა გულუხვმა მასპინძელმა
ოზურგეთის ღირსშესანიშნაობები დაგვათვალისწინებინა
და თბილისში წამოსვლამდე რესტორანში გავგი-
მასპინძლდა და აი, მხოლოდ აქ შემთხვევით გავიგეთ,
რომ ოჯახი მგლოვიარე იყო – მასპინძელს გარდაცვ-
ლოდა ახალგაზრდა ცოლის ძმა, რომელიც ჯერ კიდევ
არ ჰყავდათ დაკრძალული!

გავოგნდით!.. ჩვენ უხერხულობას საზღვარი არ
ჰქონდა!..

წამოვედი და მთელი გზა ვფიქრობდი იმ ფენო-
მენზე ქართული სტუმარ-მასპინძლობა რომ ჰქვია, იმ
საოცრებაზე ძმისა და მოყვასის სიყვარული რომაა, იმ
ფენომენზე, რომელმაც წარმოშვა და საქართველოს
მოუვლინა იოსებ კეჭაყმაძე – უდიდესი კომპოზიტორი,
სამოგადო მოღვაწე, პედაგოგი და დიდი პიროვნება.

მგია ჯაფარიძე

P.S. სტატიაში გამოყენებულია ფოტოები ახალგაზრდა
რეჟისორთა კავშირის “New Studio“-ს, ჩემს მიერ
მომზადებული, „XX-ს ვიდეო-ფოტო, აუდიო რქივიდან“.

საგუნდო მუსიკის დიდი ოსტატი

სამშობლოსათვის დამამკრალ ქართველთა სულებს შეუერთდა კიდევ ერთი გამორჩეული შემოქმედი – სოსო კეჭაყმაძე. ფასდაუდებელია მისი ღვაწლი ქართული და არა მარტო ქართული საგუნდო მუსიკის განვითარების საქმეში. იგი შეიძლება ალბათ მივაკუთვნოთ იმ იშვიათ ქართველ შემოქმედთა რიგს, რომლებიც სიცოცხლეშივე აღიარეს ცოცხალ კლასიკოსებად. თავისი დიდი და მაღალი შემოქმედებით ბ–ნი სოსო, რა თქმა უნდა, ვალდობდილია თავისი სათაყვანებელი ერის წინაშე, მაგრამ მაინც არ მტოვებს იმისი შეგრძნება, რომ უკეთესი ჯანმრთელობით იგი ალბათ გაცილებით მეტის გაკეთებას შეძლებდა და მოასწრებდა.

მეამაყება რომ სოსო მეგობრად მთვლიდა და ბევრჯერ ისეთი რამ გაუზიარებია ჩემთვის, რომ მეეჭვება თავისი გულისნადები და ნაფიქრალ–ნალოლიავეები გეგმები ასე იოლად კიდევ ვინმე სხვისთვისაც გაენდო. არა მგონია ვცდებოდე. აგერ ბატონო, პირველად ვამბობ ამას (ახლა მაქვს ამის უფლება) – განა სოსოს გარდა ვინმეს შეეძლო ჩაეფიქრებინა კონცერტების სერია სხვადასხვა ინსტრუმენტებისათვის (ფორტეპიანოს, ვიოლინოს ფლეიტისა და ა.შ.) არა ორკესტრის, არამედ გუნდის თანხლებით! დიას, მე მიმაჩნია, რომ მხოლოდ სოსოს შეეძლო ამდაგვარი სირთულის ჩაფიქრება და განხორციელება. რა სამწუხაროა, რომ ჯანმრთელობამ არ მისცა მას ამ უნიკალური იდეის ხორცშესხმის საშუალება. დაახლოებით ბოლო თხუთმეტი წლის განმავლობაში სოსო მუსიკას ქმნიდა მხოლოდ მაშინ, როდესაც ამის ნებას და საშუალებას აძლევდა მისი არა მარტო ჯანმრთელობის გამო დაავადებული და დაზიანებული გული...

მიუხედავად ყველაფრისა სოსოს ჰქონდა არაჩვეულებრივი ხალასი, ნამდვილი გურული იუმორი. არ შემიძლია არ გავისხენო მისთვის ძალიან დამახასიათებელი ერთი შემთხვევა: საქართველოს ჰიმნის შექმნისთანავე სოსოს ინტერვიუსათვის ეწვია ახალგაზრდა ჟურნალისტი გოგონა, რომელსაც სოსომ თავმდაბლად აუხსნა, რომ იგი მხოლოდ თანაავტორია და რომ ჰიმნის მუსიკის ავტორი ბაქარია ფალიაშვილია. მაშინ გოგონა დაინტერესდა თუ სად შეიძლებოდა ფალიაშვილის ნახვა (?!). სოსომ წყნარად აუხსნა გოგონას, რომ ფალიაშვილს ამ მძიმე დროში მასთან შედარებით ნაკლებად გაუმართლა და რომ იგი ფაქტობრივად უმუშევარი დარჩა და მისი ნახვა ალბათ მხოლოდ ოპერის ბაღში თუ შეიძლებოდა...

ჩემთვის უცნობია რა შედეგი გამოიღო ჟურნალისტის ოპერის ბაღში სტუმრობამ, მაგრამ ის კი ვიცი, რომ სოსო ამ უცნაურ შემთხვევასაც ძალიან განიცდიდა...

თავს ბედნიერად მივიჩნევ, რომ სოსომ ორი გუნდი დაწერა ჩემი ლექსების ტექსტზე – ერთს დავარქვით „ანდერძი“, ხოლო მეორეს სათაურად წაუძღვარა ერთ–ერთი სტრიქონი ლექსიდან – „ვგრძნობ სიკვდილს ვუახლოვებები“. აქვე მინდა მოვიყვანო სოსოს ავტოგრაფი, რომელიც ჩემთვის ისეთივე ძვირფასი და დაუვინყარია, როგორც სოსოს არაჩვეულებრივი პიროვნება და შემოქმედება:

ველს ვიძღუე, ვან შევძად,
თავზეხდი, ძმად, რომ ხვდები?
ნუ განზიჟიხავ, ხარგან მად
„ვგხდნობ, სევდივს ვუახლოვდები!“
სოსო ნაწყავიძე

დიდი მადლიერებით უნდა აღვნიშნო, რომ ეს გუნდი სოსომ მე მომიძღვნა...

სოსომ დაგვიტოვა თავისი დიდი შემოქმედება, რომელსაც სისტემაში მოყვანა, რედაქტირება და გამოცემა სჭირდება. რაც არ უნდა უცნაურად მოგვეჩვენოს, ჯერჯერობით არცერთი გუნდი გამოცემული არ არის. უჭვი არ მეპარება, რომ სოსოს დიდ შემოქმედებას აუცილებლად გამოუჩნდება გულშემატკივარი, რომელიც ამ საშვილიშვილო საქმეს ბოლომდე მიიყვანს და წარმატებით დააგვირგვინებს.

რევაზ შაკიძე

რედაქციისაგან: საბედნიეროდ, საქართველოს კულტურისა და ძეგლთა დაცვის სამინისტრომ ითავა ეს მართლაც მამულიშვილური და საშვილიშვილო საქმე. მათი თაოსნობითა და დაუღალავი შრომით უკვე მზადდება ი.კეჭაყაძის უნიკალური საგუნდო მემკვიდრეობის პირველი სრული სანოტო გამოცემა.



ნ.ძივანი, გ.ოიაპვილი, ს.სორაია, ს.პარტალოვი, ი.გიგანი, კ.ლაპვილი, ი. ჯიჯიანი

„კამერტონის“ გერმანული წარმართვა

მეხუთე წელიწადია, რაც გერმანიაში საზოგადოებრივი ორგანიზაციის Eurocon e.V-ის ეგიდით ფუნქციონირებს მოზარდთა მუსიკალური განათლების განვითარების, კულტურის სფეროში თანამშრომლობისა და ახალგაზრდული გაცვლითი პროგრამების მხარდაჭერი საერთაშორისო პროექტი „კამერტონი“. პროექტის მიზანია განსაკუთრებული მუსიკალური ნიჭით დაჯილდოებული მოზარდებისა და ახალგაზრდების ხელშეწყობა და მხარდაჭერა, ახალგაზრდა კლასიკური მუსიკოსების

საერთაშორისო კარიერის ჩამოყალიბება, მასტერკლასებისა და საკონცერტო გამოსვლების ორგანიზება, სხვადასხვა ქვეყნების ახალგაზრდა მუსიკოსებს შორის შემოქმედებითი ურთიერთობების დამყარება და განვითარება. „კამერტონის“ ერთ-ერთი პრიორიტეტია სხვადასხვა ქვეყნების წარმომადგენელ მოზარდთა გასტროლების მოწყობა და გერმანულ თანატოლებთან ერთობლივი კონცერტების გამართვა გერმანიის ქალაქებში და ვინაიდან, პროექტი გაცვლითი ხასიათით-



ლუდმილა ფონ ბერგი

საა, მსგავსი კონცერტების ჩატარება გერმანიაში სტუმრად მყოფი ახალგაზრდების სამშობლოში. „კამერტონის“ ხელმძღვანელია ცნობილი გერმანელი საზოგადო მოღვაწე ქალბატონი **ლუდმილა ფონ ბერგი**. პროექტის მხარდამჭერები არიან გოეთეს ინსტიტუტი, გერმანიის საგარეო საქმეთა სამინისტრო და ბერლინის სენატი.

„კამერტონის“ პარტნიორი ქვეყნების რიგს 2011 წელს საქართველოც შეემატა. პროექტში საქართველოს წარმომადგენელი და მუსიკალური ხელმძღვანელია ჰინისტი **კირა ლელაშვილი**. შარშან, საქართველოში უკვე მესამე ოფიციალური ვიზიტის ფარგლებში ლუდმილა ფონ ბერგი რამდენიმე დღის მანძილზე ეცნობოდა ჩვენი ქვეყნის სხვადასხვა მუსიკალური სკოლისა და სასწავლებლის აღსაზრდელთა შემოქმედებას. ახალი თაობის მუსიკოსთა შთამბეჭდავმა პროფესიულმა დონემ ამჯერადაც დაიმსახურა სტუმრის მაღალი შეფასება. რამდენიმე ათეული მოზარდი მუსიკოსიდან „კამერტონის“ 2013 წლის საგასტროლო ტურნესთვის შეირჩა ექვსი – ევგენი მიქელაძის სახელობის ცენტრალური სამუსიკო სასწავლებლის აღსაზრდელები **სალომე ჟორდანიას** (ფორტეპიანო), **გიორგი ოიკაშვილი** (კლარნეტი), **ინალ ჯიოევი** (ჰობოი), ვანო სარაჯიშვილის სახელობის სახელმწიფო კონსერვატორიის სამუსიკო სემინარიის მოსწავლეები **ირმა გივანი**

(ფორტეპიანო) და **ნოდარ მდივანი** (კლარნეტი), ე.წ. „ნიჭიერთა ათწლეულის“ მოსწავლე **სენდი ვართანოვი** (ვიოლინო). გიორგი ოიკაშვილი, ინალ ჯიოევი და სენდი ვართანოვი შარშანაც მონაწილეობდნენ „კამერტონის“ ეგიდით გამართულ კონცერტებში, როგორც გერმანიაში, ასევე საქართველოშიც, როდესაც თბილისის საპასუხო შემოქმედებითი ვიზიტით ესტუმრნენ ბერლინის კარლ ფილიპ ემანუელ ბახის სახელობის მუსიკალური გიმნაზიის აღსაზრდელები და მათ კონსერვატორიის დიდ დარბაზში მშვენიერი ერთობლივი კონცერტის გამართეს.

„კამერტონის“ წლევეანდელი საკონცერტო ტურნეც გერმანიის საგარეო საქმეთა სამინისტროს, გოეთეს ინსტიტუტისა და ბერლინის სენატის მეოხებით გაიმართა.

გერმანიაში გამგზავრებად რამდენიმე დღით ადრე, 12 აპრილს, „კამერტონის“ საქართველოს წარმომადგენლობის ახალგაზრდა მუსიკოსებმა ქართველი მსმენელებისთვის გამართეს კონცერტი საქართველოს კულტურისა და ძეგლთა დაცვის სამინისტროს დარბაზში.

და აი, 19–27 აპრილს ახალგაზრდა „კამერტონელებმა“ – ირმა გივანმა, სენდი ვართანოვმა, ნოდარ მდივანმა, გიორგი ოიკაშვილმა, სალომე ჟორდანიამ, ინალ ჯიოევმა წარმატებით გამართეს 7 კონცერტი გერმანიის სხვადასხვა ქალაქში და უკვე სამშობლოში დაბრუნდნენ. ამ გასტროლის შესახებ გვესაუბრება „კამერტონის“ საქართველოს წარმომადგენელი და მუსიკალური ხელმძღვანელი **კირა ლელაშვილი**:

– არგუმენტირებულად შეიძლება ითქვას, რომ ჩვენმა მოზარდებმა არათუ იმედი გაამართლეს, არამედ ყოველგვარ მოლოდინსაც გადააჭარბეს. მათ უკვე თაყვანისმცემელთა რამდენიმეთასიანი აუდიტორია ჰყავთ გერმანიის ქალაქებში. ყველა, ვინც მათ კონცერტებს დაესწრო, ძალიან ნასიამოვნები იყო ახალგაზრდების პროფესიული მომზადების დონით, ნიჭიერებით.

– **რას მიაწერთ ასეთ ინტერესს და წარმატებას?**

კ.ლ. – ძალიან დიდი შრომა გავწიეთ: თითქმის 9 თვის მანძილზე სერიოზული სარეპეტიციო მომზადება გაიარეს ახალგაზრდებმა, ძალიან შეხმატკბილდნენ, შემოქმედებითად შეენყვნენ ერთმანეთს და სასურვე-

ლი შედეგიც წარმოჩნდა. მოგეხსენებათ, „კამერტონ-მა“ 7 კონცერტი გამართა სხვადასხვა ქალაქში მრავალფეროვანი პროგრამებით, რომლებშიც ჟღერდა მოცარტის, ბეთჰოვენის, ვებერის, ტარტინის, შოპენის, შუმანის, ლისტის, კრეისლერის, ვაგნერის, შტრაუსის, სკრიაბინის, რახმანინოვის, პროკოფიევის, გლიერის, მორიკონეს, მონტის, პიაცოლას ნაწარმოებები.

ჩვენი ერთ-ერთი მიზანი ქართველი კომპოზიტორების შემოქმედების პოპულარიზაციაც არის და შესაბამისად, ყოველ კონცერტზე სრულდებოდა ქართული მუსიკაც, – პროგრამაში იყო რევამ ლალიძის რონდოტოკატა, ირაკლი გეჯაძის „მერცხალი“, მერაბ ფარცხალაძის „ჩანახატი“. „კამერტონის“ თხოვნით, ვაჟა აზარაშვილმა საკმაოდ უჩვეულო შემადგენლობისთვის შექმნა შესანიშნავი „ნოქტიურნის“ სექსტეტისთვის განკუთვნილი რედაქცია, საგანგებოდ ბერლინში მიმავალი ამ მუსიკოსებისთვის შეიქმნა ახალგაზრდა კომპოზიტორების თენგიზ ნოზაძის სექსტეტი სახელწოდებით „ვალსი-ფანტაზია“ და ლალი საბანაძის „მუსიკა ხუთი ინსტრუმენტისთვის“.

მერწმუნეთ, ქართულმა მუსიკამ ძალიან დიდი შთაბეჭდილება მოახდინა მსმენელებზე, განსაკუთრებული წარმატება ხვდა წილად ბატონ ვაჟა აზარაშვილის „ნოქტიურნს“, რომელსაც წესისამებრ, „ბისზე“ ამოღებინებდნენ „კამერტონს“. ასეთი ოვაციით მთავრდებოდა შეხვედრა ქართველ მუსიკოსებთან და ქართულ მუსიკასთან.

– რამდენადაც ვიცით, ერთი ფრიად ნიშანდობლივი ფაქტიც მოხდა ერთ-ერთი კონცერტის დასასრულს...

კ.ლ. – ალბათ, ტელეოვის საკათედრო ტაძარში გამართულ კონცერტს გულისხმობთ... კონცერტის დაწყებამდე კლარნეტისტი გიორგი თიკაშვილის ინსტრუმენტი, სიძველის გამო, მწყობრიდან გამოვიდა, მუსიკოსს დიდი ძალისხმევა დასჭირდა, რომ ტექნიკური ხარვეზების გარეშე წარმდგარიყო მსმენელთა წინაშე: მან ჯერ სალომე ჟორდანიასთან ერთად დაუკრა მასნეს „მედიტაცია“, შემდეგ კი ორი სექსტეტიც ააჟღერა დანარჩენ კამერტონელებთან ერთად. ეს ვითარება მსმენელთა შორის ორ ადამიანს გაუგია, მეუღლეებს – როზე და ჰანს-გეორგ ენგლიშებს და მათმა ქველმოქმედებამაც არ დააყოვნა: გაბრწყინებული სახით



როზე და ჰანს-გეორგ ენგლიშები

ესაუბრა ქალბატონი როზე გიორგის, მუსიკირება მოუწონა, შემდეგ „კამერტონის“ ხელმძღვანელს ლუდმილა ფონ ბერგს ალუთქვა, რომ ახალგაზრდას ფინანსურად დაეხმარებოდა ახალი კლარნეტის შექმნაში და მართლაც, მათი მეოხებით გიორგი უკვე ახალთახალი ფრანგული კლარნეტით „ბუფე კრამპონით“ დაბრუნდა საქართველოში. გვინდა, თქვენი ჟურნალის ფურცლებიდან კიდევ ერთხელ დიდი მადლობა გადავუხადოთ ქველმოქმედებისთვის ენგლიშთა ოჯახს!

– გერმანული მსმენელები განებივრებულნი არიან მაღალი დონის მუსიკოსებთან შეხვედრებით და შესაბამისად, გემოვნებაც დახვეწილი აქვთ...

კ.ლ. – სწორედ ამის გათავალისწინებით მივიჩნევთ, რომ „კამერტონის“ კონცერტები დიდად წარმატებული იყო, რასაც გერმანული პრესაც აღნიშნავს. ქართველთა ასეთი მშვენიერი კონცერტებით ძალიან კმაყოფილი იყო პროექტ „კამერტონის“ ხელმძღვანელი ლუდმილა ფონ ბერგი და პროექტის მხარდამჭერების – გოეთეს ინსტიტუტის, გერმანიის საგარეო საქმეთა სამინისტროს და ბერლინის სენატის წარმომადგენლები; ამაყნი იყვნენ საქართველოს საელჩოს თანამშრომლები. ერთ-ერთი კონცერტი საელჩოში გამართა. ყველგან გამოითქვა „კამერტონის“ მომავალ წელსაც მონვევის სურვილი, რაც, ცხადია, დიდ დაინტერესებასა და წარმატებაზე მეტყველებს.

საინტერესო კონცერტი გამართა კონსერვატორიის მცირე დარბაზში კომპოზიტორთა კავშირთან არსებულმა ინსტრუმენტულმა ტრიომ, რომლის შემადგენლობაში არიან ჩინებული ახალგაზრდა მუსიკოსები მაია ჯინჯველაშვილი (ფორტეპიანო), ქეთევან თავშავაძე (ვიოლინო) და ია ბახტაძე (ფლეიტა).

ახალი პოტაჯედილები



ი. ბახტაძე, ქ. თავშავაძე, მ. ჯინჯველაშვილი

კონცერტის პირველ განყოფილებაში მალალბროფესიულ დონეზე იქნა წარმოდგენილი მე-17-18 საუკუნეების კლასიკის ცნობილი ნიმუშები და ჩვენთან პირველად შესრულებული დარიუს მიიოს ტრიო.

მეორე განყოფილება კი მთლიანად დაეთმო კახა ცაბაძის კამერულ შემოქმედებას, სადაც ტრიოს ნევრებს დამატებენ ცნობილი საოპერო მომღერლები ელენე ჯანჯალია (მეცო-სოპრანო) და ბესიკ გაბიტაშვილი (ბარიტონი).

პირველმა მათგანმა თავისი ლამაზი ტემბრის ხმითა და დიდი მხატვრული ოსტატობით შეასრულა ანა კალანდაძის ცნობილ ლექსებზე დაწერილი რომანსები „თუთა“, „ვაჟაო, დილის მზის სხივო“, „ქართულო ცაო“ და ტერენტი გრანელის ტექსტზე – „გაზაფხულის სალამო“. მშვენივრად იქნა გადმოცემული ამ რომანსების („თუთა“, „გაზაფხულის სალამო“) ფაქიზი ლირიკული გამომსახველობა, ზოგჯერ კი („ვაჟაო, დილის მზის სხივო“, „ქართულო ცაო“), – დრამატული შემართება და ექსპრესია.

რთული შემოქმედებითი ამოცანის წინაშე იდგა ბესიკ გაბიტაშვილი, რომელმაც შეასრულა ნაირგვარი ემოციური და ფსიქოლოგიური – ძირითადად, ირონიულ-გროტესკული და ფსევდო-პათეტიკური – შინაარსის „მონოლოგი“ და წარმატებით გადალახა რომანსის ვოკალური და მხატვრულ-ინტერპრეტაციული სიძნელები.

ჩინებულად შეასრულეს კ.ცაბაძის „ექსპრომტი“ ვიოლინოსა და ფორტეპიანოსთვის ნიჭიერმა მუსიკო-

სებმა – ქეთევან თავშავაძემ (ვიოლინო) და მაია ჯინჯველაშვილმა (ფორტეპიანო), რაც თანაბრად ეხება ნაწარმოების, როგორც ძირითად-მჩქეფარე-ვირტუოზულ (*Allegro con friso*), ისე ფაქიზ-ლირიკულ *Meno mosso, sognando* ეპიზოდებს.

მოვისმინეთ აგრეთვე ტრიოს ნევრებისადმი მიძღვნილი მოხდენილი, ხალისიანი ენერგიით საგსე „სკერცო“ (ვიოლინოს, ფორტეპიანოსა და ფლეიტისათვის).

რაც შეეხება კ.ცაბაძის ყველა ამ მოსმენილი ნაწარმოების მუსიკას – მისი მხატვრული და პროფესიული ღირსებების შესახებ შეგვიძლია მოკლედ ვთქვათ: იმ სალამოს ჩვენ მოვისმინეთ მაღალი აკადემიური კლასისა და ესთეტიკურად მიზიდველი თანამედროვე ქართული მუსიკა.

დიახ, ასეთად წარმომიდგება თანამედროვე ქართული მუსიკის ერთ-ერთი შემოქმედებითად პერსპექტიული და გამართლებული გზა, ე.ი. ქართული – თავისი მხატვრული არსითა და ინტონაციურ-ჰარმონიული წყობით და, ამავე დროს, თანამედროვე (ცხადია, არა „ავანგარდული“) თავისი მუსიკალური ენისა და საკომპოზიტორო ხერხების (დინამიკა, ფაქტურა, „მჭახე“ ხმოვანებათა კომპლექსი) ერთობლიობით გამორჩეული.

დაბოლოს, არ შემიძლია არ ვთქვა, რომ კონცერტის დასასრულს ჩვენი ნიჭიერი ტრიოს შესრულებით „ბისზე“ მოვისმინეთ შოსტაკოვიჩის შესანიშნავი „ვალსი-ხუმრობა“.

გულვათი სორაძე

არჩილ კერესელიძე

27 მარტს, თბილისის კონსერვატორიის მუზეუმში ჩატარდა გამოჩენილი ქართველი კომპოზიტორის, დიდად კოლორიტული პიროვნების – ბატონ არჩილ კერესელიძის ხსოვნის საღამო.

საოცრად გულთბილ ატმოსფეროს, რომელიც აქ შეიქმნა, განსაზღვრავდა საზოგადოების მონატრება, დიდი ინტერესი და მონაწილეთა სურვილი პატივი მიეცათ საყვარელი კომპოზიტორისათვის. ჩვენს წინ გაცოცხლდა მუზეუმის არქივის აუდიო და ვიდეო მასალა, ჟღერდა მისი მუსიკა. მოგონებებით გამოდიოდნენ კოლეგები, მეგობრები, თაყვანისმცემლები... იხსენებდნენ როგორც შესანიშნავ მელიოდისტს, არაჩვეულებრივი იუმორის მქონე, ღირსეულ პიროვნებას...

ზოგი რამ მის შესახებ.

არჩილ კერესელიძე დაიბადა 1912წ. 12 დეკემბერს დაღესტანში, შამილის და ჰაჯი მურატის სამშობლოში აულ ღუნებში. მამა, რომელსაც სამედიცინო განათლება ტარტუს უნივერსიტეტში ჰქონდა მიღებული, დროებით ექიმად მუშაობდა აულში. ეს სოფელი მდებარეობს მაღალმთიან პლატოზე, თავისი დიდებული ციხე-სიმაგრით. ეჭვგარეშეა, რომ ბუნების მშვენიერების მძლავრმა განცდამ ბიჭვი მისცა მომავალი კომპოზიტორის ემოციური სამყაროს ვაფაქიზების და სინამდვი-

ლის მხატვრული აღქმის უნარის გაღვივებას. მალე მათი ნამდვილად ინტელიგენტური ოჯახი თბილისში დასახლდა. მუსიკალური ნიჭით დაჯილდოებული ბიჭუნა მიაბარეს პროფესორ ა. ვირსალაძეს, კომპოზიციაში კი მეცადინეობდა ს.ბარხუდარიანთან. მათ ოჯახთან მეგობრობდა თვით დიდი ბაქარია ფალიაშვილი, რომელიც თვალყურს ადევნებდა არჩილის განვითარებას. სწორედ მან შეაძენინა „ბეკერის“ ფირმის როიალი, რომელიც ბოლომდე ემსახურებოდა კომპოზიტორს.

1935წ. არჩილი ჩაირიცხა მოსკოვის ჩაიკოვსკის სახ. კონსერვატორიაში კომპოზიციის განხრით, მას ხელმძღვანელობდა მისაკოვსკი, რომელიც დიდი ავტორიტეტი გახლდათ. კონსერვატორიაში გამეფებულმა შრომის რიტმმა საგრძნობლად გაზარდა მომთხვენელობა საკუთარი თავის მიმართ. წარმოიდგინეთ რა მაღალი შემოქმედებითი ძაბვის გარემო იქნებოდა იქ, სადაც ერთდროულად სწავლობდნენ ხრენნიკოვი, ხაჩატურიანი, ვილელსი, ოისტრახი, რისტერი, რომა ტამარკინა, ფლიერი – სხვათა შორის, ეს დიდი პიანისტი წარმატებით ასრულებდა კერესელიძის ტოკატას სხვადასხვა ქალაქებში. სადიპლომო ნამუშევარი გახლდათ სიმფონია **G dur**. 1939წ. იგი მიიღეს საკავშირო კომპოზიტორთა კავშირის წევრად. რეკომენდაციას უწევდნენ

შაპორინი და მისაკოვსკი. მოსკოვში დაიხვეწა მისი ნიჭი, გაფართოვდა სინამდვილის მხატვრული განზოგადების უნარი და სხვათა შორის, არც დასტყობია ეროვნული სპეციფიკის გრძობის შესუსტება. შემდეგ კერესელიძე ბრუნდება თბილისში და კონსერვატორიაში კითხულობს პოლიფონიის კურსს. მალე ბ-ნი არჩილი მიიწვიეს მარჯანიშვილის სახ. თეატრში „სოლომონ მეფლანუაშვილის“ გასაფორმებლად. ეს ის დროა, როცა თეატრი ქუხს მთელ საბჭოთა კავშირში. აქ ისეთი თანავარსკვლავედი ბრწყინავდა, როგორებიც იყვნენ ელ. ჩერქეზიშვილი, ვ. ანჯაფარიძე, ს. ჟორჯოლიანი, გ. შავგულიძე, ა. კვანტალიანი, შ. ღამბაშიძე, ც. ნუნუავა, ს. თაყაიშვილი, რეჟისორები: ყუშიტაშვილი, ტაბლიაშვილი, ჩხარტიშვილი.

ამ დასში მან გაიცნო ახალგაზრდა მშვენიერი ქალიშვილი — მსახიობი ნაზი ჭავჭავანიძე — „**Богиня!**“ — აღმოხდა ბატონ არჩილს და მალე იქორწინა კიდევ მასზე, ხოლო სახლში რომ მოიყვანა — როგორც ქ-ნი ნაზი ყვება — მიუთითა სამზარეულოზე — „**Теперь рабыня**“. ნაზიკოს გაცხუბუნება რომ შეატყო, გააგრძელა: „**Ну и чтож, Аида была тоже рабыня, но какая богиня!**“. თანაც გამოუცხადა თეატრის მტვერის ყლაპვას სახლის მტვერი ყლაპო და გენიოსს ემსახურო სჯობიაო. „**Я — гений**“, ეს მისი სავიზიტო ბარათი იყო. მათ შეეძინათ ვაჟი — ჯემალი, შესანიშნავი ვაჟკაცი, რომელიც შემდგომში ასევე კინოსტუდიაში მუშაობდა. ჰქონდათ არაჩვეულებრივი, ღია, მოსიყვარულე ოჯახი. ქალბატონი ნაზი, მანამდე მედეა ჯაფარიძეს რომ უმშვენებდა გვერდს „ქეთო და კოტეს“ კადრებში, აღმოჩნდა მხოლოდ ოჯახის სამსახურში, მაგრამ იგი აქაც არაჩვეულებრივი ხელოვანი გამოდგა. მეუღლის სიყვარულმა მასში სხვა ნიჭიც გამოავლინა. ნაზიკომ არჩილის გარდაცვალების შემდეგ არაჩვეულებრივად საინტერესო, გულწრფელი წიგნი მიუძღვნა ძვირფას მეუღლეს.

სხვათა შორის, ტუხამ კინალამ ჩამალა ჩემი და ბიძინას ქორწინება. „**Поезжай, посмотри не подлежит ли сносу их дом**“, თორემ დარჩები როგორც მე, ჯვარცმული ქრისტესავით შიშველი ნაზიკო რომ შემრჩა ხელში! „პრაგმატულ“ ბიძინას ეტყობა სახლი არ მოეჩვენა ასაღებად და საქმეც ჩაიფარცხა...

იუმორი განსაკუთრებით იზიდავდა მისკენ მეგობრების ტალღას.

...მივყვეთ დროს.

1947წ. ქართულმა ფილმმა დაიწყო „ქეთო და კოტეზი“ მუშაობა ცაგარელის „ხანუმას“ და დოლიძის ოპერის მიხედვით. კერესელიძემ ფილმისთვის მუსიკა შეავსო საკუთარი მელიოდიებით თუ ქალაქური ინტონაციებით. ფილმში უფრო მკვეთრად გამოიხატა თბილისური ყოფის ორი შრის, ევროპულის და აღმოსავლურის საპირისპირო რიტმო-ინტონაციები, ვთქვათ კინტოს კუპლეტები, ქართული ცეკვა და მეორე მხრივ — ვალსი თუ მაზური. ბ-მა არჩილმა კოტეს პარტია ტენორიდან ბარიტონზე გადაიყვანა, შეიტანა სარომანსო ლირიკის შესანიშნავი ნიმუშები — „ერთხელ ვიხილე“, ყარაჩოხელების სერენადა „გინდ მეძინოს“. ფილმმა ისეთი პოპულარობა მოიპოვა, მზეთუნახავი მედეა ჯაფარიძის, მსახიობების მთელი არაჩვეულებრივი დასის და კერესელიძის მუსიკის ფაფორმებით, რომ ამერიკული გაზეთი „დეილი უორკერი“ წერდა: „ეს სასიამოვნო, სიცოცხლით სავსე ფილმია საქართველოზე. იშვიათად რომ ჰოლივუდს შეექმნას მსგავსი რამ“, ჩვენში კი ამ მელიოდიებს მღეროდა ყველა და ყველგან! ყველგან ჟღერდა „ერთხელ ვიხილე“, „ყელსაბაში“, „მენახშირე“, „საპოვნელა“...

ტუხას მართლაც ჰქონდა უტყუარი სცენური ალლო. მისი მუსიკა შემდეგ სპექტაკლებშიც, ფილმებშიც იქცა არა ილუსტრაციად, არამედ ერთ-ერთ უმთავრეს კომპონენტად. ამას მოჰყვა ფილმები: „გაბაფხული საკენში“, „ილიკო და ილარიონი“, „ჩვენი ეზო“, „ფატიმა“, „დიდოსტატის მარჯვენა“; დაიწერა ოპერეტები, მეორე სიმფონია, საფორტეპიანო კონცერტი.

თეატრალური და კინო პრაქტიკა შესანიშნავი ნიდავაგი აღმოჩნდა ოპერის შექმნისათვის და 1946წ. თბილისის ოპერის სცენაზე დიდი წარმატებით დაიდგა მაღალპროფესიული ოსტატობით შექმნილი პატრიოტული ოპერა „ბაში-აჩუკი“. დიდი შთავგონებით შექმნილი ეს ოპერა 25 წლის განმავლობაში ოთხჯერ განახლებული სახით დაიდგა. ბოლოს კი აჟღერდა ქუთაისის სცენაზე.

„ბაში-აჩუკთან“ დაკავშირებით ისევ მისი იუმორი გამახსენდა. ოპერას ჰყავდა ორი სცენარისტი: შალვა

ფაფარიძე და ჭიჭიკო გელეიშვილი. როცა შალვა გარდაიცვალა ჭირისუფლებმა ტუხას სამგლოვიარო მანქანის მოყვანა დაავალეს. ისიც იფიქრეს, ვაითუ ტუხას დაავიწყდეს ან ვერ მოახერხოსო და მის ძმას ვახტანგსაც სთხოვეს. დნიშნულ დროს ორივე მანქანა შევიდა ეზოში და ატყდა ამბავი, არა მე გამომიძახეს და არა მეო. ტუხა მოუბრუნდა მეორე სცენარისტს და ეუბნება: ჭიჭიკო, აგერ მეორე მანქანა, ამდენ ხალხს და ასეთ გასვენებას მაინც ვერ ეღირსები, ბარემ დანეჭი და შენც გაგასვენებთო...

ერთ სღამოს კერესელიძეების სახლში ზარი გაისმა. თინა ლალიძე მღელვარებით ატყობინებს ნაზიკოს, რომ ძმამე ავარიის გამო მათი მეუღლეები საავადმყოფოში წვანან — ტუხა, მილორავა, ნასიძე, სატესთან რებო იჯდა. ცხადია, ნაქეიფრები იქნებოდნენ, ზრამში გადავარდნილან, არავის ეგონა რომ ცოცხლები გადარჩებოდნენ. შევიდა თუ არა ვულგახეთქილი ნაზიკო პალატაში, სახეგადაბინტული ტუხა ძლივს ლულულღებს: ახია ჩვენზე, ილიას ობელისკთან კოლია ზებიძემ საკუთარი ლექსი, რომ წაიკითხა, ღმერთი ამას როგორ გვაპატიებდაო...

გია ყანჩელი იხსენებდა, კინომუსიკა დავენერე, დირექტორი და ბუღალტერი არჩილს უცდიდნენ, როგორც რედაქტორს ხელშეკრულებაზე ხელი უნდა მოეწერა. გია, რა თქმა უნდა, უმაღლესი ხარისხის მუსიკისათვის განკუთვნილ ჰონორარს მოითხოვდა. კინოსტუდიის ეზოში ძლივს იპოვეს ტუხა. ეკითხებიან — ბ-ნო არჩილ, ფილმი თუ ნახეთ?, — ვნახეო. გიას გაუხარდა, დარწმუნებული იყო მხარს დაუჭერდა.

— პოლიფონიური მუსიკა თუ არის შიგ? — როგორც ჩანს, ეს ხარისხის ნიშანი იყო.

— პოლიფონია „დიდოსტატის მარჯვენაშია“, ორამროვნად მოუჭრა ტუხამ და გავიდა. მისმა პასუხმა საკმაოდ დიდი თანხა დააკარგვინა ყანჩელს. გიამ — გაგბრაზდი და თან გამეცინაო, ტუხაზე გაბრაზება როგორ შეიძლებაო?

აი კიდევ ერთი კლასიკური შემთხვევა: რებო ლალიძე პოპულარობის ზენიტში იმყოფებოდა. სტადიონზე მატჩის დროს ვერტმფრენიდან „თბილისოს“ ნოტები გადმოყარეს, რებომ სიამოვნება ვერ დაფარა და გვერდზე მჯდომ ტუხას გადაულაპარაკა: „Смотри,



сверху мои ноты бросают!”, _ „Твои бросают а мои играют _ вот так!”.

როცა პიერ კობახიძე დაკრძალეს, არჩილმა პანთეონში იქვე მდგარ თეატრის დასის მმართველს შესძახა: „Какой ты завтруппы, когда вся труппа тут лежит?”.

„მეგობრული ხუმრობა, ფუსფუსი, სადღაც ზედაპირზე რჩებოდა, ხოლო სულის სიღრმეში იგი ცხოვრობდა იმ დიდი, სერიოზული ცხოვრებით, რომელიც მას ქართული მუსიკის, კულტურის გამორჩეულ მოღვაწედ ქმნიდა“ (ბ-ნი რეზო ჩხეიძის მოგონებიდან).

დადგა 50-იანი წლები. ქართულ კინოში ხდება თემატიკისა და ჟანრობრივი მხარის გაფართოება. უკვე მწვავედ დგება ტრადიციისა და ნოვატორობის პრობლემა. აშკარად შეინიშნება იტალიური ნეორეალიზმის შემოქმედებითი პრინციპებისადმი მიდრეკილება. კერესელიძეც პოულობს ახალ სამეცხველო ტონს. ჩხეიძე-აბულაძის მძლავრ შემოქმედებით ინტერესებს ეჯახება ჩინოვნიკური რუტინა: „მაგდანას ლურჯას“ სცენარი კინალამ ვერ დამტკიცდა, მაღალფარდოვნად აცხადებდნენ: ჩვენს დროში რა დროს სახედრებზე ფილმების გადაღებააო. მაგრამ მათი ტალანტი სწორედ იმაში გამოვლინდა, რომ მათ შესანიშნავად გადაწყვიტეს ნეორეალისტური ტენდენციებისა და ქართული ტრადიციების შეთავსების ამოცანა. ეს იყო სერიოზული ტრიუმფალური გარღვევა საერთაშორისო არენაზე. „მაგდანას ლურჯამ“ ორი მსოფლიო კინოფესტივალის უმაღლესი ფილდო — ოქროს მედლები დაიმსახურა ედინბურგისა და მოსკოვის ფესტივალებზე.

ასევე დიდი წარმატებით იყო დემონსტრირებული სხვა ფილმებიც: „ჩვენი ეზო“ და „სხვისი შვილები“. ავტორიტეტულმა ჟიურიმ არჩილ კერესელიძე დააჯილდოვა I ხარისხის დიპლომით, როგორც მაღალი ნიჭის, პროფესიული ოსტატობის, კინემატოგრაფიული ამროვნების მხრივ გამორჩეული პარტიტურების შემქმნელი კომპოზიტორი.

ბატონმა არჩილმა 100-მდე სპექტაკლის, მხატვრული და დოკუმენტური ფილმებისათვის შექმნა მუსიკა და უამრავი მაღალმხატვრული ნიმუში შესძინა სიმღერის ჟანრსაც, რომ აღარაფერი ვთქვათ გალაკტიონის „ვედრებაზე“, რომელიც რჩება წარუდინებელი სილა-

მაზის და სიღრმის ეტალონად.

კერესელიძე პირველი იყო, რომელმაც ძველ უხმო ქართული ფილმების აღდგენას მოჰკიდა ხელი. იგი იყო ნამდვილი კომპოზიტორი კინემატოგრაფისტი, მთელი თავისი სიღრმით რომ გრძნობდა კინოს სპეციფიკას. შექმნილი აქვს ოპერეტებიც, რომლებიც დიდი წარმატებით იდგმებოდა.

კინოში ბოლო პროექტი იყო „იავნანამ რა ჰქმნა“. სცენარს რომ გაეცნო — აენტო, გულმა ბავშვობის დაღესტანი გაახსენა. გადანყვეტილი ჰქონდა, რომ მუსიკას ფილმისთვის უსათუოდ ის დაწერდა, მაგრამ ვაგლახ, რომ მის უკანასკნელ ზრახვებს აღსრულება არ ეწერა.

1971წ. 19 დეკემბერს, საღამოს, სავარძელში მჯდარს მეგობართან ტელეფონით საუბრისას შეუწყდა სიცოცხლე. ოთახში რომ შევიდნენ ტუხა აღარ იყო — იგი მარადისობაში გადასულიყო.

60 წლისაც არ იყო, მაგრამ, ფაქტობრივად, ჯერ იყო საქართველოს და საკავშირო კომპოზიტორთა და კინემატოგრაფისტთა კავშირის წევრი, ორდენები, ჯილდოები ბევრი მიუღია, გარდაცვალების შემდეგ კი მიანიჭეს მ. ფალიაშვილის სახელობის პრემია.

მაგრამ ადამიანზე საქმენი მეტყველებენ და არა ჯილდოები.

მისი მუსიკა სამუდამოდ დარჩა ქართული ხელოვნების საგანძურში.

სხვადასხვა თაობის ქართველი ქალი-კომპოზიტორების ნაწარმოებების შესრულება, მათი ფერწერული ნამუშევრების გამოფენა, სამეცნიერო კონფერენცია, საარქივო კინო და ფოტო მასალის ჩვენება, ელექტრონული მუსიკის აუღერება, ვიდეოარტი — ყოველივე ეს გაერთიანდა ორიგინალური პროექტის „საქ-Art-ველოს“ ფარგლებში. მისი ორგანიზატორებია კონსერვატორიის კომპოზიციის კათედრა, საქართველოს ეროვნული არქივი, თანამედროვე პროფესიული მუსიკალური ხელოვნების განვითარების ცენტრი. ყოველივე ეს კონსერვატორიაში ერთ დღეს — 8 მარტს ჩატარდა. დილის 10 საათიდან საღამოს 8 საათამდე გრძელდებოდა ესოდენ უჩვეულო მუსიკალური მართონი, რომელშიც თბილისის კონსერვატორიის სტუდენტთა და პედაგოგთა გარდა ჩართულნი იყვნენ ილია ჭავჭავაძის სახელობის სახელმწიფო უნივერსიტეტისა და სამხატვრო აკადემიის წარმომადგენლები.

ესოდენ მასშტაბური ღონისძიება ვერ ჩატარდებოდა კონსერვატორიის ადმინისტრაციის მხარდაჭერის გარეშე. პროექტის მონაწილეთა განკარგულებაში გამოყოფილი იყო სარეპეტიციო დრო, მკირე დარბაზის სცენა, აპარატურა, სავამოფენო სივრცე. დიდი მოსამზადებელი სამუშაო ძირითადად გასწიეს კომპოზიციის კათედრის პედაგოგებმა ეკა ჭაბაშვილმა და მაკა ვირსალაძემ.

საქ Art ველო

ამ ქალბატონებმა რამდენიმე კითხვაზე გამკეს პასუხი:

ა.ნ. — როგორ დაიბადა იდეა „ქალი და მუსიკა“ და ატარებს თუ არა იგი ფემინისტურ ხასიათს?

ე.ჭ. — რამდენიმე წლის წინ ერთ-ერთმა ირანული წარმოშობის ამერიკულმა ორგანიზაციამ ნიუ-იორკიდან მთხოვა მონაწილეობის მიღება 8 მარტთან დაკავშირებულ კონცერტში, რომელშიც მხოლოდ ქალი კომპოზიტორების ნაწარმოებები სრულდებოდა. სწორედ ნიუ-იორკში ჩატარებულმა კონცერტმა გვიბიძგა მე და მაკა ვირსალაძეს აქაც ჩაგვეტარებინა მსგავსი

რამ. რაც შეეხება თქვენი კითხვის მეორე ნაწილს, ეს ღონისძიება რაიმე სახის ფემინისტურ აქციას არ უკავშირდება.

ა.ნ. — შეიძლება თუ არა აღნიშნული ღონისძიება ტრადიციად იქცეს?

მ.ვ. — ეს სავსებით შესაძლებელია. არ არის გამორიცხული ამ პროექტის გეოგრაფიული საზღვრების გაფართოებაც.

ა.ნ. — როგორია მონაწილეთა ასაკობრივი დიაპაზონი?

მ.ვ. — იგი ძალიან დიდია. ფესტივალში იქნება წარმოდგენილი მუსიკალური ათწლეულის მოსწავლეთა, კონსერვატორიის ბაკალავრიატისა და მაგისტრატურის სტუდენტები, კურსდამთავრებულები, ერთი აბიტურიენტი. კონსერვატორიის პედაგოგებიდან ვართ მე და ეკა ჭაბაშვილი, ძალიან გვიხარია, რომ ჩვენს პროექტში მონაწილეობას იღებს კომპოზიტორი მარინა ადამია, რომელიც ამჟამად ილია ჭავჭავაძის სახელმწიფო უნივერსიტეტში მოღვაწეობს. ჩვენ გვინდოდა პროცესის უწყვეტობა გვეჩვენებინა და ქართველ ქალ-კომპოზიტორთა მუსიკის ერთგვარი პანორამული სურათი შეგვექმნა. ამიტომაც კონცერტებში აჟღერდება აგრეთვე უფროსი თაობის კომპოზიტორთა ნაწარმოებები — თამარ შავერმაშვილის, მერი დავითაშვილის, ნათელა სვანიძის.

ახლა კი, უშუალოდ 8 მარტს ჩატარებული მუსიკალური ფესტივალის შესახებ. იგი დაიწყო კონფერენციით თემაზე „ქალი და მუსიკა“, რომელსაც სამეცნიერო კვლევების საკოორდინაციო სამსახური კურირებდა. მუსიკის თეორიის კათედრა წარმოდგენილი იყო მარია ნადარეიშვილის, ლეილა მარუაშვილის, მაია ტაბლიაშვილის, აგრეთვე დოქტორანტის რუსუდან თაბაგარის მოხსენებებით, ხოლო მუსიკის ისტორიის კათედრა — ნანა ლორიასა და ნანა შარიქაძის მოხსენებებით. მრავალმხრივად გაშუქდა ნათელა სვანიძის, ეკა ჭაბაშვილის შემოქმედება.

დაუმსახურებლად მივიწყებული კომპოზიტორის თამარ ვახვახიშვილის ხსოვნას მიეძღვნა ნანა ლორიას მოხსენება. ამ კომპოზიტორის შესახებ თითქმის არაფერია ცნობილი, დაკარგულია თითქმის მთელი მისი მუსიკალური მემკვიდრეობა. კონფერენციაზე აჟღერდა კინოარქივში დაცული ფრაგმენტი მის მიერ გაფორმებული მარჯანიშვილის სპექტაკლისა „ურიელ აკოსტა“, ასევე თამარ ვახვახიშვილის მიერ წარმოთქმული სიტყვა მარჯანიშვილის იუბილეზე. ვიმედოვნებთ, რომ ეს პირველი ნაბიჯია ამ კომპოზიტორის შემოქმედების გამომზეურების გზაზე.

შემდეგ ყველაფერი პროგრამის მიხედვით წარიმართა. კონფერენციას მოჰყვა კონცერტების ციკლი. მუსიკალურ ბლოკებს შორის ჩართული იყო საინტერესო საარქივო აუდიო, ფოტო და კინო მასალა, რო-

მელიც წარმოგვიდგენდა შესანიშნავ ქართველ ქალ კომპოზიტორებს, შემსრულებლებს, პედაგოგებს.

პირველი კონცერტი ბავშვებს დაეთმო (პედაგოგები: მერი დავითაშვილი, მაკა ვირსალაძე, ეკა ჭაბაშვილი, ნუნუ დულაშვილი, ალექსანდრე შანიძე). მეორე კონცერტის პროგრამაში აჟღერდა კონსერვატორიის სტუდენტების და ერთი კურსდამთავრებულის თამუნა ფუტყარაძის საფორტეპიანო პიესა „დროის გასწვრივ“ (შემსრულებელი ლიკა ხორბალაძე), ნათია სარაჯიშვილის საფორტეპიანო პიესა „სიგიჟის გისოსები“ (შემსრულებელი თინათინ ბაქრაძე), ნინო ჯანჯღავას საფორტეპიანო პიესები „სამაფხულო დღიური“, „სამი პიესა სიმშვიდისაკენ“ (შემსრულებლები თაკო კანდელაკი და ანა გიგაური), ახალი ტემბრული ფერი შემოიტანა ლალი საბანაძის ნაწარმოების შესრულებამ — „მუსიკა კლარნეტისა და ფორტეპიანოსათვის“ (შესრულდა ავტორისა და კლარნეტის ნოდარ ბინაძის მიერ). რაც შეეხება მარინა ჩარკვიანის ნაწარმოებს, იგი ექსპერიმენტული მუსიკის ნიმუშს წარმოადგენს. თბილისელი მსმენელისათვის რამდენადმე უჩვეულო იყო ამ ნაწარმოების ვოკალური პარტია, რომელიც მომღერლისაგან ხმის განსაკუთრებულ ფლობას მოითხოვდა, რასაც კარგად გაართვა თავი ავტორმა.

განსაკუთრებული ინტერესი დასკვნითმა კონცერტმა გამოიწვია. ნათელა სვანიძის საფორტეპიანო პიესებმა: „წრე“ და „ქარის მისტერია“ მსმენელების წინაშე ოსტატის ხელით შექმნილი შთამბეჭდავი მხატვრული სამყარო გადაშალეს. ჩანაფიქრის ორიგინალობით გამოირჩეოდა ეკა ჭაბაშვილის „მომღერალი ჟოზეფინა“ — ნაწყვეტი ოპერა/გამოფენიდან „მოხეტიალე სულელები“ ფ. კაფკას მიხედვით (შემსრულებლები: ვოკალი — სალომე ჯიქია, არფა — ნინო იაშვილი, ვიოლინო — მარიამ მამარდაშვილი, ვიდეო/პროექცია ეკა ჭაბაშვილი). თანამედროვე მუსიკალური ენით და მკვეთრი სტილური კონტრასტებით იყო გადმოცემული ხელოვნების მარადიული თემა — ხელოვანისა და მისი გარემოცვის პრობლემა. ამავე კონცერტში შესრულდა მაკო ღვინიაშვილის ელექტრონული მუსიკის ნიმუში „Shapes in space“ („ფორმები სივრცეში“), კომპიუტერული გრაფიკის ავტორი ნიკა გელაშვილი. ავტორის სიტყვებით ამ ნაწარმოებში მას სურდა წარმოეჩინა საკუთა-



ე.ჯაბაშვილი

რი მუსიკა, როგორც სივრცე, ხოლო ნახატები, როგორც ინსტალაციის სახით წარმოდგენილი ფორმები.

იდი მონონება ხვდა წილად კომპოზიტორ მარინა ადამიას ნაწარმოებს „At the still point of the Turning World“ („მბრუნავი სამყაროს უძრავ წერტილში“); შემსრულებლები: ფორტეპიანო – ნინო ჟვანია, ჩელო – მიხეილ ლომიძე, დასარტყამი ინსტრუმენტი – მარიამ მაკარაშვილი). კომპოზიციის მთავარი თემაა დრო: დროის მსვლელობის შეუქცევადობა, დაკარგული დროის შეგრძნება, რაც გამოხატულია მოძრავი გამოსახულებების, ჩრდილების, ქვიშის, ცეკვისა და მუსიკის საშუალებით.

კონცერტის დასასრულს შესრულდა მაკა ვირსალაძის ნაწარმოებები: „ვერის ხიდზე“ გრიგოლ რობაქიძის ლექსებზე (შემსრულებლები: ვოკალი – კატო ვერხვიაშვილი, ფორტეპიანო – ეკა გელაშვილი, ნინო ჟვანია) და პიესა ანსამბლისთვის „პერპეტუო“ (შემსრულებლები: დირიჟორი – ვიორჯი აფრიაშვილი, ვიოლინო – მარიამ მამარდაშვილი, არფა – ნინო იაშვილი, ფორტეპიანო – თაკო კანდელაკი, ფლეიტა – თათა ფრანგულაშვილი, კლარნეტი – პაპუნა ჯანჯა-


ლაშვილი, დასარტყამი – მარიამ მაკარაშვილი, ირინა ქორქია, სანდრო მიშელაშვილი). ეს ნაწარმოები განსაკუთრებით საინტერესო იყო თავისი ტემბრული დრამატურგიით.

ალსანიშნავია ის საბეიძო განწყობა, რომელიც სუფევდა აქ მთელი დღის მანძილზე. კონცერტების წარმატება ბევრად განაპირობეს შემსრულებლებმა. მათ მოუხდათ ისეთი ნაწარმოებების შესწავლა, რომლებიც გამომსახველობის სრულიად ახალი ხერხების გამოყენებას მოითხოვდნენ. ამ მხრივ, როგორც სხვა დროს, გამოირჩეოდა პიანისტი ნინო ჟვანია, აგრეთვე ჩელისტი მიხეილ ლომიძე და სხვ.

ვფიქრობთ, რომ ამ მუსიკალური დღესასწაულის იდეამ წარმატებული ხორცმესხმა ჰპოვა და ვიმედოვნებთ, რომ ეს წამოწყება სამომავლოდ ტრადიციად იქცევა.

საერთაშორისო ფესტივალს „აღდგომიდან ამაღლებამდე“ უკვე მე-8 წელია მასპინძლობს თბილისი და ქართული საზოგადოება. უკვე მე-8 წელია ბრწყინვალე შვიდეულის კვირაში ფესტივალის ორგანიზატორები ქართველ მსმენელს მსოფლიოში ცნობილი ქართველი და უცხოელი მუსიკოს-შემსრულებლების შემოქმედებით ანებივრებენ, თუმცა აღსანიშნავია, რომ ეს ყველაფერი არა მხოლოდ დახვეწილი, ელიტარული მსმენლისათვის კეთდება დედაქალაქის საკონცერტო დარბაზებში. რვა წლის მანძილზე საქველმოქმედო ფესტივალის ფარგლებში არაერთი დაუვინყარი მუსიკალური და შეიძლება ითქვას, სახალხო დღესასწაულიც კი მოეწყო საქართველოს რეგიონებში, სწორედ იმ ადამიანებისთვის ვინც ძნელად აღწევს თავს ცხოვრებისეულ რუტინას, თუმცა პროფესიონალ მსმენელზე არანაკლები ემოციით აღიქვამს და აფასებს ჭეშმარიტი ხელოვნების სიდიადეს.

ჩვენს სინამდვილეში იშვიათად მოიძებნება ისეთი მასშტაბური კულტურული ღონისძიება, რომელიც უძ-



ფესტივალი „აღდგომიდან ამაღლებამდე“ – ნამდვილი პარსკვლავთსვენა

ლებს დროს და რომელსაც უძლებენ ადამიანები...

ფესტივალმა „აღდგომიდან ამაღლებამდე“ დროთა განმავლობაში მართლაც რომ დამსახურებულად დაიმკვიდრა წლის ერთ-ერთი მნიშვნელოვანი კულტურული ღონისძიების სახელი. ის ხელს უწყობს არა მხოლოდ კლასიკური, არამედ სასულიერო და ფოლკლორული მუსიკის პოპულარიზაციას. ფესტივალის ფარგლებში ხშირად იმართება გამოჩენილ ქართველ კომპოზიტორთა და ხელოვანთა ხსოვნის საღამოები.

ფესტივალის „აღდგომიდან ამაღლებამდე“ ისტორია 2005 წლიდან დაიწყო სრულიად საქართველოს კათოლიკოს-პატრიარქის ლოცვა-კურთხევით და მა-

ლე მისივე სახელობის საერთაშორისო საქველმოქმედო ფონდში დაიდო ბინა, თუმცა იდეას გაცილებით ღრმა ფესვები აქვს...

ერთხელ ემიგრაციაში მყოფი დამოუკიდებელი საქართველოს (1918-21) მთავრობის მეთაურის, ნოე რამიშვილის შვილს აკაკი რამიშვილს მისი ნათესავისათვის და მომავალში ფესტივალის ერთ-ერთი დამფუძნებლის მარიამ დავითაშვილისთვის უთქვამს: „ისეთი საქმე წამოიწყე, რომელიც წელიწადში ერთხელ ქართველებს მთელი მსოფლიოდან სამშობლოში ჩამოიყვანს.“

2005 წელს მარიამ დავითაშვილმა ფესტივალის

დაარსების თაობაზე სრულიად საქართველის კათოლიკოს-პატრიარქისაგან კურთხევა მიიღო.

ფესტივალის იდეის ავტორი მის მეგობრებს მუსიკოს ირინა სახამბერიძესა და ჟურნალისტს, ასევე მუსიკისმკოდნე მანანა ხვედელიძეს დაუკავშირდა და აგერ უკვე 8 წელია მათ მიერ დაფუძნებული აკაკი რამიშვილის ფონდი „ტრადიცია და ინოვაცია“ და პატრიარქის საერთაშორისო საქველმოქმედო ფონდი, აღდგომიდან ამალეობამდე პერიოდში მსოფლიოს სხვადასხვა კუთხეში გაბნეულ აღიარებულ ქართველ და უცხოელ მუსიკოს-შემსრულებლებს საქართველოს დედაქალაქისა და რეგიონების საკონცერტო დარბაზებში ახვედრებს ქართულ საზოგადოებას.

ფესტივალის მცირერიცხოვან საორგანიზაციო ფგუფს პატრიარქის საერთაშორისო ფონდში 2006–2010 წლებში ირაკლი ქადაგიშვილი ხელმძღვანელობდა, ხოლო 2011 წლიდან – ლაშა ჟვანია უდგას სათავეში.

წლების განმავლობაში ფესტივალის შინაარსსა და შემოქმედებით მხარეზე ზრუნავდნენ ისეთი აღიარებული ხელოვანები, როგორებიც გახლავთ მარინე იაშვილი, ბიძინა კვერნაძე, ანზორ ერქომაიშვილი, ლიანა ისაკაძე, ნიკოლოზ რაჭველი, ვალერიან შიუკაშვილი, თუმცა ბოლო სამი წელიწადია მისი სამხატვრო ხელმძღვანელი ამერიკაში მოღვაწე, მსოფლიოში აღიარებული ჰიანისტი ალექსანდრე კორსანტია გახლავთ. მან მთელი არსებით გაითავისა ფესტივალისა და მისი უწმინდესობის მუსიკალურ ნაწარმოებთა სულისკვეთება. საქართველოს პატრიარქთან ურთიერთობით, მისი სიკეთითა და ხელოვნებისადმი განსაკუთრებული სიყვარულით აღფრთოვანებული ჰიანისტი აგერ უკვე მესამე წელია ფესტივალის უცვლელ სამხატვრო ხელმძღვანელად რჩება.

ალექსანდრე კორსანტია:

„პატრიარქის სიბრძნის ყველაზე მნიშვნელოვანი წყარო ხელოვნებაა. მისი შემოქმედებითი ნიჭი ისეთივე ცხადი და ნათელია, როგორც მისი სულიერება.

პატრიარქის ბოლოდროინდელი ნაწარმოებები „Ave Maria“, „Sanctus“, „Agnus Dei“ და „Te Deum“-ის | ნაწილი, რომლებიც სოლისტების, გუნდისა და ორკესტრისთვის არის შექმნილი, ძალიან მალე შეიყ-



ა.კორსანტია

ვარა მსმენელმა. მისი უწმინდესობის მუსიკა არის და ყოველთვის დარჩება საქართველოს კულტურისა და ისტორიის განუყოფელ ნაწილად. გულწრფელი თავმდაბლობა, შეუზღუდავი სიბრძნე, უღივი ინტელექტი... ეს მხოლოდ არასრული ჩამონათვალია იმ თვისებებისა, რომელიც ხიბლავს ყველას, ვინც მას ოდესმე შეხვედრია“.

მისი უწმინდესობის მუსიკალური ნაწარმოებები და საგალობლები მართლაც შეიყვარა მსმენელმა. მათ ხშირად ასრულებენ პროფესიულ სცენაზე სიმფონიური თუ კამერული ორკესტრის თანხლებით. მათი ორიგინალური ვერსიები გაორკესტრებული და არანჟირებულია გვიად ბოლქვაძის, ვანტანგ კახიძის, პაატა ცუცხლაძის, ნიკოლოზ რაჭველის მიერ, თუმცა ეს არანჟჳეულებრივი მუსიკალური ქმნილებები ნაკლებად ხელმისაწვდომი იყო რიგითი მსმენელისათვის და უცხოეთში მცხოვრე-



ალ. მავაჰარიანი

ბი ქართველი მელომანებისთვის.

ამდენად, რიგით მე-8 ფესტივალის მზადებისას საორგანიზაციო ჯგუფში პატრიარქის მუსიკალურ ნაწარმოებთა სანოტო კრებულის გამოცემის იდეა გაჩნდა და განხორციელდა კიდევ.

7 მაისს კონსერვატორიის დიდ დარბაზში ფესტივალის გახსნის საბეიძო ცერემონიაზე სრულიად საქართველოს კათოლიკოს-პატრიარქის მუსიკალურ ნაწარმოებთა სანოტო კრებულის პრეზენტაცია მოეწყო, პირველად დაიბეჭდა მისი უწმინდესობის მიერ სხვადასხვა წლებში დაწერილი საგალობლები და საგუნდო ნაწარმოებები. კრებულში ასევე შეტანილია სოლისტიების, გუნდისა და ორკესტრისთვის შექმნილი ნაწარმოებების კლავირი, რომლის შექმნაზეც 9 ქართველმა კომპოზიტორმა იმუშავა:

– გიორგი შავერზაშვილი – “Ave Maria”, “Kyrie eleison”;

- კახა ცაბაძე – “Aleluia”;
- ზურაბ ნადარეიშვილი – “Sanctus”;
- მიხეილ ოძელი – „ჩემი ვედრება“;
- მერაბ ოძელაშვილი – “Agnus Dei”;
- გიორგი ჩლაიძე – “Te Deum” (I ნაწილი);
- ნიკოლოზ რაჭველი – “Ave Maria”, „ერეკლეს დალოცვა“.

აღსანიშნავია ოთარ ტატიშვილის მიერ არანჟირებული და ნოტებზე გადატანილი საფორტეპიანო პიესა „ფიქრები წარსულსა და მომავალზე“ და ლიანა ისაკაძის მიერ არანჟირებული “Ave Maria” ვიოლინოსა და კამერული ორკესტრისთვის, რომელიც მან ვახტანგ კახიძის საორკესტრო პარტიტურიდან შექმნა.

სიმონ ჯანგულაშვილი: კრებულის რედაქტორი (სამების საკათედრო ტაძრის მგალობელთა გუნდის რეგენტი):

„პატრიარქი აღნიშნავს, რომ ის არ არის პროფესიონალი კომპოზიტორი. ხშირად მიფიქრია: მის უწმინდესობას თავი ადრიდანვე რომ მუსიკისათვის მიეძღვნა, ბევრ მნიშვნელოვანსა და ღირებულს შესძენდა ქართულ მუსიკალურ ხელოვნებას. მის მუსიკალურ ამოცანებსა და შემოქმედებით მიზნებს შორის ბუნებრივი ჰარმონიული ურთიერთმიმართებაა. პატრიარქმა იცის რისთვის წერს, რისი თქმა სურს და ძალდაუტანებლად, გულში ჩამწვდომი უბრალოებით აღბეჭდილი მუსიკალური ენით ესაუბრება ღმერთსა და ადამიანებს.

კრებულის გამოცემა შესაძლებელს გახდის პატრიარქის მუსიკის კამერულ, ასევე ინდივიდუალურ და საოჯახო შესრულებას. მასზე მოთხოვნა აქვთ არა მხოლოდ სიმფონიურ ორკესტრებსა და პროფესიონალ მომღერლებს, არამედ მუსიკისმოყვარულთა ფართო წრეებს.

საქართველოს კათოლიკოს-პატრიარქისა და გვიად ბოლქვაძის შემოქმედებითი თანამშრომლობის ნაყოფია ის განუმეორებელი მუსიკალური სტილი, რომელიც შესაძლოა შთაგონების წყაროდ იქცეს კომპოზიტორთა ახალი თაობებისათვის თანამედროვე რელიგიური საგუნდო მუსიკის შესაქმნელად.“

8 წლის განმავლობაში ფესტივალმა „აღდგომიდან ამაღლებამდე“, რომელიც ამჯერად მისი უწმინდესობის საიუბილეო თარიღებს ეძღვნება, საკმაოდ მნიშვნელო-

ვანი და საინტერესო ისტორია შექმნა თავისი ფოტო, ვიდეო და აუდიო არქივითურთ.

არ შეიძლება არ აღინიშნოს, რომ ფესტივალის „აღდგომიდან ამაღლებამდე“ ერთგული და მუდმივი მედიაპარტნიორია „რადიო მუზა“, რომელიც ყოველწლიურად ახორციელებს ფესტივალის კონცერტების მაღალ დონეზე ჩანერას, რითაც ამ პროექტის ისტორია და უნიკალური არქივი შეიქმნა, რაც უმნიშვნელოვანესი მონაპოვარია როგორც ფესტივალისთვის, ისე, საზოგადოდ, ქართული მუსიკალური კულტურისათვის.

რაც შეეხება წლებიდან პროგრამას წინა წლების მსგავსად ისიც საკმაოდ საინტერესო იყო, როგორც შინაარსით, ისე მონაწილეთა მრავალფეროვნებითა და საშემსრულებლო დონით...

წელს ფესტივალის ფარგლებში თბილისის სტუმრობდნენ მსოფლიოში აღიარებული ისეთი ქართველი და უცხოელი მუსიკოს-შემსრულებლები, როგორებიც ვახლავთ ვახტანგ მაჭავარიანი (დირიჟორი), კატია სკანავი (ფორტეპიანო, საბერძნეთი/რუსეთი), მარტა აბრაჰამი (ვიოლინო, უნგრეთი), გიორგი ხარაძე (ჩელო), პიეტრო გატო (ფორტეპიანო, იტალია), ვიტალი ნაზაროვი (პობო, რუსეთი); ასევე თამარ ლიჩელი (ფორტეპიანო), ნოდარ ჟვანია (ალტი), ჰაიკ ბაბაიანი (ჩელო), ზვიად ბოლქვაძე (კომპოზიტორი და დირიჟორი), თბილისის სახელმწიფო კამერული ორკესტრი „საქართველოს სიმფონიეტა“, თბილისის ოპერის სიმფონიური ორკესტრი და გუნდი, ანსამბლი „იმერი“ რობერტ გოგლაშვილის ხელმძღვანელობით. ფესტივალში ასევე მონაწილეობდნენ ევროპასა და საქართველოში მოღვაწე ბრწყინვალე ვოკალისტები: ნანა ქავთარაშვილი (მირიანი – სოპრანო), ირინე ალექსიძე (მეცო-სოპრანო), თამარ გვერდნიტელი (ესტრადის მომღერალი), მარიამ როინიშვილი (სოპრანო), გიორგი ონიანი (ტენორი), გიორგი გაგნიძე (ბარიტონი), ვახტანგ ჯაშაშვილი (ბარიტონი), მამუკა მანჯგალაძე (ტენორი), კონცერტმასტერი ვიქტორია ჩაპლინსკაია.

7 მაისი ფესტივალის საზეიმო გახსნა...

ფესტივალის წლეულს 7 მაისს გაიხსნა კონსერვატორიის დიდ საკონცერტო დარბაზში, რომელიც სრულიად საქართველოს კათოლიკოს-პატრიარქის, უნივერსიტეტისა და უნეტარესის, მცხეთა-თბილისის მთავარეპისკოპოსისა და ცხუმ-აფხაზეთის მიტროპოლიტის ილია მეორის დაბადებიდან 80 და მღვდელმთავრად კურთხევის 50 წლის საიუბილეო თარიღებს მიეძღვნა.

ფესტივალის გახსნის საზეიმო ცერემონიალს საქართველოს კათოლიკოს-პატრიარქი ილია II თანმხლებ პირებთან ერთად დაესწრო.

ლაშა ჟვანია (პატრიარქის საერთაშორისო საქველმოქმედო ფონდის გენერალური მენეჯერი):

„7 მაისი განსაკუთრებული დღე იყო არა მხოლოდ იმიტომ, რომ ფესტივალის გაიხსნა. ამ დღეს ჩვენ დამსწრე საზოგადოებას შევთავაზეთ მისი უმნიშვნელობის მუსიკალურ ნაწარმოებთა სანოტო კრებული, რომელიც საქართველოს კომპოზიტორთა კავშირის თავმჯდომარემ – კახა ცაბაძემ წარმოადგინა. ეს იდეა ფესტივალის მზადებისას გაჩნდა. ქართველმა კომპოზიტორებმა 9 ნაწარმოების დამუშავება შესძლეს.“

ფესტივალის სიმბოლო – სააღდგომო კვერცხი, რომელიც დიდმა ადამიანმა, ცნობილმა დაღესტნელმა ხელოვანმა მანაბა მაგომედოვამ დაამზადა გადაეცით ბატონ კახა ცაბაძეს. ეს ძალზედ სიმბოლური იყო, რადგან ეს გახლდათ ქალბატონი მანაბას უკანასკნელი ნამუშევარი და ჩვენც დიდი ადამიანის ბოლო ქმნილება ყველაზე სასიყვარულო მამულიშვილების გაერთიანებას „საქართველოს კომპოზიტორთა კავშირის გადაეცით“.

კახა ცაბაძე (საქართველოს კომპოზიტორთა კავშირის თავმჯდომარე):

„ჩვენ ფესტივალის ერთ-ერთი ორგანიზატორი, მარიამ დავითაშვილი დაგვიკავშირდა და გვამცნო ამ იდეის შესახებ. მისი უმნიშვნელობის მუსიკალურ ნაწარმოებთა სანოტო კრებულის გამოცემაში წვლილის შეტანა ჩვენთვის ძალზედ საამაყოა. დამეთანხმებით, ყველა შემოქმედი მის ნაწარმოებში თავის სულის წვნილს დებს. ამ მხრივ ორმაგი ბედნიერებაა, როდესაც უმნიშვნელობისა და უნეტარესის ნაწარმოებებს ეხები. მე მინდა ჩემს კოლეგებს და ფესტივალის ორგანიზატორებს დიდი მადლობა ვუთხრა.“

ოთარ ტატიშვილი (კომპოზიტორი):

„ფესტივალის „აღდგომიდან ამაღლებამდე“ ძალზედ მნიშვნელოვანი და სასიხარულო მუსიკალური დღესასწაულია ჭეშმარიტი მუსიკის მოყვარულთათვის. ამ



მ. აბრავაძე, ვ. ავაჯვარიანი

მოლოდინს და სიხარულს რასაკვირველია აძლიერებს ის ფაქტიც, რომ იგი დაკავშირებულია უმნიშვნელოვანეს ქრისტიანულ დღესასწაულთან და ჩვენი სულიერი მამის უწმინდესისა და უნეტარესის ილია II სახელთან, რომელიც თავისთავად სიხარულის და ამაღლების განცდას ანიჭებს ყველა ჭეშმარიტ ქრისტიანს.

მე ფესტივალის დაარსების დღიდან თითქმის ყოველთვის ვესწრებოდი უმეტეს ღონისძიებებს, მაგრამ წლები და წლები ფესტივალი განსაკუთრებით სასიხარულო განცდას მგვრიდა რადგან, საბედნიეროდ, ორგანიზატორთა გადამწყვეტილებით მომეცა საშუალება ჩემი მოკრძალებული წვლილი შემეტანა მის საკონცერტო პროგრამაში.

შარშან შესრულდა ჩემი ნაწარმოები „ამაღლება“. ეს პრემიერა გახლდათ ჩემი სავიოლინო კონცერტის მეორე ნაწილისა, რომელსაც სპეციალისტებმა მისი ელექტრონული ვერსიის მოსმენისა და დამოუკიდებელი არსებობის და შესრულების უფლება მიანიჭეს. ბატონმა საშა კორსანტიამ, ფესტივალის სამხატვრო ხელმძღვანელმა, მოიწონა ეს ნაწარმოები და ფესტივალის 2 პროგრამაში შეატანინა ორგანიზატორებს (თბილისის და ქუთაისის კონცერტებში).

ეს ნაწარმოები შესრულდა კამერულმა ორკესტრმა „სიმფონიკამ“, სოლისტი კი გახლდათ ამავე ორ-

კესტრის შესანიშნავი მევიოლინე ნინო დავითაშვილი. წელს არანაკლებ მნიშვნელოვანი და საპატიო მისია მხვდა წილად, როდესაც ფესტივალის ორგანიზატორებმა წლები ფესტივალისთვის გადამწყვეტეს პატრიარქის მიერ შექმნილი ნაწარმოებების კლავირის გამოცემა. მე ერთ-ერთი რთული ამოცანა მხვდა წილად, რადგან უწმინდესის მიერ დაწერილ თემებზე, რომლის სანოტო ვერსია არ არსებობდა და მხოლოდ აუდიო ჩანაწერი მომანოდეს, უნდა გადამეშუქებინა და დამეწერა საფორტეპიანო პიესა, რომელიც პიანისტურად გამართული იქნებოდა, როგორც ფაქტურის მხრივ, ასევე ფორმის თვალსაზრისითაც. კონცერტის შემდეგ ბატონი საშას, ასევე სხვა დამსწრე პროფესიონალი მუსიკოსების და თავად შემსრულებლის, შესანიშნავი ქართველი პიანისტის, თამარ ლიჩელის ქათინური დავიმსახურე. რამდენადაც მომახსენეს პატრიარქსაც მოსწონებია.

ვლელავდი, რადგან ყოველი დისონირებული აკორდის თუ სხვა ტექნიკური საშუალების გამოყენებისას არ ვიციდი როგორი რეაგირება ექნებოდა უწმინდესს. ბედნიერი და მოხარული ვარ რომ ყველაფერმა წარმატებულად ჩაიარა“.

როგორც გასულ წლებში, ფესტივალზე „აღდგომიდან ამაღლებამდე“ დამსწრე საზოგადოება კვლავ არაერთი სასიამოვნო სიურპრიზის მომსწრე გახდა. კონსერვატორიის ფოიეში ელენე ახვლედიანის სახელობის ბავშვთა სურათების გალერეის აღსაზრდელთა გამოფენა მოეწყო სახელწოდებით „საიუბილეო სააღდგომო გამოფენა“, რომელიც საფესტივალო საღამოების განმავლობაში – 7-დან 12 მაისამდე გაგარძელდა. პირველ საღამოზე საჩუქრებით დაჯილდოვდნენ სრულიად საქართველოს კათოლიკოს-პატრიარქი, პირველი სამუსიკო სკოლის აღსაზრდელეები და დარბაზში მყოფი საზოგადოება.

ლაშა ჟვანია:

„ჩვენი ფესტივალი ყოველწლიურად იზრდება და ვითარდება. ამ ღონისძიებას უკვე მერვე წელია გვერდით უდგას კომპანია „თელასი“, ასევე „სოკარი“ და თბილისის მერია. შევიძინეთ უამრავი პარტნიორი და მეგობარი. მათი აქტიური მხარდაჭერის გარეშე ჩვენ ვერ შევძლებდით ფესტივალის გაფართოებას. წელს 10

კონცერტის ჩატარება დაგეგმილი მსოფლიოში აღიარებული ქართველი და უცხოელი მუსიკოს-შემსრულებლების მონაწილეობით. განსაკუთრებით მნიშვნელოვანია რეგიონული გასვლები ნიქოში, ახმეტაში, ოზურგეთში, სადაც დიდი მესტროს, ნოდარ ანდლულაძის ხსოვნის საღამო უნდა გაიმართოს. 13 მაისს კი ამაღლების ბრწყინვალე დღესასწაულზე, ტრადიციულად ბათუმში მოხდება ფესტივალის დახურვა.

კომპანია „პილიგრიმტუსმა“ ფესტივალის გახსნის ცერემონიაზე ორგანიზატორებს სანთლები შემოგვნირა, რათა აღდგომისეული იერუსალიმის სინძინდე დარბაზში მყოფი ყოველი ადამიანის ოჯახში შესულიყო. ამავე კომპანიის ეგიდით 9 და 10 წლის სალომე და მარიამ საზანდარიშვილებს, რომელთაც მარტოხელა დედა ზრდის და წარჩინებით სწავლობენ პირველ ცენტრალურ მუსიკალურ სკოლაში, საჩუქრად ფორტეპიანო გადაეცემა.

ფესტივალის საორგანიზაციო ჯგუფში დიდ ხანს ვფიქრობდით თუ რით დაგვეჯილდოებინა ჩვენი პატრიარქი. ბოლოს კომპანია „მარილის“ დაუკავშირდით. თამამად შემოიძლია ვითხრათ, რომ დიდი ხნის მსჯელობის შემდეგ შეიქმნა შედეგრი, რომლის იდეაც „მარილის“ შემოქმედებით ჯგუფს მისი უწმინდესობის განვლილმა ცხოვრების გზამ შთაავონა. ეს გახლავთ ვაზის ჩუქურთმით, საიუბილეო თარიღების აღმნიშვნელი წარწერებითა და აკვამარინის ქვებით შემკული ვერცხლის თასი, რომელიც ბუსტად იმ მეთოდითაა ნათევი, რა გზითაც ჩვენი წინაპრები ქმნიდნენ ქართული ტედურობის შედეგებს“

ალექსანდრე კორსანტია (ფესტივალის „აღდგომიდან ამაღლებამდე“ სამხატვრო ხელმძღვანელი):

„ბევრი მიზეზი არსებობს იმისა, თუ რატომ გვიყვარს ჩვენ პატრიარქი.

ეს გახლავთ მისი არტისტული და ჰუმანიტარული ნიჭი, ტემპარიტი თავმდაბალი რწმენა, სიკეთე და სინძინდე, რომელსაც ერთნაირად ვაცემს თავისი ხალხისათვის. ის ალბათ ერთადერთია ვისაც შეუძლია ერის გაერთიანება, რაც კულტურისა და სულიერების მხარდაჭერით იწყება.

წლებადელი ფესტივალი ძალზედ მრავალფეროვანია. მართალია, ძირითადად წარმოდგენილია კლა-



პ.სპანაძი

სიკური მუსიკა, თუმცა გვაქვს სასულიერო და ხალხური ხელოვნების ნიმუშები. ამის ბრწყინვალე მაგალითია ანსამბლები „იმერი“ და „ლაშარი“, რომლებიც ახმეტაში გამართავენ კონცერტს.

ჩვენს ფესტივალზე 7 მაისიდან 13 ივნისამდე უამრავი კლასიკოსის ნაწარმოები შესრულდა, მათ შორის სულხან ნასიძე. ასევე წელს ალექსი მაჭავარიანის საიუბილეო წელია. 9 მაისის კონცერტს მის ხსოვნას ვუძღვნით და მთლიანად მის ნაწარმოებებს ეთმობა. მე-20 საუკუნის კიდევ ბევრი სხვა შედეგრი აქედრდა ჩვენს ფესტივალზე, მათ შორის შონბერგის „ვაცისკროვნებული ღამე“.

წელს ნამდვილი ვარსკვლავთცვენა გვაქვს. სტუმრები ჩამოვიდნენ რუსეთიდან, უნგრეთიდან, საფრანგეთიდან, იტალიიდან... ისინი სხვადასხვა სტილისა და სპეციალობის არიან, თუმცა ყოველი მათგანი მაღალი დონის შემსრულებელია, ისინი ქართველ კოლეგებთან ერთად ააქლერებენ მსოფლიო შედეგებს. ჩვენ მზად ვართ იმისათვის, რომ ყველა საფესტივალო საღამო ხელოვნების ნამდვილ დღესასწაულად ვაქციოთ.“

როგორც აღვნიშნეთ ფესტივალის ფარგლებში საქართველოს სტუმრად ეწვია და მსმენელის წინაშე წარსდგა ცნობილი პიანისტი კატია სკანავი, რომლის შესახებაც არაერთ დადებით შეფასებას ამოიკითხავთ მსოფლიოს სხვადასხვა ქვეყანაში გამოცემულ პროფ-



კონსერტის პიანო

სიულ ჟურნალში. ის გახლავთ ვან კლაიბერნის კონკურსის ფინალისტი, ასევე იური ბაშმეტისა და ვიდონ კრემერის მასშტაბის მუსიკოსებისათვის ერთ-ერთი სასურველი პარტნიორი. ფესტივალის გახსნის საზეიმო ცერემონიაზე მან, პიანისტ ალექსანდრე კორსანტიასთან ერთად, 4 ხელში შეასრულა ვოლფგანგ ამადეუს მოცარტის ანდანტე G dur KV 357 ფორტეპიანოსთვის.

საკმაოდ შთაბეჭდავი იყო ანსამბლ „იმერის“ გამოსვლა, რომელიც 4 კომპოზიციით წარსდგა მსმენელთა წინაშე.

ამავე კონცერტზე ცნობილმა მომღერალმა თამარ გვერდნითელმა სრულიად საქართველოს კათოლიკოს-პატრიარქის „ვედრება“, რომელიც ვაჟა ფშაველას ლექსზეა შექმნილი, ახალი ვერსიით – საფორტეპიანო თანხლებით წარმოადგინა. მას ღირსეული პარტნიორობა ფესტივალის ერთგულმა მეგობარმა, კონცერტმასტერმა ვიქტორია ჩაპლინსკაიამ გაუნია.

თამარ გვერდნითელი (მომღერალი):

„ჩემთვის ამ ფესტივალში მონაწილეობა ძალზედ სასიამოვნო და პრესტიჟულია, ორმავე პასუხისმგებლობას ვგრძნობ მსმენელთა წინაშე, როდესაც მისი უწმინდესობის ნაწარმოებს ვასრულებ, რომელიც საოცრად შთაბეჭდავი და ემოციურია“.

გულბატ თორაძე (მუსიკისმცოდნე):

„მაღალმხატვრულ და პროფესიულ დონეზე ჩატარდა უკლებლივ ყველა კონცერტი. ფესტივალს განსაკუთრებული მნიშვნელობა შესძინა მასში გამოჩენილი, მსოფლიო მასშტაბის პიანისტის ალ.კორსანტიას

ხელმძღვანელობამ.

იგივე უნდა ითქვას ჩვენს სასიქადულო მომღერლებზე, რომელთაც საერთაშორისო აღიარება აქვთ მოპოვებული. საკმარისია დავასახელოთ ვია გაგნიძე მეტროპოლიტენ-ოპერისა და სხვა ცნობილი თეატრების სოლისტი, ასევე ვია ონიანი, ნანა ქავთარაშვილი, ირინე ალექსიძე, ვახტანგ ჯაშიაშვილი, თამარ გვერდნითელი.

ფესტივალში „აღდგომიდან ამღლებამდე“ ძალზედ სასიამოვნო ფაქტს წარმოადგენს საქართველოს კათოლიკოს-პატრიარქის მუსიკალურ ნაწარმოებთა კრებულის პრეზენტაცია და მისი ახალი საგუნდო-სიმფონიური ქმნილებების შესრულება. ამან დიდი ზნეობრივი და მხატვრულ-ესთეტიკური კმაყოფილება მოგვანიჭა მსმენელებს. მაღლობას იმსახურებენ შემრულებლები: თბილისის ოპერის სიმფონიური ორკესტრი და გუნდი, ასევე დირიჟორი გვიად ბოლქვაძე და ქორმალისტერები ავთანდილ ჩხენკელი და შალვა შაორაძე.

ცალკე უნდა გამოვყოთ ნიჭიერი, დღითიდღე მზარდი, ძალზე მრავალმხრივი ახალგაზრდა პიანისტი თამარ ლიჩელი, რომელმაც კათოლიკოს-პატრიარქის საფორტეპიანო პიესა „ფიქრები წარსულსა და მომავალზე“ შეასრულა.

ყველასათვის სასიამოვნო სიურპრიზი გამოდგა ახალგაზრდა უნგრელი მევიოლინე მარტა აბრაჰამი, რომელმაც შესანიშნავად შეასრულა ალექსი მჭავარიანის განთქმული სავიოლინო კონცერტი და შემდეგ ბისზე პავანინის „კაპრისი“.

სამწუხაროდ ვერ დავესწარი ახალგაზრდა იტალიელი პიანისტის პიეტრო ვატოს კონცერტს, თუმცა კოლეგებისგან ვიცი, რომ ბრწყინვალე შთაბეჭდილება მოუხდენია მსმენელებზე... მაღლობა ორგანიზატორებს კულტურისა და სულიერების ამგვარი ზეიმის მოწყობისათვის...”

ფესტივალის ფარგლებში ქართველი მსმენელის წინაშე კატია სკანავი 9 მაისის კონცერტზეც წარსდგა, რომელიც ცნობილი ქართველი კომპოზიტორის ალექსი მაჭავარიანის 100 წლის იუბილეს მიეძღვნა.

ცისანა ბოტკოველი (მუსიკისმცოდნე):

„საინტერესო პროგრამებითა და შინაარსით დატვირთული საფესტივალო საღამოები მნიშვნელოვანი მოვლენაა საქართველოს კულტურულ ცხოვრებაში, 9 მაისის საღამოც სწორედ ამის დასტურია.

თბილისის ოპერის სიმფონიური ორკესტრის მიერ, დირიჟორ ვახტანგ მაჭავარიანის ხელმძღვანელობით შესრულდა ალექსი მაჭავარიანის მიერ სხვადასხვა დროს შექმნილი 3 თხზულება. საფორტეპიანო, სავიოლინო და ჩელოს კონცერტები, რომელთაც დროთა გადასახედებიდან შთაბეჭდვად გაიყურებს.

საფორტეპიანო კონცერტი (1944) კატია სკანავის შესრულებით აღსავსე იყო კომპოზიტორის ჩანაფიქრის გახსნით, მგზნებარე ტემპერამენტით, ქართული სიმღერისა და ცეკვის სტიქის შესანიშნავი შეგრძნებით, ჟანრული სახეებით, ამაღლებული ლირიკით. თავის დროზე ამ კონცერტმა დიდი სიახლე შემოიტანა ეროვნულ დიდფორმიან ინსტრუმენტულ მუსიკაში და დღესაც იგივე მგზნებარებით გაიყურება პიანისტის შესრულებამ.

იგივე ითქმის კომპოზიტორ ალექსი მაჭავარიანის აღიარებულ სავიოლინო კონცერტზე (1950), რომელმაც დიდი მუსიკოსების რეპერტუარში დაიდო სკანავი. ის არის ამ ჟანრში მე-20 საუკუნის ერთ-ერთი საუკეთესო თხზულება, რომლის თემატური მომხიბვლელობა ნათელს ჰფენს კომპოზიტორის უდიდეს ნიჭს. კონცერტის ინტერპრეტაცია წარმოაჩინა ცნობილმა უნგრელმა მევიოლინემ მარტა აბრაჰამმა.

განსაკუთრებით მინდა გამოვყო უცხოეთში მცხოვრები ქართველი ჩელისტის, ვიორჯი ხარაძის მიერ დიდებულად შესრულებული ალ.მაჭავარიანის ჩელოს

კონცერტი ერთ ნაწილად (1992). ეს კომპოზიტორის ბოლო თხზულებაა, რომელიც აღსავსეა ცხოვრების ფილოსოფიური აღქმის ემოციით, რთული და ვირტუოზული ფაქტურით, სიღრმეებში წვდომით, ლირიკით. კომპოზიტორის მონოლითური ჩანაფიქრი შემსრულებელმა გახსნა დიდი დამაჯერებლობით, სიღრმეით, სინატიფით, რაფინირებული ვირტუოზობით.

9 მაისის კონცერტის მალაღმბატვრულ დონეზე მეტყველებს შემსრულებელთა — სოლისტების, ორკესტრისა და დირიჟორ ვახტანგ მაჭავარიანის აკადემიური დონე და მუსიკალური მასშტაბი“.

საფესტივალო კონცერტებიდან აღსანიშნავია დიდი ქართველი მანქანის და არაერთი მსოფლიო მნიშვნელობის პიანისტის აღმზრდელის — თენგიზ ამირეჯიბის ხსოვნის საღამო, სადაც მისმა მოწადემ ალ.კორსანტიამ საქართველოში პირველად განსაკუთრებული ემოციითა და ჩვეული აღმაფრენით შეასრულა მოცარტის №21 საფორტეპიანო კონცერტი.

შნია ჯაფარიძე (მუსიკისმცოდნე):

„ქართული მუსიკალური ხელოვნება დაობლდა... ნელს სამი ეპოქალური ფიგურა — ნოდარ ანდულაძე, თენგიზ ამირეჯიბი, იოსებ კეჭაყმაძე გამოაკლდა ქართულ კულტურას. ისინი ხომ ქართული მუსიკალური ხელოვნების ატლანტები იყვნენ... მათი შემოქმედებითი მასშტაბი იმითაცაა ეპოქალური, რომ მათ თავიანთი დიდი შემოქმედების გარდა გზა გაკვალეს მომავლისაკენ, შექმნეს სკოლა და ისეთი შემოქმედნი დაგვიტოვეს, როგორცაა ბ-ნ ვიზი ამირეჯიბის სკოლის ერთ-ერთი ბრწყინვალე წარმომადგენელი ალექსანდრე კორსანტია — საოცარი პიროვნება, ადამიანი, შემოქმედი, მოღვაწე, პიანისტი.

ფესტივალის მესვეურთა აღლოსა და პროფესიონალიზმზე, მათ მაღალ შემოქმედებით თამასაზე მეტყველებს ბოლო წლების ფესტივალის სამხატვრო ხელმძღვანელის არჩევანიც, რომელიც სამა კორსანტიაზე შეჩერდა—სამი წელია იგი ფესტივალის უცვლელი სამხატვრო ხელმძღვანელია. მან სრულიად განსხვავებული ხედვა, ესთეტიკა და მისი პიროვნებისათვის ესოდენ ჩვეული უშუალოება და კეთილგანწყობა შემოიტანა ფესტივალის მსვლელობაში. ყოველივე აისახა კიდევ ფესტივალის გარემოში, საკონცერტო პროგრამებში და



მ.ხარაძე

მხატვრულ ხარისხში.

ფესტივალის „აღდგომიდან ამაღლებამდე“ მნიშვნელოვან მისი მხატვრული ხარისხი, ყველა სხვა ღირსებებთან ერთად ისიცაა, რომ ამ 8 წლის მანძილზე ყოველთვის იმართება ქართული მუსიკალური კულტურის წარსულის დიდი მოღვაწეების ხსოვნის საღამოები, რითაც იდება ხიდი ანწყოსა და მომავალს შორის – თითქოს ყველა ჩვენგანის გულში ღვივდება გრძნობა, რომ ჩვენც, ამ დიდი ისტორიის თანამონაწილენი ვართ. მინდა ვითხრათ, რომ ეს საღამოები განსაკუთრებით ამაღელვებელია ხოლმე. ამჯერად, 8 მაისს, კამერულ-საკრავიერი მუსიკის საღამო სწორედ ცნობილი ქართველი პიანისტისა და პედაგოგის, საქ. სახალხო არტისტის, შ. რუსთაველის პრემიის ლაურეატის, პროფესორ თენგიზ ამირეჯიბის ხსოვნას მიეძღვნა.

42

არ შემიძლია არ აღვნიშნო ერთი რამ – დაკვირვებული ვარ, როდესაც საშა კორსანტია თავის პედაგოგს, ბ-ნი ვიზი ამირეჯიბს უძღვნის შესრულებას, რაღაც გან-

სხვავებული ხდება, რაღაც მაგიური, შოკისმომგვრელი, რაც აღარასოდეს გავიწყდება. მახსენდება ბ-ნი ვიზი ამირეჯიბის 70 წლის იუბილესადმი მიძღვნილი საღამო ჯ.კახიძის მუსიკალურ ცენტრში, სადაც II განყოფილებაში აღ. კორსანტიამ თავის პედაგოგს სკარლატის ნაწარმოებებით მიულოცა იუბილე – ეს იყო რაღაც... რაღაც გასაოცარი, დაუვინყარი და იმ შავ-ბნელ 1997 წელს, ეს განუმეორებელი შთაბეჭდილება დიდხანს, დიდხანს გავგვცვა, როგორც სულიერი კათარსისი და იმედი...

და ახლაც, ბისზე, საშამ, წინათქმით – „ბატონ ვიზის“, შესარულა მოცარტის №12, F dur სონატის პოეტურობით აღსავსე *Adagio*, ამჯერად უკვე მოცარტის „შუამავლობით“ იგი თითქოს ესაუბრებოდა თავისი პედაგოგის დახვეწილ, ფაქიზ, არისტოკრატიულ, ამაღლებულ სულს და ჩვენც ამ „კავშირის“ თანამონაწილე გავგზადა... როგორც ყოველთვის, ამჯერადაც ალექსანდრე კორსანტიამ გავგაოცა!.. გავვიტაცა ბგერების ირეალურ სამყაროში... მან პირველივე ბგერიდან დაიპყრო მსმენელი და ბოლო ბგერამდე სუნთქვა შეკრული გვამყოფა... მთელი დარბაზი სახე იყო მუსიკით, ყველა მხრიდან ბგერები გემოსავდა. ეს კორსანტიასეული სამყაროა, რომელიც ვიტაცებს და გძირავს მშვენიერ, გამოუცნობ, უღამაზეს სამყაროში – საოცარი ფრაზირებით, ტუშეთი, ბგერათა პალიტრის მდიდარი გრადაციებით, მრავლისმეტყველი და „მუღერი“. მისი ბგერები ისეთივე ფაქიზი, გამჭვივრვალე და ღრმაა, ისეთივე სითბოთი და სიყვარულით, პოეტურობითაა აღსავსე, როგორც თვითონ საშას პიროვნება.

ის, რასაც კორსანტია ვვთავაზობს ხოლმე, ხშირად ტრადიციული, სტერეოტიპული ჩარჩოების მიღმა (თუნდაც მანამდე შესრულებული მოცარტის 21 საფორტეპიანო კონცერტი ორკესტრთან ერთად კორსანტიასეული კადენციებით), რაც იქნებ ზოგს არც კი მოსწონს, მაგრამ დიდი ტალანტი ჩარჩოებში ვერასდროს ეტევა – ეს მაღალი მუსიკაა, მუსიკა, რომელიც გულგრილს არავის ტოვებს... ამ შესრულებით საშა კორსანტიამ ბ-ნი ვიზისადმი გამოხატა ის, რაც სიტყვებით არ ითქმის – და იქ, სადაც სიტყვები უძლურნი არიან – იწყება მუსიკა!..

საშამ კვლავ გვაჩუქა დაუვინყარი წუთები“...

12 მაისს თბილისის საფესტივალო საღამოების დახურვა საქართველოს ტერიტორიული მთლიანობისათვის დაღუპულთა ხსოვნას მიეძღვნა. შესრულდა ალ. მაჭავარიანის, ოთარ თაქთაჩიშვილის, ბიძინა კვერნაძის, სულხან ნასიძისა და რევაზ ლალიძის ნაწარმოებები.

ეს გახლდათ ქართული ვოკალური მუსიკის დაუვინყარი საღამო, რომელსაც 90 – იან წლებში ტერიტორიული მთლიანობისათვის დაღუპულ გმირთა დედების გაერთიანება „არდავინყების“ წევრები და საქართველოს თავდაცვის მინისტრი ირაკლი ალასანია დაესწრო.

ირაკლი ალასანია:

„პატიება, მიტევება, ეს არის ვაჟკაცობისა და გამბედაობის ყველაზე დიდი მაგალითი. ჩვენ ყველას ვეჭონდა გულში შურისძიების განცდა იმის გაცნობიერების შემდეგ, თუ რა სისასტიკითა და ყოველგვარი მორალის დარღვევით ექცეოდნენ ჩვენს გმირებს აფხაზეთში, მაგრამ ჩვენ ყველანი მივედით იმ დასკვნამდე, რომ შურისძიებითა და სისხლით ვერ დავიბრუნებთ ვერც აფხაზეთს და ვერც ცხინვალელ ოსებს.

პატრიარქი ყოველთვის ბრძანებს, რომ არის ერთადერთი გზა – პატიების და მიტევების. ახლა ამ დარბაზში სამხედრო პირები ვიმყოფებით და ჩვენი უპირველესი ვალია ამ გზის დაცვა. დაღუპულ გმირთა ხსოვნის უკვდავსაყოფად მხოლოდ პატიების გზით სიარული უნდა ვისწავლოთ და დავუბრუნოთ აფხაზები ქართველებს, ქართველები კი აფხაზებს.

ჩვენ ყველას გვახსოვს ჟული შარტავა, მაგრამ მასთან ერთად სოხუმის დაცემისას იქ იყო უამრავი ქართველი ახალგაზრდა მეომარი...

მე მინდა გავიხსენო ერთი ამბობილი ფრაგმენტი: როდესაც ალყაშემორტყმულ ჩვენს ერთ-ერთ მეომარს სთხოვდნენ დაჩოქილიყო, მან უპასუხა „არასოდეს ცხოვრებაში“. ეს გახლდათ სოხუმის იმდროინდელი მერი ვურამ გაბისკირია. ჩემთვის ეს საქციელი და ეს ადამიანი არის მაგალითი გმირული სულიკვეთებისა.

დიდი მადლობა პატრიარქის ფონდს, მის ხელმძღვანელს, ფესტივალის საორგანიზაციო ჯგუფს, რომ ბრწყინვალე შვიდეულის კვირის დასასრულს ეს დაუვინყარი ღონისძიება ჩვენს დაღუპულ გმირებს მიუძღვენეს.“



საქართველოს კათოლიკოს-პატრიარქი ილია II

ფესტივალის თბილისის დასკვნითი კონცერტის საფინანსო აკორდი გახლდათ სრულიად საქართველოს კათოლიკოს-პატრიარქის “TE DEUM”-ის მეორე ნაწილის პრემიერა და “SANCTUS”-ი.

არაჩიურებისა და გაორკესტრების ავტორი – დირიჟორი ზვიად ბოლქვაძე, ქორმალისტრები ავთანდილ ჩხენკელი და შალვა შაორშაძე.

ზვიად ბოლქვაძე:

„რა თქმა უნდა, უდიდესი პატივი, სიხარული და წყალობაა რომ უწმინდესის მუსიკასთან მაქვს სიახლოვე. არ ვიცი, მაგრამ ვგრძნობ ძალიან ძლიერ გემოქმედებას და ძალას, როცა მის საგალობლებზე ვმუშაობ. თუნდაც ის ფაქტი, რომ „TE DEUM“-ის მეორე ნაწილის (და არამართო) არაჩიურება და გაორკესტრება ძალზე მკირე დროში მოხდა. მუშაობის პროცესში სულ მეგონა, რომ ვერ მოვასწრებდი. მე მთელი ჩემი არსებით და შესაძლებლობებით ვმუშაობ მისი უწმინდესობის საგალობლებზე, რისთვისაც მადლობა უფალს! რაც შეეხება ფესტივალს, უკვე წლები გრძელდება ჩვენი თანამშრომლობა და ვფიქრობ, მას დიდი როლი მიუძღვის პროფესიული მუსიკის განვითარებაში და კიდევ ბევრი შეიძლება ითქვას...“

ზუსტად ამ ფესტივალში ქართველ მსმენელს აქვს

საშუალება მოისმინოს არაერთი ბრწყინვალე შემსრულებელი, როგორც ქართველი, ასევე უცხოელი. წარმატებებს ვუსურვებ ამ ფონდის თითოეულ თანამშრომელს.“

ფესტივალის რეგიონალური გასვლა, როგორც აღვნიშნეთ, წლეულს საქართველოს 4 ულამაზეს კუთხეში დაიგეგმა. აღდგომიდან ამდღეობამდე პერიოდში სოფელ ნიქოზის (ეპისკოპოსის სასახლე), ახმეტის (ქვემო ალვანის კულტურის სახლი), ოზურგეთის (ალ.წუნუნავას სახ. დრამატული თეატრი) და ბათუმის (მუსიკალური ცენტრის საკონცერტო დარბაზი) მოსახლეობა, დაუვინყარი საფესტივალო საღამოების მომხსნე გახდა.

განსაკუთრებული სითბოთი შეხვდა ალექსანრე კორსანტიას, გიორგი ონიანსა და „საქართველოს სიმფონიეტას“ შიდა ქართლის საზღვრისპირა რეგიონის სოფელ ნიქოზის მოსახლეობა...

ალექსანდრე კორსანტია

„ამ დარბაზში განსაკუთრებული აურაა, ეს არის რეგიონის კულტურისა და სულიერების ცენტრი. ჩემთვის თქვენს წინაშე გამოსვლა ძალზედ ემოციურია, ამ ადგილიდან სულ რაღაც 800 მეტრში ხელისგულივით მოსჩანს ცხინვალი...“

მადლობა მეუფე ისაიას ასეთი გულთბილი მასპინძლობისათვის, ის დიდ ეროვნულ საქმეს აკეთებს. გამოვიტყდებით, თბილისშიც კი იშვიათია ასეთი დახვეწილი მსმენელი, ამ პატარა სოფელში მართალა რომ დიდი მუსიკალური ინტელექტით დაჯილდოებული ხალხი ცხოვრობს. ჩვენ აქ აუცილებლად დავბრუნდებით“.

მეუფე ისაია:

„დარწმუნებული ვარ, რომ თქვენი მასშტაბის მუსიკოსების სტუმრობა ყველგან უხარიათ, მაგრამ ისე, როგორც ჩვენ გავვიხარდა, არა მგონია ვინმეს გახარებოდა. აქ, ამ დარბაზში, ყველაფერი ჩვენი ხელით არის გაკეთებული, იმედია როიალიც მოგეწონათ. ჩვენ ძალიან გვჭირდება თქვენი თანადგომა და სულიერ-კულტურულ ურთიერთობათა განმტკიცება. დღეს სოფელ ნიქოზში ნამდვილი სახალხო დღესასწაულია. იმედი მაქვს მომავალ წელსაც გვეწვევით“.

ფესტივალი გრძელდება... ში მაისს ქვემო ალვანის კულტურის სახლი რევამ კიკნაძესა და მის ჯამბუნდს

უმასპინძლებს, ახმეტელი მსმენელის წინაშე წარსდგებიან გიორგი უშიკიშვილი და ფოლკლორული ანსამბლები.

II ივნისს ოზურგეთის ალ.წუნუნავას სახელობის სახელმწიფო დრამატულ თეატრში ამ კუთხის გამორჩეულ შვილს, დიდ მესტროს – ნოდარ ანდლულაძეს მისი აღზრდილი მომღერლები გაიხსენებენ.

III ივნისს, კი ფესტივალი ბათუმში მუსიკალური ცენტრის საკონცერტო დარბაზში დაიხურება.

დასკვნით კონცერტში მონაწილეობას მიიღებენ ბათუმის მუსიკალური ცენტრის სიმფონიური ორკესტრი და ბათუმის სახელმწიფო მუსიკალური ცენტრის კაპელა (ხელმძღვანელი ლელა დოლიძე, ასევე სოლისტები – ქეთევან ბადრიძე (ფორტეპიანო), სალომე ჯიქია (სოპრანო), ირინე ალექსიძე (მეცო-სოპრანო), მამუკა მანჯგალაძე (ტენორი) და ვახტანგ ჯაშიაშვილი (ბარიტონი). სადირიჟორო პულტთან იქნება ცნობილი დირიჟორი დავით მუქერია.

ჩვენი ღრმა რწმენით, ეს კონცერტებიც ისეთივე დაუვინყარი იქნება მსმენელისთვის, როგორც თბილისსა და ნიქოზში გამართული საფესტივალო საღამოები.



„ათიჯი“

ქართული სიმღერა: მხოლოდ გადაჩენა?

ქართულ ხალხურ სიმღერას დღევანდელ საქართველოში და მის ფარგლებს გარეთაც თავისი საკმაოდ მრავალრიცხოვანი მსმენელი ჰყავს. ფოლკლორული სიმღერა სოფლად ძლივსღა ბუტუავს, თუმცა ქალაქად ფუნქციონირებს მრავალი მეორადი ფოკლორული ანსამბლი; ამასთან, სიმძაფრეს არ კარგავს სხვადასხვა მოსაზრებათა დაპირისპირება „ნამდვილი ფოლკლორის“ თემაზე. ისიც უნდა ითქვას, რომ ამგვარი დაპი-

რისპირება იშვიათად სცილდება კულუარულ საუბრებს, ხოლო თუ სცილდება, მკაცრი შეფასების ტონით უფროა შეფერილი, ვიდრე — თანამშრომლობის სულით.

ქართულ მუსიკალურ ფოლკლორულ შემსრულებლობაზე დღეს შეხედულებათა ორი, ხშირად დაპირისპირებული, სისტემა ჩამოყალიბდა. ამ ორ პლატფორმას გასხვავებული შემფასებლური კრიტერიუმები აქვს. მათ მომხრეებს მე პირობითად (მხოლოდ ამ წერილში)

„ავთენტიკოსებსა“ და „ესთეტებს“ ვუნოდებდი.

„ავთენტიკოსებისთვის“ მთავარია: 1) რამდენად ახლოა მოცემული სიმღერა ფოლკლორულ დედანთან (უარი ხმების არატრადიციულად გადანაცობას, ნიმუშის დილექტანტურად, ეკლექტიკურად გადამუშავებას); 2) რამდენად ტრადიციულია შესრულების ფორმები (უღირიურობა, თითო სოლისტი, ანტიფონი, რეპერტუარის სქესობრივი კუთვნილების დაცვა) და არტიკულაცია (მოცემული დიალექტისათვის დამახასიათებელი); 3) რამდენად ცდილობს შემსრულებელი, განერიდოს ევროპულ ტემპერაციას („პიანინოს წყობას“) და იმეროს (ან დაუკრას) ხალხური ტემპერაციით („კილოში“); 4) რამდენად განერიდება შემსრულებელი არატრადიციული სტილის, სცენურ ეფექტებს (შემსრულებელთა აკუსტიკურად მომგებიანი განლაგება, ახალი თეატრალური ეფექტები, პომპეზური დაბოლოება, რუბატო); 5) რამდენად შეაცნობინებს შემსრულებელი მსმენელს ქართული სიმღერის სულს და დაარწმუნებს მას, რომ სიმღერის ეს მაღალგანვითარებულობა პროფესიონალი მუსიკოსის ჩაურევლად, ხალხის ნიაღში იპოვება.

მამასადამე, „ავთენტიკოსისთვის“ შესრულებული ხალხური ნიმუშის შეფასებისას პრიორიტეტული მნიშვნელობა აქვს იმას, თუ რამდენად ორგანულად ამოიზრდება განსახილველი ფაქტი ფოლკლორული შემოქმედებითი და საშემსრულებლო ტრადიციებიდან. ამავე დროს მეორადი მნიშვნელობისაა (და არა – მეხუთედი) ის, თუ როგორი მუსიკალური ოსტატობითაა შესრულებული ნიმუში. „ავთენტიკოსისათვის“ მხატვრული სახის შექმნისას დიდ როლს ასრულებს ეთნოგრაფიული ელემენტი, რადგან სწორედ მისი ადეკვატური გამოცემა იძლევა „ხალხის სულის“ შეცნობის საშუალებას, „ხალხური რეალობის“ ეფექტს.

რაც შეეხება „ესთეტებს“, მათი ინტერესების სფეროში შემოდის შემდეგი ფაქტორები: 1) რამდენად ხარისხიანად სრულდება ნიმუში; ქართულ სიმღერას მომღერლები უნდა ასრულებდნენ („ყელის მქონენი“) და არა – ერთი განზრახვით შეკრებილი ამხანაგები, რომელთაგან მხოლოდ ზოგიერთს აქვს კარგი ხმა; 2) ტრემოლაცია ბუნებრივი შედეგია კარგი ხმისა, ხოლო დიალექტური შესრულების მიზაცა მანერულობაში არ უნდა გადაიზარდოს; 3) სცენას თავისი მოთხოვნები

აქვს შესრულების ფორმების მხრივ და ამას ანგარიში უნდა გაენიოს (ხმების გაორმაგება, სცენური ეფექტები, ზოგჯერ დირიჟორიც); 4) ქართული სიმღერა კარგად ჰგუობს ევროპულ ტემპერაციას, ეს სისტემა მუსიკის ზოგადი განვითარების შედეგია და „ხალხური კილოს“ ძიებები სახიფათო და ზედმეტია; 5) მსმენელი, მით უმეტეს – უცხოეთის დიდი საკონცერტო დარბაზებისა, მაღალი დონის შესრულებას არანაკლებ მნიშვნელობას ანიჭებს, ვიდრე – თავად შესასრულებელ ნიმუშს.

მამასადამე, „ესთეტები“ მიიჩნევენ, რომ ხალხური ნაწარმოები კვალიფიციურად უნდა „შეიფუტოს“, რათა მას მუშტარი გამოუჩნდეს. ისინი მიიჩნევენ, რომ დროთა განმავლობაში ჩამონაკვითი ვარიანტები ხალხური სიმღერისა საუკეთესო, დაკრისტალეზული ნიმუშებია და მათი სხვა ვარიანტებით გარემოცვა ზედმეტია. მათი თვალთახედვით, სცენაზე გამოტანილი ხალხური სიმღერის მთავარი ფუნქცია მუსიკალურად დამაჯერებელი მხატვრული სახის შექმნაა და არა – სოფლის საშუალო ოჯახის მიერ ნამღერის გასაჯაროება.

ეს ორი ბანაკი არ არის მკაფიო საზღვრით გამოიხილული. არის ანსამბლები, რომლებიც ორივე პოზიციის ცალკეულ თემისებს იზიარებენ (მათ შორის – დიდი ხნის, ან უკვე სახელოვანი ჯგუფები). ამასთან, „ავთენტიკოსები“ უფრო ახალი თაობის ხალხია და უფრო მეტი რაოდენობისაა, ვიდრე „ესთეტები“. მაგრამ მთავარი ისაა, რომ ორივე მხარეს ქართული სიმღერის ამაგდარი მოღვაწეები დგანან.

სხვათა შორის, ანალოგიური კამათი სხვა ქვეყნების ხალხური ჯგუფებისთვისაც არაა უცხო. პრობლემა ერთგან უფრო მწვავეა, სხვაგან – შესაძლოა, არც იგრძნობოდეს. საქმე ისაა, თუ როგორაა გააზრებული და გაზიარებული მთავარი თემისი: მუსიკოსს ვერ უბრძანებ, თუ რა უნდა უნდოდეს. უბრალოდ, უნდა მოხდეს მოცემული მიმდინარეობის იდენტიფიცირება. ყველა მიმდინარეობა თავისი არხით უნდა მიედინებოდეს.

მოგვწონს „სახიობა“ და მიგვაჩნია, რომ „ერისიონის“ შემსრულებლობა დაუშვებელია? ან – პირიქით? ორივეს ფოლკლორულ ანსამბლად იხსენიებენ (რასაც არცერთი დათმობს), მაგრამ შევთანხმდეთ, რომ ერთი ეთნოგრაფიული მიმართულებისაა, ხოლო მეორე შოუ-კოლექტივია.

მოსწონს მავანს კენჭიაშვილის სიმღერები და უნდა მას მიბაძოს? დოლთან ერთად ტამტამის (ჯემბეს, დარბუკას) დაკვრა მიაჩნია საჭიროდ? ამისთვის ცალკე „ნომინაცია“ უნდა არსებობდეს და ეს არის „ეთნომუსიკა“. მე პირადად მომხრე ვარ იმისა, რომ სხვადასხვა ფოლკლორულ დათვალიერებებზე ასეთი ეთნოშემსრულებლები არ გამოდიოდნენ, სადაც წინდანი იციან, რომ მათ შენიშვნას მისცემენ არაფოლკლორული შემადგენლობისა თუ შესრულებისთვის. მათ ცალკე უნდა მიეცეთ შესაძლებლობა, შეუზღუდავად განაგრძონ ძიებები. რა ვუყოთ, რომ მათი ძიებები უმეტესად უგემოვნოა. ეტყობა, მათ რაღაც აფერხებთ, ან — მოტივაცია არ გააჩნიათ. ჩვენ ხომ ნიჭიერი ხალხი ვართ.

თვით აფრიკაში, სადაც ბევრგან დღესაც ადრეული ფოლკლორული სინკრეტიზმი სუფევს და ნაღდი ზეპირი ტრადიციის მუსიკა ჩქეფს, „მსოფლიო მუსიკის“ („World Music“), იგივე ეთნომუსიკის უამრავი ახალი სასცენო ჟანრიც ჩამოყალიბდა („რაი“, „ჩაბი“, „მარინგა“, „მორნა“, „მბუბე“ და ა.შ.), თავიანთი სასცენო ვარსკვლავებით. ამ მიმართულებაში მთავარია ეთნიკური მაიდენტიფიცირებელი ფაქტორები — მუსიკალური ენის ის თავისებურებები, რომელიც მსმენელს მიახვედრებს, თუ რომელ ხალხთან აქვს საქმე, ხოლო ის, თუ რომელი გავლენითაა იგი ჩამოყალიბებული — არაბული, ინდური, პორტუგალიური, მელანეზიური, კუბური, ჯაზის თუ ჰიპ-ჰოპის, ამას მეორადი მნიშვნელობა ენიჭება.

მაგრამ დავუბრუნდეთ ქართულ ფოლკლორულ მუსიკას. ისიც ეთნომუსიკას განეკუთვნება, მაგრამ ქართული ხალხური სიმღერა და დასაკრავი ტრადიციული ეთნიკური მუსიკაა (ასევე — საგალობელიც — ოლონდ, იგი მხოლოდ ნაწილობრივია ზეპირი ტრადიციისა), ხოლო ზემოთნახსენები „დოლ-ჯემბე“ — „პოპულარული ეთნომუსიკა“. ეს უკანასკნელი კი ფოლკლორის ვერაფერს დააკლებს, მთავარია ჩვენ არ „გავტეხოთ“ იგი შიგნიდან.

სხვებთან ერთად მეც ჩამიტარებია მასტერ-კლასი თბილისში თუ რეგიონებში მოქმედი ხალხური ან-სამბლებისთვის. ამ მხრივ აქტიურად მოღვაწეობს ფოლკლორის სახელმწიფო ცენტრი. ერთი შეხედვით, ცოცხალ ფოლკლორულ პროცესში ჩარევა კითხვებს

ბადებს, მაგრამ ჯერ ერთი, სასცენო კოლექტივებისთვის რეკომენდაციის მიცემა თავის სოციალურ გარემოში ავთენტურ შესრულებაში ჩარევისაგან განსხვავდება, მეორეც — თუ შემსრულებელი თავადაა მონდომებული, მიუახლოვდეს ხალხური სიმღერის წყაროს, დანაშაული არაა, მიუთითო, თუ როგორ მღეროდა მოცემულ სიმღერას მისი მამა-პაპა (პირადად მე, ძირითადად მიხდებოდა სოლისტებისთვის მეტი თავისუფლების მიცემა, შესაბამისი სიმღერების ორპირული შესრულების და ფრაზის უწყვეტად დაბოლოებაზე მითითება და სხვა). ამჯერად სხვა პრობლემაზე მინდა ყურადღების გამახვილება:

პოპულარობა, რომლითაც ქართული სიმღერა მსოფლიო მასშტაბით სარგებლობს, გარკვეულწილად მისი ერთგვარი „დაკონსერვების“ მიზეზი ხდება ხოლმე. ვგულისხმობთ სიმღერების ისეთი სასცენო ფორმების შემუშავებას, რომლებიც, წლების განმავლობაში, „სწორი ვარიანტების“ სახით აგრძელებენ ცხოვრებას. შეიძლება ითქვას, ასეთი „მონონებული ვარიანტი“ განსაკუთრებული ავტორიტეტით სარგებლობს და, შესაბამისად, ცვლილებას აღარ ექვემდებარება. აქ მხოლოდ შემსრულებელია და არა — კომპოზიტორი, ერთ პირში გაერთიანებული ცნობილი ხალხური ტრადისი — ავტორი-შემსრულებელი-მსმენელის საპირისპიროდ. არა მარტო ჩემი აზრით, დღეს ქართული სიმღერა უმეტესად ერთგვარი „გამუშებული“ ვარიანტებით სრულდება. შეიძლება ამ თემაზე დავა, მაგრამ, მე მგონია, ერთში კი მსმენელთაგან ყველა დაგვეთანხმება: ფოლკლორთან მიმართებაში ცნება „სწორი ვარიანტი“ საბოლოოდ უნდა დავივიწყოთ.

ჩვენი აზრით, მომწიფდა შემდეგი საკითხი: შესაძლოა თუ არა დღეს არა მარტო სასიმღერო ნიმუშის ვარიანტის გადმოცემა, არამედ უფრო შესაძინევი დამუშავება, ან — ახალი ნიმუშის შექმნა, რომელიც, შესაძლოა, შემდეგში ხალხური გახდეს?

შეგვიძლია, მრავალი ისეთი სიმღერა გავიხსენოთ, რომლის ავტორიც ვიცით და რომელიც დღეს ტიპურ ხალხურ სიმღერადაა ცნობილი („დილა“, „ადილა“, „წინ წყარო“, „მივალ გურიასი“). მაშასადამე, ადრე შესაძლებელი და საბოლოოდ გამართლებული ყოფილა სიმღერების დამუშავება თუ შექმნა. რატომ არ შეიძ-

ლება ეს დღეს? გასაგებია, რომ ამჟამად არ მოღვაწეობენ იმ დონის და იმდენი ლოტბარი, როგორც ადრე იყვნენ, თუმცა პირადად მე მიმაჩნია, რომ ჩვენ ირგვლივ არაერთი მაღალი დონის ლოტბარია. გარდაქმნა და ვარირება ერთია და შექმნა კი უფრო მეტ გაბედულებას მოითხოვს.

მთავარი ისაა, რომ შემოქმედებითი პროცესი დირექტიულად არ შეიზღუდოს. ვერ შეიქმნა სასურველი მხატვრული დონის ნაწარმოები? დღეს თუ არა ხვალ მაინც ხალხი უკუაგდება მას, ან თავისი ზოგადი გემოვნების მიხედვით გარდაქმნის. ამასთან, თუ ამგვარი გადამუშავების პროცესი ავტორის მიერ შემოიზღუდა საავტორო უფლებების დაცვის მიზეზით, მისი ნაწარმოები მით უმეტეს ვერ მიიკრავს „ხალხურის“ იარლიყს.

ფოლკლორულ ცხოვრებაში არის როგორც განვითარების, ასევე შენარჩუნების, დაცვის ვექტორი. უფრო მეტიც – ხშირად ნამდვილი ფოლკლორის ნიმუში სწორედ იმით შეიცნობა, რომ მისი შესრულები-სას ერთიდაიგივე მოტივი მრავალჯერ მეორდება – შემსრულებლის შემოქმედებითი მოლოდინი სრულიად კმაყოფილდება ამ განმეორებადი მოტივით, რაც ამ მოვლენის ფუნქციისადმი იდეალურ შესაბამისობას ადასტურებს. მაგრამ ზემოთქმული ეკუთვნის ძირითადად საკულტო-სარიტუალო ჟანრებს, რომელშიც ახლისადმი ტაბუს და რიტუალის წმინდად შენარჩუნების მოტივიც საკმაოდ მნიშვნელოვანია. მაგრამ ქართული სიმღერა კარგა ხანია აღარ თავსდება მხოლოდ რიტუალში, და ეს ფაქტი დღეს ყველასათვის საცნაურია.

ქართული ხალხური მუსიკის მიმართ შეხედულებებში სხვადასხვა ეპოქაში ერთი გამოკვეთილი მიმართულება ჭარბობს ხოლმე, და მას შემსრულებელთა და მსმენელთა უმრავლესობა ემხრობა. დღეს არსებული ამგვარი მიმართულება შეიძლება ითქვას, სათავეს იღებს ედიშერ გარაყანიძის „მითების“ მოღვაწეობიდან. შესრულების ავთენტიკური ფორმისა და მანერისადმი დაბრუნება, ცხადია, ჰაერივით საჭირო და პროგრესული ინიციატივა იყო, რაც კარგად შეიგრძნო სიხალასი-სადმი მიდრეკილმა ახალგაზრდულმა სულმა. მაგრამ დღეს მაინც, ვფიქრობ, კარგი იქნება, იგივე ახალგაზრდებმა გაიხედონ უფრო შორს, ვიდრე ძველი ჩანაწერების ასლის ახმოვანებაა სცენაზე. მართალია, ამგვარი

გაქლერება თითოეული ანსამბლის თავისებურ ინდივიდუალურ ინტერპრეტაციას გულისხმობს, მაგრამ ამგვარი შესრულება მაინც ინტერპრეტაციაა, ისევე როგორც პიანისტის მიერ ცნობილი კომპოზიტორის პიესის ახმიანება, და არა – თავად ავტორის მიერ ნაწარმოების ყოველ ჯერზე ხელახლა შექმნა. არადა, თავისი არსით სწორედ ესაა ფოლკლორი.

ვფიქრობ, გამოცდილების გარკვეულ დონეზე არ უნდა გვეშინოდეს იმის შეგნება, რომ ჩვენც ხალხის ნაწილი ვართ, ავად თუ კარგად – წინაპართა მემკვიდრე და ჩვენც გვაქვს უფლება ხალხური მუსიკის შექმნა-დამუშავებისა. ატროფირდა მრავალი სოციალური ჟანრი (შრომის, სარიტუალო)? მაგრამ დარჩა სხვა ჟანრები (სუფრული, საღალბო, მგზავრული). განაჩენს კი ისევ ხალხი – მსმენელი გამოვეიტანს – მიიღებს ან არ მიიღებს ჩვენს „ნაცოდვილარს“.

ცხადია, ძნელია, გაამართლო გუნდის ხელმძღვანელი, აქტიური შემოქმედებითი მიდგომა გამოამჟღავნოს იმ ჟანრის სიმღერებისადმი, რომლებიც დღეს უფუნქციოდაა დარჩენილი – შრომის, ამინდის მართვის, საკულტო-სადიდებლების და ა.შ. აშკარა სიახლე ამ მხრივ ყოვლად უადგილო იქნებოდა და ყველას მიერ არაადეკვატურად შეფასდებოდა.

ვინ ამბობს, რომ ხალხური სიმღერა ყველამ ტოტალურად უნდა „ავითაროს“? ეს ხელუწიფება მხოლოდ მას, ვისაც ხალხურ შემსრულებლობასთან მრავალი წლის ურთიერთობა აკავშირებს. ხალხური სიმღერის შემსრულებელი საფუძვლიანად უნდა შეიგრძნობდეს ქართული სიმღერის მელოდიკასა და ხმათა შეთანხმების ნორმებს; მუსიკალური დრამატურგიის ლოგიკას, მის არტიკულაციურ და სხვა სამემსრულებლო მეთოდებს.

მაგრამ რით შეგვიძლია დავიცვათ შემოქმედებითი კრახისაგან ხალხურ კომპოზიტორობის მოსურნე პირი? იქნებ მსმენელთათვის მკაფიოდ გაიმიჯნოს ტრადიციული და უწყვეტი განვითარების რომელიმე საფეხურზე დაფიქსირებული ნიმუშის ახალი ვარიანტი და ხალხური სტილით შემქნილი სრულიად ახალი სიმღერა? თუმცა, ყოველგვარი საავტორო უფლება ფოლკლორისთვის უცხოა. ჩვენი აზრით, ამ შემთხვევაში ყველაზე მართებული და ქმედითი იქნება მუსიკალური კრიტიკის



„ერისიონი“

გაძლიერება, რომელიც მხოლოდ ჟურნალ „მუსიკის“ გვერდებზე ამოიკითხება, ისიც შესაბამისი რეგულარობით.

ამჯერად ცალკეულ სტილისტურ საკითხზე გამოვხატავ ჩემს პოზიციას:

ახლო წარსულში არაერთი ისეთი სიმღერა შექმნილა, რომელიც ხალხმა გაითავისა, მაგრამ რომელიც საბჭოურ პერიოდში დამკვიდრებული სტილისტიკითაა გაჟღერებული და მისი რომელიმე ხალხური დიალექტისადმი კუთვნილება ჭირს. უნდა ვაღიაროთ, რომ ეს მიმართულება არა ძველი, დიალექტური მახასიათებლით განსაზღვრული მოვლენაა, არამედ ქართული ხალხური სიმღერის სტილურად ახალი შენაკადია, მსგავსად უკვე აღიარებული „ქალაქური სიმღერის“ სტილისა. მის მიმართულებას უნდა მოექცნოს სახელი და კარგია, თუ მათ შორის მხატვრული ღირსებებით გამორჩეულ ნიმუშებს ახალ სიცოცხლეს შევძენთ.

აქვე ისიც უნდა ითქვას, რომ ქალაქური სიმღერა დღეს კვლავ „გერის“ პატივით სარგებლობს. ბევრისთვის „ქალაქური“ და „ფოლკლორი“ შეუთავსებელი ცნებებია. არადა მსმენელთაგან შეიძლება ბევრს ეც-

ნოს შემდეგი სიტუაცია: სუფრაზე მღერიან სოფლურ ხალხურ სიმღერებს, მაგრამ რომ შეზარხოშდებიან, გლეხურს ქალაქური რეპერტუარი ცვლის და მას ხშირად უფრო მეტი ვატყუებთაც მიეცემიან ხოლმე.

თუ დღევანდელ პრაქტიკაში რომელიმე ნიმუში ფუნქციის შეუსაბამოდ სრულდება, ჩემი აზრით, საგნებით ბუნებრივ საქციელად უნდა ჩაითვალოს ამ ნიმუშის წარმოდგენა იმ სახით, რა სახითაც ამ ნიმუშის ბოგადი ჟანრი მოითხოვს. მაგალითად, ცნობილია, რომ მეგრულ საჩონგურო „ნანას“, რომელსაც „სისა ტურა“ მოჰყვება, მღერიან მამაკაცები (ჩიჯავაძის ზუგდიდის ექსპედიციაში და აფშილავების გვარში), თუმცა ცხადია, რომ თავად სიმღერის პროტოტიპი ქალთა რეპერტუარის კუთვნილება იყო. ასეთივე ბედი აქვს მეგრულ ფოლკლორში „ეუკუნათ კაკუტებს“, „სი ქოულ, ბატას“, და სხვა. ხოლო როდესაც ქალი მომღერლები ქალსვე უმღერიან სატრფიალო ტექსტს (მაგ. „შატილის ასულო“), ცხადია, გარკვეული დოზით უხერხულობის განცდა ჩნდება. ცხადია, უკვე შეჩვეულ რეპერტუარს ვერავინ ვერავის წაართმევს, თუმცა, ჩემი აზრით, ამ სიმღერათა ძველ „პატრონთაც“ უნდა მიეცეთ მისი შეს-

რულების შესაძლებლობა.

ასევე შესაძლებლად მიგვაჩნია ნიმუშის იმდაგვარად წარმოდგენა, რა მაგალითებიც უკვე გვხვდება ავთენტიკური ხალხური შემოქმედების ამჟამინდელ პრაქტიკაში. მაგალითად, იგივე მეგრული „ია პატნეფის“ ვერსია ჩანერილია ჩონგურის თანხლების გარეშე. მაგრამ მის გვერდით სრულდება ბატონების სხვა სიმღერა (იგივე – გურული „საბოდიშო“), რომელსაც ჩონგურის თანხლება ახლავს. ფუნქციურად ჟანრულ დარღვევას ჩვენ ვერ ვხედავთ იმაში, რომ „ია პატნეფიც“ ჩონგურის თანხლებით შესრულდეს. თან ვიცით, თუ რაოდენ დიდი როლი ენიჭებოდა საკრავს და კერძოდ, სიმებიანს, ბატონების „დასაშოშმინებლად“.

ცალკე უნდა აღინიშნოს ერთხმიანი სიმღერისათვის ხმების მიმატების პრაქტიკა. მით უმეტეს, რომ საქმე გვაქვს საღალღობო, იუმორით გაჯენილ სიმღერასთან და არა – სარიტუალო ფუნქციით განსაზღვრულ ჟანრთან. ერთხმიანი სიმღერების გასამხიანების თვალსაჩინო ნიმუშებად შეგვიძლია მოვიყვანოთ თუშური სიმღერების გასამხიანების პრაქტიკა, ვ. მაღრაძის და შ. ალთუნაშვილის მიერ მესხური სიმღერების აღდგენის ცდა და ანსამბლ „თუთარჩელას“ მიერ ლაზური სიმღერების გასამხიანების გამოცდილება (ცხადია, მეტ-ნაკლები წარმატებით). არ არის აუცილებელი, ამ მცდელობებს მიეცეს რეკონსტრუქციის კვალიფიკაცია. აქ დავა, ჩვენი აზრით, უნდა წარიმართოს იმ თემაზე, თუ რამდენად შენარჩუნებულია ამგვარ შედეგში დედნის, მუსიკალური დიალექტის სტილი.

შედარებით მიღებულ პრაქტიკად უნდა ჩაითვალოს დღეს სიმღერისადმი სიტყვიერი ტექსტის ნაწილობრივი ან მთლიანი შეცვლა. მიუხედავად ამისა, მაინც დავაფიქსირებთ ჩვენს მოსაზრებას ამგვარი აქტის შესახებ: ქართული ხალხური სიმღერის რომელიმე ერთი ჟანრის ფარგლებში შესაძლებელია ვერბალური სამოსის სხვადასხვა ვარიაცია, თუნდაც ეს რიტუალური ჟანრი იყოს. ხოლო მიუსადაგებელი (რომელიმე რიტუალთან კავშირის არმქონე) სიმღერები ის არეალია, რომელიც სიტყვიერი ტექსტის არანორმატულ გამოყენებას მით უფრო ითვალისწინებს. ქართული სიმღერა მაშინაც „შედგება“, თუ მისი ნამომწყები, თუნდაც ცუდი მესხერების გამო, მას სრულიად ახალ სიტყვებზე გაამღე-

რებს. შესაძლოა, აქ მსმენელს გაუჩნდეს კითხვა „ჩაკრულოს“ შესრულების „რუსთავისეულ“ ახალ ვერსიაზე. ეს „ექსპერიმენტი“ ჩვენთვის სრულიად მისაღებია, თუ არ გავითვალისწინებთ ტექსტში არსებულ ზოგიერთ ორაზროვან ფრაზას.

ზოგადად, სიმღერის ახალი ვერსიის მღერა არ ნიშნავს ძველების უარყოფას. ხოლო თუ მოცემული დროის მონაკვეთში რომელი მიმდინარეობა და შემსრულებელია პოპულარული, ამას ხალხი წყვეტს. ერთი კია – ჩვენ, მუსიკოსებს, ძალგვიძს გემოვნებითი ორიენტირების ჩამოყალიბებაში გარკვეული როლი შევასრულოთ. მოსწონს ხალხს ფსევდომთიულური სიმღერები? ეს კანონზომიერი პროცესია. ბუნება ვერ ითმენს სივარდილეს. ჩვენ დიდი ხნის განმავლობაში არ მივესალმებოდით ეთნომუსიკალურ ცდებს; ვცდილობდით, შეგვენარჩუნებინა ავთენტიკური ფოლკლორული უბინოება; მიუღებლად მივიჩნევდით ბასფანდურის იაფფასიან ტონიკა-დომინანტას. მაგრამ სხვა რამ უკეთესიც არ წავგვიხალისებია.

განვითარება ბუნებრივი პროცესია. უნდა გამოვტყუდეთ, უკვე იღვევს ისეთი სიმღერები, რომელიც ჯერ არ გაჯერებულია. ხშირ შემთხვევაში ჩვენ მეორე, მესამე, მეოთხე წრეზე მივდივართ და ხშირად იგივე წერტილს ვუბრუნდებით. არადა, როგორც მინიმუმი, საჭიროა „სპირალურად აღმასვლა“. ჩვენი თვალთახედვა ყერდნობა იმ პლატფორმას, რომლის მიხედვითაც შესაძლებელია, ქართულმა ხალხურმა სიმღერამ განაგრძოს ბუნებრივი სტილისტური განვითარება, რაც ისევ და ისევ ტრადიციიდან საზრდოობას ვულისხმობს. რ. ნურნუმიას სიტყვებით: „ჯერ მაინც ნაადრევია ხალხურ სიმღერას სამუზეუმო ექსპონატივით წავანეროთ – „ხელს ნუ ახლებთ!“

მიუხედავად ჟანრული უნიფიცირებისა და ნიველირებისა, ქართულმა მუსიკალურმა ფოლკლორმა უნდა შეინარჩუნოს ტრადიციული ნაკადი, ხოლო მისი ბუნებრივად ნაჩენი ახალი განტოტებები არ უნდა მოიკვეთოს, როგორც „არასწორი“, არამედ ქართული ფოლკლორული კულტურის ღირებულ მოვლენად უნდა ჩაითვალოს.



მ. დუმიტი, რ. ჯანდიერი, ჯ. ბალანჩივაძე

მოგონებები ჯარჯი ბალანჩივაძეზე

2011 წლის 2 ივნისს გარდაიცვალა დიდი მუსიკოსი — პიანისტი, კომპოზიტორი, მხატვარი — ჯარჯი ბალანჩივაძე. ჩვენს შორის აღარ არის დიდი პიროვნება. იგი ეკუთვნის ბალანჩივაძეების გვარს, რომელმაც მოგვცა ისეთი პიროვნებები, როგორებიც არიან: კომპოზიტორები მელიტონ და ანდრია ბალანჩივაძეები, ამერიკული ბალეტის ფუძემდებელი — ჯორჯ ბალანჩინი, მისი და თამარ ბალანჩივაძე — მხატვარი, — გიგო გაბაშვილის მონაფე, სამხატვრო აკადემიის პედაგოგი; ბალეტის მოცეკვავე — ცისკარი ბალანჩივაძე; ფიზიკოსი და ნიჭიერი მხატვარი — ამირან ბალანჩივაძე, რომელსაც ჰქონდა კარგი ხმა და მონაწილეობას იღებდა ჯარჯის კონცერტებში. ჯარჯის დედა — ქალბატონი პანა —

არაჩვეულებრივად კეთილი, გულისხმიერი ადამიანი, ნიჭიერი მხატვარი გახლდათ. ქალბატონი პანა და ამირანი ხშირად მონაწილეობდნენ ჯარჯის გამოფენებში.

პირველად ჯარჯის შესრულებით მოვისმინე სენსანსის №2 საფორტეპიანო კონცერტი სიმფონიურ ორკესტრთან ერთად, კონსერვატორიის დიდ დარბაზში. იგი მაშინ სწავლობდა „ნიჭიერთა ათწლეულში“ თ. ჩარეჩიშვილის კლასში. მეც იმ კონცერტში ვმონაწილეობდი, ვასრულებდი ჰ.ვენიავსკის №2 სავიოლინო კონცერტს. უკვე მაშინ ჩემზე დიდი შთაბეჭდილება დასტოვა მისმა გამორჩეულმა შესრულებამ. 1960 წ. ქ. ბაქოში მიმდინარეობდა ამიერკავკასიის მუსიკოს-შემსრულებელთა I კონკურსი, სადაც ორივენი გავხდით ლაურე-



ჩ. ბალანჩინაძე

ატები. გავიდა წლები, ორივემ დავამთავრეთ კონსერვატორია, ჯარჯიმ მოსკოვის (ლ. ობორინის კლ.) მე – თბილისის. თბილისში დაბრუნების შემდეგ ჯარჯი გამოდიოდა, როგორც სოლო, აგრეთვე სიმფონიური კონცერტებით. 1970 წ. კონსერვატორიის დიდ დარბაზში შევასრულეთ ბრამსის №1 სონატა, ჰენდელის №4 სონატა და ვაგნერის „ნოქტურნი“ ოპ-იდან „მაისტერ ბინგერები“, რომელიც ჯარჯიმ თვითონ გადააკეთა ვიოლინოს და ფორტეპიანოსათვის, II განყოფილებაში ჯარჯი წარსდგა სოლო პროგრამით, მან შეასრულა შოპენის, შუმანის, სკრიაბინის, ბრამსის და მესიანის ნაწარმოებები, რომლებმაც წარუშლელი შთაბეჭდილება მოახდინა მსმენელზე. აი რას წერს ეროვნული გმირი, მუსიკისმცოდნე მერაბ კოსტავა ჟურნალ „საბჭოთა ხელოვნების“ 1971 წლის მე-6 ნომერში: „ბალანჩინაძე, პიანისტ შემსრულებელთა იმ უმცირესობას ეკუთვნის, რომლებიც დიდ კომპოზიტორთა მიერ სანოტო ქართაზე

ალბეცდელ ქმნილებებს დაუმთავრებელი ნაწარმოებებით უყურებენ და ფიქრობენ, რომ მხოლოდ შემსრულებელთა უნდა მიიყვანოს ისინი ბოლომდე“. „სწორედ, რომ დიდი პიანისტი შეიძლება იყოს კომპოზიტორსა და მსმენელთა შორის ინტიმური ძაფების გზებით გაბმული და იმ მუზის გამცხადებელი, კომპოზიტორს რომ შესჩენია მფარველ გენიად. გარდასახვის ასეთი მაგიური ოპერაცია შემსრულებელთა მხოლოდ რჩეულ ნაწილს ხელენიფება. ბალანჩინაძე თითქმის მისულია ამ ეტაპის კარიბჭეებთან. მას უდავოდ გააჩნია შემოქმედი გულთამბილველის ის მადლი, დიდ კომპოზიტორთა სულის ლაბირინთებს რომ ეთამაშება“.

„შოპენი ბალანჩინაძის ყველაზე მახლობელი კომპოზიტორია. შოპენი ბევროვნული მოვლენა, სლაგური მასალა ფრანგული ფილიგრანობით დამუშავებული და გერმანული მეობით შეკრული, შოპენი – რომანული ბელ-კანტოს ეკვივალენტი ფორტეპიანოზე. პიანისტმა ბრწყინვალედ გახსნა ამ კომპოზიტორის სულის საიდუმლო, რომელთა სრული ზიარება მხოლოდ შემსრულებელთა უმცირესობას შეუძლია. მთელი კონცერტის კულმინაციას წარმოადგენდა შოპენის „ნანა“. ბალანჩინაძის მიერ ამ გენიალური ქმნილების შესრულება შეიძლება ითქვას მთელი მოვლენაა ქართული პიანიზმის ისტორიაში. ეს იყო შესრულება, რომლის მსგავსს იშვიათად მოისმენ და რომელიც სამუდამოდ იბეჭდება მეხსიერებაში. ეს იყო ღვთაებრივი ბალის აკვანთან დარწმუნული ანგელოსთა ნანა, უბინოება ბეთლემისა, უხილავი შეხება, ბგერათა სრული დემატერიალიზაცია (ასეთის კდემით რაფაელის ფუნჯი თუ ეხებოდა ალბათ ტილოებს, როდესაც იგი მადონას ხატავდა).“

სახლში მე და ჯარჯი ბევრს ვმუზიკირებდით, ვუკრავდით ბახის, მოცარტის, ბეთჰოვენის, ბრამსის, გრიგის, შტრაუსის სონატებს. მან გადაწყვიტა შეექმნა პატარა ანსამბლი, მე – I ვიოლინო, II ვიოლინო – ვანო ჯავახიშვილი – დიდი ივანეს შვილიშვილი, ალტი – ირაკლი გოგიბედაშვილი, ჩელო – რეზო მაჩაბელი, კონტრაბასი – მერაბ ლორია. ვმუცადინეობდით მთანმინდაზე ჩემს ბინაში. ერთხელ, კარის მეზობელი გაბრაზებული გამოვარდა და მოგვაძახა: „Закрою вашу филармонию“. შემდეგ შემოგვიერთდა ვიოლონი-

ლისტი ზურაბ დუნიძე. მეცადინეობის პროცესი იყო ძალიან საინტერესო. ყველანი ვგრძობდით, რომ ჯარჯი იყო არა როგორც ერთ-ერთი შემსრულებელი, არამედ ჩვენი მუსიკალური წინამძღოლი. შემოგვიერთდა მკო თომაძე – ულამაზესი ტემბრის მომღერალი. მისი პირველი გამობრწყინება დაკავშირებულია ჩვენს ანსამბლ „კამერულ მუსიკასთან“. დაუვინყარია მისი შესრულებით ბრამსის სიმღერა „მარტოობა მინდვრად“ (ჯარჯის გაორკესტრებული). შემდეგი თამამი სიტყვა ანსამბლ „კამერული მუსიკისა“ არის მოცარტის გენიალური ოპერა „დონ-ჟუანი“, რომელიც წარმატებით შესრულდა 1974 წლის 24 მარტს კონსერვატორიის დიდ დარბაზში. თქვენ წარმოიდგინეთ, რომ ორკესტრის პარტიას ასრულებდა მხოლოდ 12 შემსრულებელი-მუსიკოსი. საკვირველი იყო პარტიტურის ისე განაწილება ამ 12 შემსრულებელზე, რომ ერთი ხმაც არ იყო დაკარგული. დირიჟორი ჯანსუღ კახიძე ესწრებოდა ამ საღამოს და ისიც გაოცებული დარჩენილა. ოპერა შესრულდა უდირიჟოროდ – ჯარჯის საფორტეპიანო თანხლებით. შემსრულებლები: დონ ჟუანი – ლერი ჯაფარიძე, დონა ანა – მკო თომაძე, დონ ოტავიო – მარლენ ადამაძე, დონა ელვირა – ნატალია კუბტენკო-ჩაგანავა, ცერლინა – ლიანა კალმახელიძე, მამეტო – ტარიელ ჭიჭინაძე, ლეპორელი – ამირან ბალანჩივაძე, კომანდორი – ალექსანდრე გალიმბიოვსკი. I ვიოლინო – როდამ ჯანდიერი, II – მიშა დავარაშვილი, III – ვანო ჯავახიშვილი, ალტი – ირაკლი გოგიბედაშვილი, ჩელო – რეზო მაჩაბელი, კონტრაბასი – მერაბ ლორია, ფლეიტა – ერვანდ პეტროსიანი, ჰობოი – გიორგი ბერიძე, კლარნეტი – ბადურ დიაკვნიშვილი, ფაგოტი – ზურაბ ალავიძე, ვალტორნა – ბორის მუქერია. აი, რას წერდა ერთ-ერთ გაზეთში მუსიკისმკოდნე მირა ფიჩხაძე „დონ ჟუანის“ შესახებ: «Молодежь вдохнула в исполнение ту порывистость, романтичность, которая превратила этот вечер в радостный праздник, доставивший многочисленному слушателю по-настоящему большое наслаждение. Опустив лишь несколько незначительных речитативных эпизодов Дж. Баланчивадзе сумел сохранить в «Дон Жуане» внутреннее единство, цельность и сквозное развитие действия. Моцартовская

опера в концертном исполнении не потеряла силы воздействия на слушателя».

«Большой вдохновенный труд затрачен на воплощение «Дон Жуана». Вдохновитель ансамбля Дж. Баланчивадзе – вдохновитель интересных начинаний в этом коллективе».

არ შემიძლია არ გავიხსენო ი.ს. ბახის ბრანდენბურგის კონცერტი №5, რომელიც შევასრულეთ ფილარმონიის დარბაზში. ფლეიტის პარტიას ასრულებდა ნუგზარ კიკნაძე. დაუვინყარია ჩვენი ანსამბლის შესრულებით ბრამსისა და შუმანის საფორტეპიანო კვინტეტები, შუბერტის ტრიო, სადაც ვიოლინოს პარტიას ასრულებდა ლევან ჩხეიძე.

ჰუმელის საფორტეპიანო კვინტეტი და ბეთჰოვენის საფორტეპიანო კვარტეტი პირველად შესრულდა თბილისში ჩვენი ანსამბლის მიერ. შუმანის საფორტეპიანო კვინტეტი ბევრჯერ მომისმენია, მაგრამ შეიძლება თამამად ითქვას, რომ ეს შესრულება იყო გამორჩეული. ასევე წარმატებით შევასრულეთ შუბერტის საფორტეპიანო კვინტეტი „კალმახი“, რომელიც ჩავწერეთ რადიოსტუდიაში. მნიშვნელოვანია ო. მესიანის საფორტეპიანო კვარტეტი „სამყაროს დასასრული“ (ფორტეპიანო, ვიოლინო, კლარნეტი, ჩელო), შემსრულებლები: ჯ. ბალანჩივაძე, რ. ჯანდიერი, ბ. დიაკვნიშვილი, რ. მაჩაბელი. ეს ნოტები ჯარჯის აჩუქა ცნობილმა პიანისტმა მარია იუდინამ, ამ ნაწარმოების პირველმა შემსრულებელმა (ჯარჯის პედაგოგი კამერულ ანსამბლში). ნაწარმოები შევასრულეთ ფერადი განათებით, შემდეგი ჩვენი ნამუშევარი იყო ა. შონბერგის „მთვარის პიერო“. მონაწილეები: ნატალია ჩაგანავა, გიორგი გაჩეჩილაძე და ჩვენი ანსამბლი. მხატვრული გაფორმება ეკუთვნოდა უნიჭიერეს მხატვარს – ირაკლი ფარჯიანს. იგი ხშირად ესწრებოდა ჩვენს რეპეტიციებს და ჩანახატებს აკეთებდა. ჩვენ ვმეცადინეობდით დიდი ენთუზიაზმით და შედეგიც სასიხარულო იყო.

არ შეიძლება დავინწყებას მიეცეს ბეთჰოვენის ოპერა „ფიდელიო“ – I შესრულება თბილისში. ეს იყო გმირობის ტოლფასი – ურთულესი ოპერის შესრულება. ლეონორა – ლამარა კვირიკაძე, ფლორესტანი – მარლენ ადამაძე, მარსელინა – ნატალია ჩაგანავა, ჯოაკინო – გონა ბეჟუაშვილი, აგრეთვე მონაწილეობდნენ:

დ. ბატიაშვილი, ნ. ნადიბაიძე, მ. პოჭიადავი, გუნდის დირიჟორი — ლიანა ლომიაშვილი.

1981 წელს რუსთაველის საკონცერტო დარბაზში შევასრულეთ მოცარტის „რეკვიემი“. სოლისტები — ნატალია ჩაგანავა, მანანა ევაძე. მხატვრული გაფორმება ეკუთვნოდათ: ი. ფარჯიანს, გ. ბულაძეს და ა. კაკაბაძეს, რომლებიც შემდეგშიც ნაყოფიერად თანამშრომლობდნენ ანსამბლთან. მოცარტის „რეკვიემი“ შესრულდა აგრეთვე ჯ.კახიძის დარბაზში, შემსრულებლები: მ. მაღლაფერიძე, მ. ევაძე, თ. ცერიაშვილი, ლ. ჯაფარიძე. ჩვენმა ანსამბლმა შესრულა გლეუკის ოპერა „ორფეოსი“. ორფეოსის პარტიას ასრულებდა გ. ჭყონია, ცნობილი მომღერლის, ლამარა ჭყონიას ძმა, ევრიდიკა — თ. გვერდნითელი. ცნობილი რეჟისორის — დიმიტრი ალექსიძის ხელმძღვანელობით მოხდა ამ ოპერის გამოტანა სცენაზე. მუსიკისმკოდნე მ. ფიჩხაძე ერთ-ერთ სტატიამი წერდა: „ამ კოლექტივში გზიბლავთ არამარტო მაღალი პროფესიული დონე, უპირველეს ყოვლისა ყურადსაღებია მისი შემოქმედებითი პოზიცია — სწრაფვა „სინთეზურობისაკენ“ (ჯარჯის იდეა იყო, რომ შეექმნა კამერულ-მუსიკალური დრამატული თეატრი).

ბოლო სპექტაკლში — „ორფეოსი“ — კოლექტივი განსაკუთრებით მიუახლოვდა დიდი ხნის ჩანაფიქრს და ძირითად მიზანს — გამოიკვეთა მომავალი თეატრალური წარმოდგენების კონტურები, რომელშიც ჰარმონიულ მთლიანობაში უნდა შერწყმულიყო ერთმანეთთან მუსიკა, პოეზია, პანტომიმა, ფერწერა, დრამატული მოქმედება, ცეკვა; აქვე გამოვლინდა ანსამბლის მეორე დამახასიათებელი თვისება: სტილის სინმინდე, მუსიკალური პარტიისადმი უაღრესად ფაქიზი დამოკიდებულება, კომპოზიტორის ჩანაფიქრის ზუსტი ასახვა.

შესაშურია, იყო კოლექტივის ენთუზიაზმი — რთულ, ხშირად არახელსაყრელ პირობებში უხედებოდათ მუშაობა. ყოველი მუსიკოსი აქ ნამდვილი ოსტატი იყო — ისინიც, ვინც თავისი შემოქმედებითი ცხოვრება ამ ანსამბლს დაუკავშირა დღიდან მისი დაარსებისა და, ისინიც, ვინც არცთუ დიდი ხნის მისულები იყვნენ. სამაგალითოა ამ კოლექტივის უცვლელი ხელმძღვანელის — ფაქიზი და ღრმა მუსიკოსის ჯარჯი ბალაჩივაძის უნარი — გადაელახა ბევრი წინააღმდეგობა და თავდავინყებით ემსახურა მაღალი ხელოვნებისათვის. სხვადასხვა

დროს ანსამბლში მონაწილეობდნენ მევიოლინეები: გ. და ნ. მელიქიშვილები, ბ. კონიაევი. ს. დეტისოვი, თ. ფარესიშვილი. ლ. მელიქიანი. მ. ჯანჯალია, ნ.ციტაიშვილი, ქ.არსენიშვილი, ლ.ჩიხლაძე, დ.მაგრაქველიძე, ნ.მდინარაძე, თ.ჩიქობავა, ა.ჭიპაშვილი. ა.ბალანჩივაძე. ალტისტები: გ.გახოკიძე, ს.ჯორჯაძე, ა.ახვლედიანი. ჩელისტები: ი. სულთანაშვილი. ჩასაბერები: ე.ოსიძე, ქ.შანიძე, მ.ჟვანია, თ.მიქაბერიძე, დ.ჯიშკარიანი. ა.ტახმანოვი, გ. ქობულაშვილი, ზ. ციტაიშვილი, ბ. დიაკვიშვილი, ბ. მუქერია. ვოკალისტები: მ. ბუდალაშვილი, ს. ალექიანი, ნ. შანავა, რ. ლავგილავა, მარიანოვსკაია, ხატიაშვილი, თ.მილკო, ლ.ჩაგანავა, თავაძე, გოგუა.

გასული საუკუნის 70-იანი წლების დასაწყისში, საქართველოს კომპოზიტორთა კავშირში ტარდებოდა დახურული კონკურსი, სადაც მონაწილეობა მიიღო ჯარჯიმ და მისმა ნაწარმოებმა „ტრიადა“ ვიოლინოსა და ფორტეპიანოსათვის, რომელიც კომპოზიტორთა კავშირის ყრილობაზე შევასრულეთ კონსერვატორიის დიდ დარბაზში, | პრემია დაიმსახურა. მეორე კონკურსზეც | პრემია მიიღო მცირე ფორმის სიმფონიურ ნაწარმოებში „ძეგლი“. დაწერილი აქვს 2 სიმფონია, საფორტეპიანო ტრიო, ნაწარმოებები ფორტეპიანოსათვის, ჩელოსთვის, ვიოლინოსათვის და სხვა. მართლაც გამართლდა წინასწარმეტყველება ცნობილი პიანისტის — მარია იუდინასი, რომელიც დიდ იმედებს ამყარებდა მასზე, როგორც კომპოზიტორზე.

ფურცლიდან კითხულობდა საოცრად, თანაც ისე, რომ ნაწარმოებს წარმოაჩენდა სრულყოფილად. მის შესრულებაში იგრძნობოდა განუმეორებელი ინდივიდუალობა. არასოდეს არ ბაძავდა არავის, მას თავისი ხედვა ჰქონდა. პიროვნულად იყო საინტერესო ადამიანი. მისი ინტერესები მრავალმხრივი იყო. მიუხედავად იმისა, რომ ყველაფერს დიდი სერიოზულობით უდგებოდა, იცოდა ხუმრობაც და იყო ძალიან გონებადამხვილი. იყო ძალიან კეთილი და უყვარდა საჩუქრების გაკეთება. ცოტა ხანს მუშაობდა პედაგოგად კონსერვატორიაში. გაიარა კონკურსი, ჩაატარა არაჩვეულებრივად საინტერესო გაკვეთილი, ჰქონდა ფართო დიაპაზონის ცოდნა, მაგრამ მას პედაგოგიური მოღვაწეობა არ იზიდავდა და სულ ცოტა ხანში დაემშვიდობა კონსერვატორიას. ჩემს მესხიერებაში ჩაიბეჭდა მისი



X. ბალანჩივაძე ოჯახთან ერთად

შესრულებით ბრამსისა და ჩაიკოვსკის კონცერტები. ჯარჯისათვის მახლობელი იყო შოპენი, გარეგნულადაც გვაგონებდა მას. დაუეინყარია რამოდენიმე წლის წინ, კონსერვატორიის დიდ დარბაზში გამართული სოლო კონცერტი, რომელმაც გამახსენა და, არა მარტო მე, დიდი შემსრულებელი ვ. ჰოროვიცი. თავისი მამის — ანდრია ბალანჩივაძის ნაწარმოებების უბადლო შემსრულებელი იყო. ერთ-ერთი სოლო კონცერტის შესახებ მუსიკისმცოდნე ვულბათ ტორაძე წერდა:

«.....самобытность творческого почерка, неординарность интерпретации, порой быть может спорных, но всегда интересных, отличающихся оригинальностью замыслов и их воплощения ...»

Любимыми авторами пианиста являются Шопен и Скрябин. Исполнение произведений Скрябина грузинским музыкантом можно назвать образцовым. Музыка великого композитора, как никакая другая, близка творческой индивидуальности и особенностям мастерства Дж. Баланчивадзе, таким как вдохновенная поэтичность,

«полетность» мысли, богатство и красочность звуковой палитры».

ამ კონცერტზე შესრულებული იყო შემსრულებლის საკუთარი ნაწარმოები „ნოველა“:

«Концерт Джарджи Баланчивадзе дал возможность слушателям еще раз соприкоснуться с творчеством профессионала высокой марки, оригинального художника, исполнение которого всегда дарит яркие запоминающиеся впечатления».

ასე ამთავრებს გ. ტორაძე თავის რეცენზიას ჯარჯი ბალანჩივაძის შესახებ.

ანსამბლი მართავდა კონცერტებს საქართველოს სხვადასხვა ქალაქებში. ალმა-ატაში შეასრულა ა. ბალანჩივაძის „ტყის სიმფონია“.

90-იან წლებში ჯარჯიმ ჩაატარა კონცერტები ანსამბლთან ერთად: უნგრეთში, იტალიაში, ჰოლანდიაში, 1998 წ. გერმანიაში. აი, რას წერს გერმანული პრესის მისი კონცერტების შესახებ: „როგორც კი კლავიშებს ეხება, წარმოიქმნება ბგერების სამყარო საყვე მომხიბ-

ვლელობით და ექსპრესიით.“

რეცენზენტი პიანისტს ჯადოქარს ადარებს — „იგი თავისებურად წარმართავს შინაგან მონოლოგს, რომელიც გამომდინარეობს მელოდიიდან.“

„ჩვენს წინაშე ბალანჩივაძე წარმოდგა, როგორც ფორტეპიანოს ინტერნაციონალური მიმართულების ვირტუოზი. მის დაკვრაში შეიძლება დავინახოთ განსხვავება რაფინირებულსა და ახალგაზრდულ ბუნებრივ ნიჭიერებას შორის. განსაკვიფრებელი ტექნიკითა და დიდი მუსიკალობით და თავისებური ინტერპრეტაციით მოქმედებს ადამიანის სულზე. განსაკუთრებული ოსტატობით ბალანჩივაძე გადმოსცემს ლისტის ნაწარმოებებს. ლისტი, რომელიც თავის დროზე ფორტეპიანოს გამოჩენილი ვირტუოზი იყო, კმაყოფილი იქნებოდა ასეთი შესრულებით. შოპენის ბოლო ორ ნაწარმოებში მუსიკოსმა მიაღწია სრულ ჟღერადობას, მღერადი, მელოდიური თემები იცვლებოდა მარგალიტისებური ბგერებით, დრამატული აფეთქებით, სულ უფრო ძლიერად ჟღერადი აკორდების სვლებით. მუსორგსკის ნაწარმოებში განსაკუთრებული რუსული სტილი და უკიდურესად ექსპრესიული შესრულებაა (ლაპარაკია მუსორგსკის ციკლზე „სურათები გამოფენიდან“). გატყდილ დარბაზში მსმენელი მადლიერების გრძობით, შეძახილებით „ბრავო“ დიდხანს უკრავდა ტაშს“. რეცენზენტი აღნიშნავს: „არავითარი ხელოვნურობა, არაბუნებურობა. მოკრძალება ნაწარმოებების მიმართ წარმოადგენს ჯარჯი ბალანჩივაძის ძლიერებას...“ „ქართველმა პიანისტმა ხელი შეუწყო მსმენელს შექმნოდა წარმოდგენა მისი ქვეყნის — კავკასიის მაღალ სულიერ კულტურაზე.“

1988 წლიდან ორკესტრთან ერთად თანამშრომლობდა გერმანულ თეატრთან იბსენის დრამებზე, „პერგიუნტი“, „მოჩვენებანი“, „როცა ჩვენ მკვდრები ვიღვიძებთ“, რომლისთვისაც შექმნა მუსიკა. ამ თეატრთან ერთად იმოგზაურეს უნგრეთში, ჰოლანდიაში, საფრანგეთში, იტალიაში. ჰერმან ვედეკინდის მიწვევით მიიღეს მონაწილეობა „ბალვეს“ სახელგანთქმულ ფესტივალებში. ანსამბლის კონცერტების შემდეგ გერმანულ მეგობართა წრემ 9 აპრილის მონაწილეთა დასახმარებლად 40 000 მარკის ღირებულების ნამუები გამოგზავნა, ხოლო ნაწილი მონამღვლეებისა წაიყვა-

ნეს სამკურნალოდ გერმანიაში. აფიშებში ჯარჯის ორკესტრი მოიხსენიება “Erste private Orchestra“.

ბელა ბარტოკის სახლ-მუზეუმში, სადაც ჯარჯიმ ლისტის ნაწარმოებები შესარულა, მას საზეიმო ვითარებაში გადაეცა ლისტის მედალი.

იგი იყო გერმანიის ქალაქ რადეფოლვარდის საპატიო მოქალაქე.

თბილისში ჯარჯის ჰქონდა თავისი დარბაზი, სადაც ხშირად მართავდა კონცერტებს. ასრულებდა როგორც საკუთარ, ასევე სხვადასხვა კომპოზიტორების ნაწარმოებებს. გარდაცვალებამდე ერთი წლით ადრე კონსერვატორიის მცირე დარბაზში ჯარჯიმ, მშვენიერმა ვიოლონჩელისტმა ზურაბ დუჩიძემ და მე შევასრულეთ შოპენის ტრიო. ეს იყო ჩვენი უკანასკნელი კონცერტი. კონცერტის შემდეგ წავედით ჩვენს სახლში, ჯარჯის მეუღლე ქეთინო, ცისკარი, ზურაბ დუჩიძე და საერთო მეგობრები მივუსხედით ტკბილ სუფრას, ჯარჯი კი მიუჯდა ინსტრუმენტს და დაიწყო დაკვრა. უკრავდა დიდი გატაცებით შოპენს, სკრიაბინს. მას ძალიან უყვარდა შინაურ გარემოში დაკვრა.

„კონცერტი“ გვიან ღამემდე გაგრძელდა. დიდი გულისტკივილით ვიხსენებ ერთი გამორჩეული ქართველის სიტყვებს: „ქართველებმა კარგი დასაფლავება ვიცით.“

ერთხელ, როდესაც ვუთხარი ფილარმონიაში ერთ-ერთ პიროვნებას, მიექციათ ყურადღება ჩვენი ანსამბლისათვის, მიპასუხა — „ჩვენ გვყავს კამერული ორკესტრი და არ გვესაჭიროება სხვა. . . მან შესარულოს თავისი მამის კონცერტები.“ საუბედუროდ ადამიანი სანამ ცოცხალია, მას სათანადო დაფასება არა აქვს.

ჯარჯი ბალანჩივაძე 69 წლის ასაკში გარდაიცვალა 2011 წლის 2 ივნისს.

მისი გვარი გრძელდება, ჰყავს ვაჟი ანტონი — ნიჭიერი მხატვარი და ორი მშვენიერი შვილიშვილი.

დავინწყებას არ უნდა მიეცეს ასეთი გამორჩეული პიროვნების სახელი.



„უნდა იცხოვრო, რაკი უყვარხარ...“ (ლ. როსება)

ლალი როსებას შესახებ წერა ძნელია. მისი წერილების კითხვისას ყოველი სიტყვა გულში ტკივილს იწვევს. მე ვერ დავწერ მასზე უკეთესად, ვიდრე ეს თვითონ ლალამ შეძლო თავის ლიტერატურულ და მხატვრულ შემოქმედებაში, გამოსატა ლექსებში და წერილებში, დაგვიტოვა თავის მრავალრიცხოვანი ავტობიოგრაფიული ჩვენსკენ დაჯინებით მომზირალ დიდრონ თვალეებში. ვფიქრობ, მკითხველს უფრო დააინტერესებს ლალის აზრები თავის ხელოვნებაზე, ცხოვრებაზე, სიკვდილზე, რელიგიაზე, ვიდრე ნებისმიერი, ყველაზე გულწრფელი ჩემი მოგონება. ყოველი მოგონების ავტორი ნებსით თუ უნებლიედ წერს თავის თავზე და ადგილზე, რომელსაც ის იკავებდა მეგობრის, კოლეგის, ახლობლის ცხოვრებაში, ზოგჯერ აყენებს თავის მოგონებებს წასულ პიროვნებაზე მაღლა. ლალი ფლობდა უცხო ენებს, ატარებდა ექსკურსიებს ტრეტიაკოვის გალერეაში რუსულ, ინგლისურ, იტალიურ ენებზე. მისი პიესები ათწლეულების განმავლობაში არ ჩამოდიოდა სცენიდან. ლალი როსებას ბიოგრაფიის, მისი პიესების, ფერწერის და ნახატების მოძიება შესაძლებელია ინ-

მიმონერიდან შერჩეული ადგილები

ტერნეტში მისი შვილის ვიორგი (გოშა) პარხომენკოს მიერ შექმნილ საიტზე. მე შევეცდები წარმოვუდგინო მკითხველს სხვაგვარი, შეიძლება ოდნავ ინტიმური ლალი, როგორც ჩემი ძვირფასი და საყვარელი მეგობარი, ჩვენი მიმონერიდან — მიმონერიდან, რომელიც გრძელდებოდა 45 წელზე მეტხანს — შერჩეული ადგილების ციტირების საშუალებით. ჩვენი დიალოგების „რჩეული ადგილებიდან“ მიმონერიდან შერჩეულ ადგილებამდე — ლალი როსებას ჩემეული შეცნობის საზომია...

„ხელოვნება — ეს ერთადერთი (ყველა კურსივი ლ.როსებასია) სიხარულია ცხოვრებაში, სიხარული სუფთა სახით“ — წერდა ის წერილში 2011 წლის 29 ნოემბერს. ეს იყო ლალი როსებას კრედო ბავშვობი-

დან უკანასკნელ დღეებამდე. სწორედ ამ ძირითადმა შემოქმედებითმა პოზიციამ ცხოვრებაში მისცა მას საშუალება ემუშავა მაშინაც კი, როცა ფიზიკური ძალები ელეოდა, როცა არ ჰქონდა ენერჯია, რათა ეცხოვრა, როცა დებრესია ყელში უჭერდა, როცა, როგორც ის წერდა — „...დროდადრო მომდის აზრები, რომ ჩემი „შემოქმედება“ არავის სჭირდება და არ აქვს არავითარი აზრი. მკითხე: **რა დავწერე დღის განმავლობაში?** მე სწორედაც მჭირდება „შთავონება“ — მე ისე ადვილად ვეცემი სულიერად ბოლო წლებში...“ (7 თებერვალი 2012 წ.).


მიუხედავად ამისა, ის წერდა: „მე ვახერხებ ჩემ ფერწერაზე მუშაობას და ცუდად არ მივიჩნევ წინ — მაგრამ ბოლო სამი კვირა არ ვმუშაობ“ (14 ნოემბერი 2012), ე. ი. ამ ქვეყნიდან წასვლამდე 5 თვით ადრე...

ყველა ადამიანი მოკვდავია, ჩვენ ვიცით, რომ ნავალთ. მთავარი ის არის, თუ რას ტოვებს ადამიანი თავის შემდეგ, რაც აახლოვებს, აუცილებელს ხდის მას მომავალი თაობებისთვის. ამ აზრით ცხოვრობს ყოველი შემოქმედი ქვეყნობიერად, ამ მოთხოვნილებით — დატოვოს თავის მერე რაღაც, რაც შეავსებს ჩვენ დანაკარგს, შეგვიმსუბუქებს ტკივილს, ყურადღებას გადაგვიტანს ხელოვნებით აღფრთოვანებაზე სუფთა სახით — ნავიდა ჩვენგან ლალი. „როცა დაკავებული ვარ ფერწერით — ვივინყებ ყველა დარდს“ — წერდა ის 2012 წლის 16 აპრილს და აქვე აგრძელებდა, რომ მუშაობს, „ცხოვრებისთვის კი უკვე ძალები აღარ ჰყოფნის!“

თეატრზე და თავის დრამატურგიაზე, რომელიც ფართოდაა ცნობილი არა მხოლოდ საქართველოში, ლალი დაწვრილებით წერს 2011 წლის 21 ნოემბრის წერილში: „მართალია, ჩემს შესახებ ამჟამად ცოტამ თუ იცის: უკვე 20 წელია მე გამოვედი თეატრალური წრიდან. ასე, ვახსოვარ კიდევ რამდენიმე ადამიანს — ყველა უკვე ძველი თაობისაა. პიესები ახალი მაქვს, მაგრამ საერთოდ უკვე ორი წელია შევწყვიტე ფიქრი თეატრზე. ორი წლის წინ მე (გომასთან ერთად!) დავწერე უკანასკნელი პიესა — ერთმა ჩემმა ნაცნობმა (თეატრმკოდნემ, კრიტიკოსმა) უწოდა მას „ეპოქალური“, კიდევ ზოგიერთებმა თეატრალური წრიდან ნაიკითხეს და ძალიან აქვს, მაგრამ დადგამამდე საქმე არ მიდის. ყველას (კიდევ უფრო მეტად, ვიდრე საბჭოთა დროს) ეშინია ხელი მოჰკიდოს

რაიმე სერიოზულს. ძირითადად წესიერ თეატრებსაც კი სჭირდებათ რაღაც სკანდალური, ან სჭირდებათ სკანდალურად, ამობრუნებულად დადგან ძველი კლასიკა. არიან, რა თქმა უნდა, ძალიან კარგი რეჟისორები, მაგრამ ისინი მსოფლიოში ერთეულები არიან! მათთან მიახლოება პრაქტიკულად შეუძლებელია. ისინიც ტანჯვით ცდილობენ გამოხატონ **საკუთარი** — რაღაც სერიოზული, გულწრფელი, გემოვნებისა და კულტურის საერთო დაცემისას. მათაც უჭირთ, მათ ჩემი თავი არა აქვთ... არავითარ სიმწარეს მე არ ვგრძნობ — ცხოვრება ცხოვრებაა...“

ლალი როსება უკანასკნელ წლებში მთლიანად გადაერთო ფერწერაზე, რომლითაც დაკავებული იყო ბავშვობიდან: წერდა პორტრეტებს, აკეთებდა ჩანახატებს, სწავლობდა პლასტიკურ ანატომიას, ხატავდა ნატურმორტებს იმ საგნებით, რომლებსაც იქვე პოულობდა — ხილს, წიგნებს, მინის ჭურჭელს. ხშირად ხატავდა თავის შვილს — გომას — და თავის თავს. ჩიოდა, რომ მოდელები, რომლებთანაც ის მოლაპარაკებული იყო, ღალატობდნენ მას. ასე, ნაწყენი წერდა 2012 წლის 13 თებერვალს: „მოდელმა, რომელსაც მოველაპარაკე დიდი პორტრეტისთვის პოზირების შესახებ, გააჭიანურა მოსვლა (თუმცა მან თავიდან თვითონ მთხოვა პოზირება!) და ბოლოს სულ დაიკარგა. მე კი უკვე განვწყვე ვარკვეული მხატვრული სახისთვის. ძალიან მწყინს ასეთი უპასუხისმგებლობა. ახლა უნდა ვეძებო ახალი მოდელი, ვიფიქრო სხვა მხატვრულ სახეზე.“ ეს სიტყვები განმარტავენ ლალის შემოქმედებითი პროცესის თავისებურებას. მას სჭირდებოდა დრო, რომ სიღრმისეულად შეეცნო თავისი მოდელი, შეეღწინა მის შინაგან არსში, შეეთვისებინა ის თავის თავში. სწორედ ამიტომ დარჩა დაუსრულებელი მისი ზოგიერთი ნამუშევარი. ის ხშირად და ხალისით ხატავდა თავის ოჯახის წევრებს თბილისში, ახლო მეგობრებს, მეზობლებს, თავის შვილს ან, თუ მოდელი არ ჰყავდა, თავის თავს. ეს სახეები მისთვის კარგად იყო ნაცნობი, მათ ის ანიჭებდა თავის ხასიათს, ისინი არასოდეს ღალატობდნენ მას. თავის ნამუშევრებში ლალი აშიშვლებდა მოდელის ფსიქოლოგიურ ბუნებას და მისთვის დამახასიათებელი ფიზიკური თვისებების გამოვლენასთან ერთად ყოველთვის ქმნიდა პირტრეტს ერთდროულად



ლ. როსლავი. ქალი ათბურთი. ახალი ზალხა კარაქის როლი

მსგავსადაც და არამსგავსადაც. როგორც ბევრ დიდ მხატვარს (ლენინარდო, ვოია, მისი საყვარელი პიკასო), მას ყველაზე მეტად აინტერესებდა იმ ადამიანების პორტრეტები, რომელთა სახეებშიც მას ზოგჯერ შუქონა და საკუთარი თვისებები. თვალის გამომეტყველება, ტუჩები, სხეულის ან თავის მობრუნება გადმოსცემდნენ თვითონ ლალის დაძაბულობას, მის ექსპრესიულობას ან, პირიქით, მის ბუდისტურ სიმშვიდეს. მაგრამ ყველა პორტრეტში ჩვენ ვხედავთ ლალის. ამიტომ ყველაზე საინტერესოა მისი ავტოპორტრეტები. ჩვენს წინაშე წარმოსდგება ლალის განსხვავებული სახეები აშკარად მსგავსიდან, ჯერ ადრეული, გრაფიკულიდან — თითქმის „გაზავებულამდე“ ანანასებიანი ნატურმორტის ფონზე; მან შექმნა ოთხი ასეთი ნატურმორტი. ჩემს გულწრფელ გაოცებაზე ასეთი უცნაური ობიექტისადმი მისი ინტერესის გამო, მან თქვა: „მე ვხატავ იმას, რასაც ვხედავ ანანასის მიღმა“. ახლა მე დაყინებით ვაკვირდები მის „ნატურმორტს ანანასით“ (2010 წ.) და ყოველ

ჯერზე ვპოულობ მასში რაღაც ახალს, კოსმოსს. ბოლო ნატურმორტში მე ვიგრძენი, რომ ის უკვე გადადის სხვა განზომილებაში. ეს არის არა ისეთი ცხოვრებისეულ-ლიტერატურული ალეგორია, როგორც მის ექვს ადრინდელ დიდ ტილოში („ლამაზმანი ალუბლებით“, 1992 წ. და სხვა), არამედ რაღაც არარეალური, განსხვავებული ყოველი შეხედვისას. ასეთივე შთაბეჭდილებას ახდენენ მისი ბოლო პორტრეტები, მეტადრე „ტორსი“ (2012 წ.), განსაკუთრებით აბსტრაგირებულ-მიოლოგიური. აქ წინასწარაა უარყოფილი ქალის სხეულის ფიზიკური სილამაზე, ტრადიციული შეხედულებით ის თითქმის უსახურია. მოელვარე კანი ბრწყინავს არამინიერი სილამაზით, თვალეები დახუჭულია, სახე თითქოს მიტრიალებულია რეალობიდან და მიმართულია „კეთილისა და ბოროტის მიღმა“. ფერწერის სტილი იცვლება — მუქი, მსხვილმონასმებიანი, ოდნავ ფანტასტიკურ-პირქუშიდან ნათელ, კამკამამდე. ბოლო წლების ლალის ნამუშევრებში ახალი მიღწევაა ორი ნატურმორტი (2012 წ.) ნათელი საგნებით. ძირითადად ეს მისი საყვარელი ნაზი ვარდისფერი მინაა ყველა ნათელი ფერის მინარევით, თხელი, თითქმის უჩინარი მონასში. ლალის უკანასკნელ ნამუშევრებში გაჩნდა ახალი შეფერილობები, ახალი სტილი. ისინი მოასწავებენ ცხოვრების ნათელი აღქმის დადგომას. როგორც დაწერა Facebook-ში მისმა მეგობარმა, მოსკოველმა ლიტერატორმა მარინა ვიშნეცკაია, „...ის თვითონ გრძნობდა, რომ დგას დიდი აღმოჩენების მიჯნაზე, რომ კიდევ ცოტაც და...“ ამის შესახებ წინასწარმეტყველურად წერდა თვითონ ლალი: „მე ჯერ კიდევ დაკავებული ვარ ფერწერით — და შეიძლება ეს კარგია, რომ ჩემ ყურადღებას მისგან მე არაფერი მიფანტავს. ზოგიერთი (მცირერიცხოვანი) ნამდვილი მხატვარი, რომლებიც მე ბოლო წლებში გავიცანი, თვლის, რომ მე კარგად მივინვე წინ ამ საქმეში... მთავაზობენ ერთობლივ გამოფენებს. ვნახოთ. ისე მიჭირს მე აქ, ჩემო საყვარელო! მარტოს... რა შემოქმედებითი განწყობა უნდა მქონდეს აქ! მაგრამ კარგი იქნებოდა (თუნდაც ფარდის მიღმა!) ორი-სამი ასეთი ნამდვილი ნამუშევრის შექმნა... მაგრამ, როგორც ღმერთი ინებებს...“ (26 ნოემბერი 2011 წ.) ლალი როსლავს კამკამა სურათები ასხივებენ მისი ენერგეტიკის შუქს, რომელიც მან შთაბერა მათ თავისი

ნიჭით, თავისი გრძნობებით აღსავსე სულით.

განსაკუთრებულ ინტერესს იწვევს ლალის დამოკიდებულება მუსიკასთან. შეიძლება ვუნოდოთ ამ პროცესს მუსიკის სამყაროსთან თანდათანობითი დაახლოება, შემდეგ კი მასთან სრული შერწყმა. ახალგაზრდობაში ის ამბობდა, რომ მუსიკა მეტისმეტად აღაფრთოვანებს, აშფოთებს, თრგუნავს კიდეც მას. ჯერ კიდევ თბილისში ყოფნისას ჩვენ გატაცებით ვუსმენდით ედიტ ჰაფის ფირფიტებს. მოგვიანებით მან დაიწყო მუსიკის დამოუკიდებლად მოსმენა. ტელეფონით ის მელაპარაკებოდა მარია კალასზე, აღტაცებული იყო ს. რისტერის, ვ.პოროვიცის დაკვრით, შეუყვარდა რ.შტრაუსი. მან აღმოაჩინა გამოჩენილი ბერძენი ოპერის მომღერალი ქალის, 70-80-იანი წლების ერთ-ერთი უბრწყინვალესი მეცო-სოპრანოს — აგნეს ბალტსას ხმა და მაშინ მისმა მგრძნობიარე მუსიკალურმა გულმა გააერთიანა მუსიკა ფერწერასთან, შექმნა მომღერლის „მომღერალი პორტრეტები“. ლალის შექმნილ ა. ბალტსას პორტრეტებში მომღერლის პლასტიური სხეული მოძრაობს და ჟღერს. მომღერლის ხელების ექსპრესიული ჟესტები, მთელი ტანის, პირის, თვალების მოძრაობა ძლიერდება წითელი ტონების მრავალფეროვანი გამით. ლალის შექმნილი ა. ბალტსას პორტრეტები ყოველთვის განსხვავებულია, მღერის ის კარმენს თუ მარშალის ცოლს (რ. შტრაუსის „ვარდების კავალერიდან“), ქერუბინოს (მოცარტის „ფიგაროს ქორწინებიდან“) თუ ჯ. ვერდის „რეკვიემს“. შესრულებული პარტიები ადვილად შეიხსნება და შთაბეჭდილებას ახდენს ისევე, როგორც მომღერალი-ტრუბადური ქალების შუასაუკუნოვანი გამოსახულებები ან მომღერალი ანგელოზები ჯოტოსა და ფრა ანჯელიკოს ტილოებზე. მომღერლის დაბაბულ-ექსტატიური გარეგნობა და მისი შესრულების მანერა სრულიად შეესაბამებოდა უკანასკნელ წლებში ლალის ფსიქოლოგიურ მდგომარეობას. ლალი მუდმივად ლაპარაკობდა მასზე, გატაცებული იყო მისი ხმით, მჩუქნიდა დისკებს მისი შესრულებით. საბოლოო ჯამში მან შექმნა მისი სახე თავისთვის ყველაზე ხელმისაწვდომი საშუალებით — შექმნა მომღერლის გამომსახველობითი ძალისა და ნიჭის შესატყვისი ტილოები.

ლალის მხატვრული გემოვნება უნაკლო იყო, ეყრდნობოდა ღრმა პროფესიონალიზმს, მისი მსჯელო-

ბა შემურდებოდა ნებისმიერ კრიტიკოსს, იქნებოდა ეს ფერწერის, თეატრის თუ მუსიკის სფეროში. ამავე დროს მისთვის მისაღები იყო ადამიანების გემოვნებებს შორის ნებისმიერი განსხვავებები, თავითვის კი უშვებდა მხოლოდ სერიოზულს, სულიერს. 2011 წ. 29 ნოემბერს ის წერდა: „ზოგჯერ ადამიანს უბრალოდ არა აქვს განვითარებული თვალი, რათა გაიგოს — რის შესახებ ელაპარაკები მას. მაგრამ კარგი იქნებოდა მისთვის სიმართლის თქმა — რომ ზოგიერთი სურათი მთლიანად გართობის სფეროდანაა, სერიოზული მათში არაფერია. ყველა თავისებურად ერთობა, ზოგს უყვარს დეტექტივები, ზოგს სერიალები... ზოგს კარგი ვენური ოპერეტა. მე კი — საერთოდ არ მიყვარს გართობა. ჩემთვის ვივალდიც კი ჩეჩილია ბარტოლის შესრულებით — მეტისმეტად მსუბუქი, რაღაც გადასარეგ-განსაცვიფრებელია, მაგრამ **ზედაპირული**“.

ვერ შესრულდა ბევრი რამ, რაზეც ლალი ოცნებობდა: „...ვისურვებდი ჩემი ბავშვობის ოცნების ასრულებას — რომისა და ფლორენციის ნახვას“ (27 აგვისტო 2012 წ.); მას არ სურდა ეცხოვრა იქ, სადაც იცხოვრა 40 წელზე მეტი — „...მე არასოდეს მიყვარდა მოსკოვი, და აი, ვიცხოვრე აქ მთელი ცხოვრება. და სად ვისურვებდი ცხოვრებას? ალბათ, სადმე წყნარ, კეთილმონყობილ ქვეყანაში. შეიძლება მოსანყენში, მაგრამ ჩვენ ხომ „საინტერესო“ ვარემო და სხვადასხვა რყევები არ გვჭირდება...“ (6 დეკემბერი 2011 წ.).

მის სურათებს, გამოფენილს მრავალრიცხოვან გამოფენებზე აქებდნენ, მაგრამ არ ყიდულობდნენ. ერთ ასეთ პარადოქსულ შემთხვევაზე მან მისთვის დამახასიათებელი იუმორით მომიტხრო: „დამატყდნენ თავზე თვითონ თავისი ნებით ვილაც, ვითომდაც მყიდველები, ახალგაზრდა ბანკირები, საშინლად მდიდრები. ისე მოისწრაფოდნენ ჩემსკენ და ისე სულშიჩამწვდომად აქებდნენ ჩემს სურათებს, მპირდებოდნენ ყველაფრის ყიდვას და, საერთოდ, სპონსორებად ვახდომას. ნავიდნენ დაპირებებით, რომ მალე ჩამოვლენ სურათებისათვის. მე უკვე თითქმის დავიჯერე, რომ ბოლოს და ბოლოს გამიმართლა ცხოვრებაში, ღმერთმანი! და საბოლოოდ არაფერი არ იყიდეს, ითხოვეს გადმოეცათ საერთო ნაცნობის საშუალებით, რომ ამჟამად მათ არა აქვთ „თავისუფალი ფული“. ფასები მე მქონდა ყველა-

გე ბომიერი, ისინი თავის ერთ საუბრეში მეტს იხდიან. ეს ყველაფერი საშიში არ არის, რა თქმა უნდა, მაგრამ... როგორღაც უცნაურია, უბრალოდ რაღაც ეშმაკეულია“ (13 თებერვალი 2012 წ.). როდესაც მოხდა მისი ნამუშევრების დადებითი შეფასება გამოფენაზე ცენტრალურ მხატვართა სახლში 2012 წლის 8 იანვარს, ის ჩიოდა: „განსაკუთრებით გუშინდელი სულელური ვერნისაჟის შემდეგ ძალიან დაღლილი ვარ – უბრალოდ, ცხოვრების სურვილის სრულ არქონამდე – ამბობენ, გამოფენების შემდეგ ასეც ხდება“. ამგვარი შემთხვევები ინვედნენ მასში დათრგუნულ მდგომარეობას, შემოქმედებითი განწყობის დაცემას. ნუთუ აუცილებელი იყო გადასვლა სხვა განზომილებაში, იმ აუცილებელ „მანძილზე“, რომელიც ეხლა გვაძლევს საშუალებას დავინახოთ და აღმოვაჩინოთ ფასეული ლალი როსებას შემოქმედებაში. თუ ამ მხარეს ჩვენ უფრო საკუთარი თავით ვიყავით დაკავებული?!

ფიზიკური სისუსტის, სიფაქიზის, დაუცველობის მიუხედავად, და შეიძლება ამ თვისებების გამოც, ლალი იყო ძლიერი პიროვნება. მას ჰქონდა უნარი დამდგარიყო მეგობრების და ახლობლების გვერდით რთულ ვითარებებში, გაეძლიერებინა საკუთარი მისწრაფებების სისწორეში დაეჭვებულები, ეს მისწრაფებები შემოქმედებით კალაპოტში მოექცია. ამიტომ, ბევრს უნდოდა მასთან ურთიერთობა, ის კი მწერდა 2012 წლის 22 ივლისს: „სევდიანია ცხოვრება... გულახდილად რომ ვთქვა – შეიძლება მე ბუნებით დებრესიული ვარ და ყველაფერი მეჩვენება შავ ფერებში (რამიც მე, მართალი ვიფიქრებ, ეჭვი მეპარება) – მე უბრალოდ არაფერი მაქვს გასასხენებელი ჩემი ცხოვრებიდან მხიარული და კარგი – მხოლოდ ერთი იყო, რამაც სასიხარულო და ადვილია ფიქრი – ეს ჩემი მეგობრული კავშირებია“.

ლალისთან ურთიერთობის სიიოლე გაპირობებული იყო მისი გახსნილობით სხვისი გრძნობებისა და განცდების მიმართ. ახალგაზრდობიდან მოყოლებული (ჩვენ გავიცანით ერთმანეთი 21 წლის ასაკში), ის იყო მუდამ კეთილგანწყობილი, თავისი მოკრძალებული ღიმილით, ყურადღებიანი, დიდრონი თვალებით, რომელიც მოსაუბრეზე იყო მიმართული. მან მშვენივრად იცოდა მოსმენა და თანაგრძნობა. და ის იყო მხიარული, ცელქი და მოუსვენარი, როცა ცხოვრება აძლევდა

საშუალებას გამოეგლინა თავისი ეს თვისებები, ყოველთვის იყო მადლობელი მის მიმართ სიყვარული-სა და გაგების ნებისმიერი გამოვლინებისთვის. 2012 წლის 23 ივლისს მისი მეუღლის, ვალოდიას სიკვდილის შემდეგ ლალი წერდა: „ვზივარ მარტო, ლაპარაკი არ შემიძლია... სულში სრული გაუგებრობაა და ისეთი უკუნია... ინყებ საერთოდ ყველაფერში დაეჭვებას – თვით ღმერთის რწმენა იწყება, რაც ახასიათებს ადამიანის ბუნებას, მოციქულებსაც კი ეპარებოდათ ეჭვი... მე ვიცი ეს, მაგრამ ამის გამო უკეთესად არა ვარ! – ჩნდება „ეგზისტენციალისტური“ კითხვა – რაშია, საერთოდ, ცხოვრების აზრი, თუ ის ასეთი სევდიანია, ღირს კი საერთოდ ცხოვრება – და სჭირდება კი შენ თუნდაც ვინმეს ქვეყანაზე, სჭირდება კი ვინმეს ვინმე საერთოდ?“

ალბათ, ეს ყველაფერი გაივლის – ყველაფერი გადის... მაგრამ, როგორც მე მეჩვენება, ვალოდიას წასვლასთან ერთად რაღაც მომწყდა, ჩემი რომელიღაც ცოცხალი ნაწილი... ჩვენი ყველა შეუსაბამობის მიუხედავად, ის ჩემთვის მაინც იყო ძალიან ახლობელი, ძვირფასი ადამიანი. ჩემს წინ გაიარა მთელმა მისმა ცხოვრებამ – და მე ის ისე მებრალება... ისე მებრალება ყველა! ხო, დღეს ძალიან მძიმე დღეა!“

მაგრამ თავისი ცხოვრების ამ ტრაგიკულ მომენტშიც კი ლალი ამჟღავნებს მთელ თავის ამტანობას და სულის სიძლიერეს და ამბობს: „მადლობა ჩემი სურათების ასეთი შეფასებისათვის – სწორედ ამ დღეებში, როცა ჩემი „ენერგეტიკა“ ნულზეა და მეჩვენება, რომ უკვე ვეღარ შევძლებ ვერაფრის, უბრალოდ „ჩემთვის“ ჩახატვასაც კი – შენი ალერსიანი სიტყვები – როგორ ვთქვა (მეც მეშინია მოგეჩვენო გადაჭარბებული!) „მომინოდებენ ცხოვრებისაკენ“... თუმცა, მე არ მეჩვენება შენი ტონი გადაჭარბებული – მე ხომ გხედავ წერილის სტრიქონებს მიღმა შენ, ჩემო ძვირფასო. ჩვენს შორის არ შეიძლება იყოს შიში – ვიყოთ არასწორად გაგებული, ხომ მართალია?“ ეს სტრიქონები უაღრესად ძვირფასია ჩემთვის, ისინი – დიდი სიყვარულის ის ანარეკლია, რომელსაც მჩუქნიდა მე (და არა მარტო მე) ლალიკო...

ყოველი ადამიანისათვის უმთავრეს საკითხს – დამოკიდებულებას სიცოცხლისა და სიკვდილის მიმართ – ლალი თავისებურად განიხილავდა წერილებსა და

გამონათქვამებში. მისი დამოკიდებულება მახსენებს მოცარტის ცნობილ სიტყვებს: „არსებითად, სიკვდილი — ეს ადამიანის საუკეთესო მეგობარია. ყველაფერი ღმერთშია!“ 2011 წლის 24 ნოემბერს ლალი წერდა: „ცხოვრება, საერთოდ, ისეთი ტრაგიკულია... უნდა ვიცოცხლოთ, სანამ ღმერთი გვაძლევს ცხოვრების საშუალებას, ერთმანეთის სიყვარულით“. მას არ ეშინოდა სიკვდილის და, როგორც ყველგან მისი შვილი, ლალიმ თავის უკანასკნელ წამს მხოლოდ გაკვირვებით შეხედა მას...

მინდა დავასრულო ჩემი სევდიანი მონათხრობი 2012 წლის 23 აგვისტოს ლალის მიერ გამოთქმული სიტყვებით, რომლებიც ყველაზე მნიშვნელოვანია მისი რთული, ღრმა და მრავალმხრივად დაჯილდოებული ნატურის გაგებისათვის: „შენი შეკითხვების შესახებ იმაზე, თუ რატომ ვიტანჯებით ჩვენ ყველანი (და ყველაზე ხშირად ასე უსამართლოდ იტანჯებიან სწორედ კარგი ადამიანები!) და ეს რატომ „სურს ღმერთს“ — სწორედ ეს არის უმთავრესი საკითხი, რომელიც შეუძლებელია **გადანყდეს...** წყვეტენ მას თავისთვის მხოლოდ წმინდანები (და მათაც აქვთ ეჭვები!) — და საერთოდ **ყოველი** ჩვენთაგანი პოულობს თავის პასუხს, საკუთარი გამოცდილების შედეგად. ამის ლოგიკურ „ახსნას“ ჩვენთვის ვერავინ შეძლებს... ჩვენს დარწმუნებას იმაში, რომ ღმერთი არის სიკეთე, გვეხმარება ყველაზე მეტად ის, თუ ჩვენ, თუნდაც ერთხელ ცხოვრებაში, დავინახავთ ადამიანს უკვდავების ნათელი სახეზე (არ მახსოვს ვისი სიტყვებია ეს). მაგრამ ეს შთაბეჭდილებაც შეიძლება დროთა განმავლობაში წავიდეს ჩვენგან. ეჭვი ახასიათებს ადამიანის ბუნებას: მოციქულებიც კი გრძნობდნენ დროდადრო ეჭვებით ტანჯვას. რომ **ვიყოფდეთ** უფალი და ვიგრძნოთ მისი არსებობა, ჩვენ უნდა მივუძღვნათ ამას, შეიძლება, მთელი ცხოვრება — **გავბედოთ** ამ გმირობის ჩადენა (სერაფიმ საროველის სიტყვები). ვაკაკუნოთ გამუდმებით კარებში და ჩვენ (შესაძლებელია!) გვიპასუხებენ. და **თითოეული** უნდა იყოს ძალიან კონცენტრირებული თავის შეკითხვაზე და დასვას ის მთელი შესაძლებელი კონცენტრაციით... არა „ზოგადად“ იკითხოს, არამედ კონკრეტულად — თავის შემთხვევაზე.

მე, გამოგიტყდები, არა მაქვს **გაბედვის** უნარი, რომელზეც ლაპარაკობს საროველი. მე არა მაქვს ძალა გაბედო გადავიდე **სინმინდში**, რომლისკენაც ჩვენ

ყველა მონოდებული ვართ. ესე იგი მე უნდა ვიყო „წმინდა“ ჩემი ძალებისამებრ. და **ესეც ისეთი შრომა!** და ასე შრომაში (ძალიან პატიოსნად), ჩვენ თითქოს ვხდებით ღმერთის „თანამებრძოლები“ — ყველა თავის სარბიელზე, და იწყება ჩვენთვის ღმერთის აღმოჩენა — როგორც კი ვუახლოვდებით მას, ის იწყებს ლაპარაკს ჩვენთან ჩვენი გულისა და აზრების მეშვეობით. და ეს ერთადერთი ხმაა, რომელიც სწორედ უპასუხებს ჩვენ შეკითხვებს.

ეს ჩემი, ასე ვთქვათ, „ქადაგებები“ — რა თქმა უნდა, ძალიან მიახლოებითი „მოქმედების სახეა“ იმისთვის, რომ ცხოვრების მთავარმა კითხვამ არ გვანვალოს — მე ხომ გამოვდივარ მხოლოდ **საკუთარი** გამოცდილებიდან — და, ისევე უნდა გამოვტყუდე, მე **ისე** შორს ვარ ყოველგვარი სულიერი სიმშვიდისაგან...

მე მინევს ამ ჩემი „მოქმედების სახის“ ყოველდღიური დაცვა ჩემი სისუსტეების (ყოველგვარი შინაგანი და გარეგანი „ეშმაკეულობის“, როგორც უწოდებენ ამას გულბრყვილო ადამიანები) წინააღმდეგ ყოველდღიური ბრძოლის დროს... არსებობს გამოთქმა — „რაც უფრო მალღებები ღმერთთან, მით მეტად ცდილობენ ეშმაკები შენს დაჭერას და ქვევით ჩათრევას“. საერთოდ, — როგორც მე მგონია — თითოეულმა უნდა (თუ ეს მას აელევეს) იზოგოს თავისი პანანინა წერტილი სულში, რომელიც პასუხობს მარადისობას, რომელიც ჩვენ განმზადებული გვაქვს და მუდამ მასთან უნდა დავბრუნდეთ. მივიღოთ გადანყვეტილება საკუთარი სულის მუდმივ „სანაციაზე“ (ლათ. **Sanatio** — მკურნალობა, გაჯანსაღება) ჩვენი ძალისამებრ (და რაც უფრო უკეთესია ადამიანი, ანუ უფრო სუფთა, კეთილი, ჭკვიანი, ღრმა, ამაღლებული და ა. შ. — მით მეტად უნდა იყოს ის ყურადღებიანი თავისი სულის მიმართ)“.

მე აღვიქვამ ლალის ამ სიტყვებს, როგორც ანდერძს, რომელიც დავგიტოვა მან ლიტერატურული, ფერწერული, ესეისტური და თვითგამოხატვის სხვა საშუალებებით. ისღა დავგრჩენია, რომ მხოლოდ ვეცადოთ გამოვიცნოთ მისი თვალეზის, მისი შემოქმედების საიდუმლო და დავინახოთ უკვდავების ნათება მის სახეზე.

მე გამიმართლა, მე დავინახე ის...

„ოთარ ტატიშვილის მსხვილი ფორმის ნაწარმოებები, ერთმანეთისგან კონცეპტუალურად უაღრესად განსხვავებულია, ხოლო, მეორე მხრივ, მსგავსია ავტორის მუსიკალური აზროვნებისა და ინტელექტის მდიდარი პალიტრით. ციკლი „ეთნომანია“ საქართველოს სხვადასხვა კუთხის მრავალფეროვანი ეთნოლოგიური სახიერებით, სახასიათო განწყობილებებით ოსტატურადაა სინთეზირებული თანამედროვე მუსიკალურ აზროვნებასთან. სერიოზული განაცხადია საფორტეპიანო კონცერტები. მათში წამოჭრილია სხვა, დრამატურ-ვიული, საორკესტო ხმოვანების, ბალანსისა და მასშტაბის საკითხები. ოთარის სტიქია იმპროვიზაციაა. ეს ვლინდება ყველა ნაწარმოებში და ბუნებრიობას სძენს მთელს მის შემოქმედებას“ –

ზიძინა კვერნაძე

„ოთარ ტატიშვილი ნიჭიერი ახალგაზრდაა – მშრომელი, ჭკვიანი, განათლებული, მშვენიერი მუსიკოსი, კარგი გემოვნებით. ჩემთან მეცადინეობს 3-4 წელი. მან საკომპოზიციო კურსი დაასრულა საფორტეპიანო კონცერტით, რომელიც ძალიან სერიოზული ნამუშევარია ვარიაციის ფორმაში, ასეთ ფორმის შექმნას სჭირდება ფანტაზია, ოსტატობა, დიდი შრომა. სასიხარულოა, რომ ოთარ ტატიშვილი დაფილდოვდა საკავშირო კონკურსზე პრემიით ამ კონცერტის გამო“ –

ოთარ თაქთაქიშვილი



ო.თატიშვილი

„ჩემი აღსარება ჩემი ეპოქის აღსარებაა“

ოთარ ტატიშვილი თანამედროვე ქართველი კომპოზიტორია არა იმიტომ, რომ იგი დღეს ქმნის მუსიკას, არამედ იმიტომ, რომ „დღევანდელობას“ გამოთქვამს, ანუ „დროს აღნიშნავს“. გალაკტიონ ტაბიძის ეს იმპერატივი – „დრო, დრო აღნიშნე!“ – იმ სიღრმისეულ ცვლილებათა შეგრძნებასა და გამოსახვას გულისხმობს, რაც მომხდარა გარეთ, სამყაროში და შესაბამისად, ადამიანის შინაგან სივრცეში. ღვთით ხელდასხმული ბედნიერებაა, იყო დროის აღმნიშვნელი ხელო-

ვანი. ეს იმას ნიშნავს, რომ ხდები ახალი დროის ეგზისტენსი, რომელიც აყალიბებს ახალ სამეტყველო ენას, ფორმას, გამოსახვის ახლებურ სტილს, დეტერმინირებულს დროის უსასრულობაში. ეს, თავისთავად, ავალდებულებს ხელოვანს შემოქმედებითად, ოსტატურად აითვისოს პოსტმოდერნისტული ხელოვნების მიღწევები და ამავედროულად, მიქსირებულ სტილთა ნაერთში შექმნას თავისი განუმეორებელი ხელწერა. ოთარ ტატიშვილის შემოქმედება პოსტმოდერნისტუ-

ლი ხელოვნების გამორჩეული მოვლენაა. თანამედროვე კომპოზიტორების უმეტესობისაგან განსხვავებით, მისი მუსიკალური EGO იძენება სწორედ სასიმღერო ლირიკიდან, რომელიც რეფლექსირებულია თითქმის ყველა ჟანრში. ატონალური, ექსპრესიონისტული, ნეოკლასიკური და, რაც მთავარია, რომანტიკული და კლასიკური ესთეტიკური სახეები აყალიბებენ და ქმნიან კომპოზიტორის დამახასიათებელ სტილს. ნაწარმოებთა ინტონაციური ქარგა და სინტაქსური წყობა შეესაბამება ფიქრის პროცესს.

მივყვით ნაწარმოებთა ანთოლოგიას 2007 წლიდან 2012 წლამდე და ვნახოთ, როგორ ეძებს კომპოზიტორი „ახალ სათქმელს“ მუსიკაში. ეს არის ზენა ბრძანების აღსარება და ამდენად, შეიძლება ითქვას, კომპოზიტორის ბედისწერაცაა. თითოეული ნაწარმოები ფლობს „გემოვნების სიზარმაცის“ დაძლევის გაცილებით მეტ გაბედულებას, თითოეული კომპოზიცია ამყარებს აზრს, რომ ადამიანი არაფერს ეწინააღმდეგება ისე, როგორც შინაგანი მარნუხების მსხვერვას; სტერეოტიპებზე, ანუ როგორც მერაბ მამარდაშვილი იტყოდა, „ხელსაყრელ ჭეშმარიტებებზე“ უარის თქმას.

ოთარ ტატიშვილის შემოქმედება ეგზისტენციალური დრამაა. აქ მიმდინარეობს დაძაბული და დაწვრილებითი, დეტალიზებული კვლევა ადამიანის, ძირითადად, „მე“-ს ყოფნისა ნუთისოფელში. აქედან გამომდინარე, კომპოზიტორის მუსიკის საზომი სილამაგესთან ერთად სიმართლეა. ეკლექტიკა, რომელიც პოსტმოდერნისტული მუსიკის ერთ-ერთი განმსაზღვრელი ესთეტიკური ფასეულობაა, ოთარ ტატიშვილის მუსიკაში ოსტატურად არის განფენილი ქართული მუსიკის კილო-ტონალურ, აკორდულ შრეებში.

უაღრესად საინტერესოა კომპოზიტორის მუსიკალური სახისმეტყველებითი ფენომენი, რომელიც სრული მასშტაბურობით ვლინდება მისი საფორტეპიანო და სიმფონიური აზროვნების ტექნიკაში. მიუხედავად ზემოთ აღნიშნული ეკლექტიკურობისა, ეს არ ნიშნავს იმას, რომ პასტიშის მოდელი ოთარ ტატიშვილის მუსიკის საფუძველია.

ნაწარმოებთა მიმოხილვა დავიწყოთ ურთულესი და ულამაგესი საფორტეპიანო ნაწარმოებით, სა-

ხელნოდებით „ბალადა შოპენზე“, რომელიც შეიქმნა 2007 წელს. აქ სრულად ვლინდება კომპოზიტორის საშემსრულებლო ვირტუოზობა. ნაწარმოების სტილი, თავისთავად, რომანტიკულია, სახასიათო შოპენისეული Rubatto-თი და შუმანისეული „აღმაფრენით“. ბალადის ფორმაქმნადობის მთავარი ელემენტია თხრობით-დეკლამაციური თემა, რეპრიზულ ნაგებობაში ერთგვარი გადაძახილიცაა „პეროიკულ“ პოლონებთან, კოდა კი ეპიკურ-ლირიკული რეჩიტატივია.

ქართული პოსტმოდერნისტული საფორტეპიანო მუსიკის ერთ-ერთ საუკეთესო მონაპოვრად შეიძლება ჩაითვალოს პიესების ციკლი „ეთნომანია“. იგი ალგორითულ-მეტაფორული სახეებით გადმოგვცემს საქართველოს სხვადასხვა კუთხის კილო-ინტონაციურ მასალას, რომელიც გადანყვეტილია საინტერესო ჟანრულ ფორმებში, თუმცა ქართული ფოლკლორული მასალის ციტირება არსად არ ხდება.

ოთარ ტატიშვილის ციკლურ ნაწარმოებებში რიცხვი „შვიდი“ საკრალური დატვირთვისაა (გავიხსენოთ ბატონ რევაზ სირაძის განმარტება „შვიდის“ შესახებ, რომ შავიოგრაფიაში „შვიდი“ არის სიმბოლო მამულიშვილობის, სამშობლოს სიყვარულის). „ეთნომანია“ თეატრალიზებული ნაწარმოებია, პროგრამული მუსიკაა, რომელიც აგებულია სახეთა კოლაჟზე. მისი საფუძველია განწყობილებათა კალეიდოსკოპური ცვლა. პიესათა თანმიმდევრობა ასეთია: 1. მთიელის სევდა; 2. ერიკა; 3. ჭირვა; 4. არულა; 5. მოდის მაყარი; 6. მტრის მოლოდინში; 7. მხედრული. „ეთნომანია“ შეასრულა ცნობილმა ქართველმა პიანისტმა თამარ ლიჩელმა და თათია შარანგიამ და გურანდა გაბელიამ.

2012 წლის 9 დეკემბერს, თბილისის კონსერვატორიის დიდ საკონცერტო დარბაზში, შედგა კომპოზიტორის საავტორო საღამო. გურანდა გაბელიამ ვირტუოზულად შეასრულა „ეთნომანიის“ შვიდივე პიესა.

საავტორო საღამოზე აყურდა, ასევე, სავიოლინო კონცერტი სოლისტისა და სიმებიანი ორკესტრისათვის. ნაწარმოები რეკორდულ დროში, 21 დღეში შეიქმნა. კონცერტში მონაწილეობდა თბილისის მ. ფალიაშვილის სახ. ოპერისა და ბალეტის თეატრის სიმფონიური ორკესტრი, დავით მუქერიას დირიჟორობით.



დ. მაქარია, ო. სათიშვილი

სავიოლინო კონცერტს ასრულებდა ცნობილი ქართველი მევიოლინე, ლუარსაბ იაშვილის შთამომავალი – მანანა დუგლაძე.

კონცერტი სამნაწილიანია: I ნაწილი – *Ad Initium* (დასაწყისისათვის) II ნაწილი – *Ad Infinitum* (უსაზღვრობამდე) და III ნაწილი – *Ad Gaudium* (სიხარულისათვის).

სავიოლინო კონცერტი ინარჩუნებს რომანტიკული კონცერტის ჟანრის ესთეტიკას – ხდება სახეთა დაშლა-დაქუცმაცება, საწყისი პუნქტირული თემა მუშავდება მონოთემატიზმის პრინციპით. კადენციაში შეიქნება ალექსი მაჭავარიანისეული ლირიზმი და სევდა. სუსტრათი, რითაც გამსჭვალულია ოთარ ტატიშვილის მთელი მუსიკა, არის სევდა – დაგუბებული, უპირველესად, ინტონაციურ რესურს-მასალაში და კომპოზიტორის ხედვის მიმართულებაში. ცხოვრებისა და სულის წინააღმდეგობა-შეუსაბამობა ნაწარმოების ცენტრში ტრიალებს. ამიტომაც იღებს კომ-

პოზიტორი ლათინურ სათაურს, რომელიც ზოგადად სევდას კოსმოგენურ დატვირთვას ანიჭებს. სავიოლინო კონცერტის ცხოვრებისეულ ლაბირინთს წარმოადგენს II ნაწილი – *Ad Infinitum* (უსაზღვრობამდე). ულამაზესი ჰარმონიული სივრცე კინოკადრიების ეფექტს ახდენს, ადამიანის მდგომარეობა შეიძლება განისაზღვროს, როგორც ტრანსცედენტული. აქ შეფარულად ჟღერს I ნაწილის ტრანსფორმირებული პუნქტირული თემა, თავისი ღრმა ტრაგიზმით. თუმცა, ამ გზას ადამიანი გადის რწმენით. II ნაწილი მთავრდება მაჟორში, რომელიც ასხივებს სიკეთესა და სიყვარულს. III ნაწილი – *Ad Gaudium* (სიხარულისათვის) – *Allegro* – ეგზისტენსის ბრძოლაა შინაგან სამყაროსთან და მისი ადაპტაცია ცხოვრების დიალექტიკასთან. საბოლოოდ, გმირი გამოდის გამარჯვებული. I ნაწილის თემა ხდება ეპიკური, იგი ტრანსფორმირდება მონოდებად, ერთგვარ დეკლარაციად, რომ ცხოვრება მხოლოდ სიხარულია. აქ შეიძლება



ეპილოგად გამოვიყენოთ ბესიკ ხარანაულის ცნობილი ფრაზა: „ყოველი დილა გაზაფხულია, რადგანაც იგი არ არის გუშინ“.

საავტორო კონცერტი დავვირგვინდა №1 სიმფონიით „Memento Patriam“ (გახსოვდეს სამშობლო). ნაწარმოები შეიქმნა 2010 წელს და გადმოგვცემს ჩვენს ეროვნულ ტკივილს – 2008 წლის რუსეთ-საქართველოს ომის დრამატულ ეპიზოდებს. საკომპოზიტორო ტექნიკა ეფუძნება ურთულეს მეტრო-რიტმულ ფორმულებს, გამოყენებულია პოლიმეტრული აქცენტები, რომელიც კიდევ უფრო მკაფიოდ ხატავს დაძაბულობას, შიშს, ძრწოლას, ღვთის ანაბარად მიტოვებული ქვეყნის განსაცდელს. ქსილოფონის რეპეტიციები DIES IRAE-ს სიუჟეტურ ქარგას ქმნის. სეკვენციური წყვეტილი მელოდია ერთგვარი სარკამბია სამშობლოს მიმართ. I ნაწილის დასასრულს, ლიტავრების მწყობრი, რიტმული ფორმულის ფონზე, საყვირების მაღალი რეგისტრის ტრაგიკული ხასიათის ინტონაციები შემოიჭრება. ყველაფერი ერთად კი „გმირთა ვარაშ“ ასახავს ექსპრესიონისტული გამომსახველი ხერხებით. II ნაწილი – „დაცემული ბრძოლის ველი“ – არის ბალადა, სადაც ფლეიტა ყვება თითოეული გმირის „გოლგოთის“ ისტორიას. რწევადი ხასიათის მეორე თემა კი

გადმოგვცემს თავგანწირული ბრძოლის ტრაგიკულ ამბავს. კომპოზიტორი სიუჟეტის მკაფიოდ გადმოცემისათვის იყენებს იმპრესიონისტულ-გამჭვირვალე ფაქტურას და ტემბრულ კოლორიტს. III ნაწილი არის აღმოსავლური საცეკვაო ინტონაციების კოლაჟი, რომელიც მტრის სახის რემინისცენციაა. მტრის დამარცხებულ სახეს მაჟორში ანაცვლებს გამარჯვებული გმირების სიმღერა. ეს არის პატრიოტული სიმღერა, რომელშიც შეიცნობა კომპოზიტორის სასიმღერო ჟანრის უდიდესი ოსტატობა.

„მე ეს უკვე ვნახე“ – „DEJA VU“ – ეს არის Konzertshtuk-ი, საფორტეპიანო კონცერტი ორკესტრთან ერთად. იგი შეიქმნა 2011 წელს და შესრულდა საავტორო კონცერტის II განყოფილებაში. საფორტეპიანო კონცერტი №1 სიმფონიის დრამატული კონცეფციის იდეური გაგრძელებაა. სტილისტურად კომპოზიტორი მიმართავს ნეოკლასისციტური კონცერტის ფორმას, სტრავინსკისა და პროკოფიევისათვის დამახასიათებელ ტოკატისებურ ფაქტურას. ამ კონცერტში გრძელდება გამარჯვებისადმი დაუოკებელი სწრაფვა. შუა ნაწილში ყალიბდება თემა, რომელიც განთიადის სურათს ხატავს.

აუცილებლად უნდა აღინიშნოს ოთარ ტატიშვილის, როგორც მხატვრის, განუმეორებელ ფენომენი. ის ზუსტად გრძნობს ხაზს, შტრიხს, პერსპექტივას და ამას მკაფიოდ შევიგრძნობთ მისი მუსიკის მოსმენისას. განთიადის თემის მოსმენისას გვეუფლება ასოციაცია, როგორ იხატება ოქროსფერი ხაზებით მზის ამოსვლის პეიზაჟი, როგორ მკვიდრდება სიცოცხლე მშესთან ერთად. კონცერტის კადენცია დილის საგალობელია, სიხარულის ფანფარები საყვირებში, ორკესტრის Tutti პასუხს სცემს კითხვას, რომელიც კონცერტის სათაურშივეა დეტერმინირებული, მართალია, „მე ეს უკვე ვნახე, დიას, ვნახე ცხოვრება, მაგრამ ბევრი დამრჩა კიდევ სათქმელი“.

გემოთ მიმოვიხილეთ კომპოზიტორის საავტორო კონცერტი. უპრიანია, შევეხოთ ასევე კომპოზიტორის № 2 სიმფონიას „Memory“, რომელიც დაინერა 2012 წელს. იგი არის ერთნაწილიანი სიმფონიური დრამა. შესავალში აღვნიშნეთ, რომ ოთარ ტატიშვილი არის „დროის“ შემოქმედი. იგი გვევლინება ინოვაციური

ხერხების დამკვიდრების დიდოსტატად. კომპოზიტორი არავის ბაძავს ტემბრულ-ჰარმონიული პლასტიკის ორიგინალურობაში. №1 სიმფონიიდან აქაც გრძელდება მტრის რემინისცენციის თემა. გულისცემის ასოციაციას ქმნის „გმირების დაღუპვა“. ერთნაწილიან სიმფონიაში დრამატურგიული როლი ენიჭება ქსილოფონის სარკასტულ ტემბრს. აქ შეიძლება პარალელი გავავლოთ ლუტოსლავსკის №3 სიმფონიის მხატვრულ სახეებთან.

ოთარ ტატიშვილის შემოქმედების გამორჩეული ქმნილებაა საფორტეპიანო კვინტეტი. კამერული ჟანრის ეს თხზულება ეფუძნება სერიულ ტექნიკას. იგი საეტაპო ნაწარმოებია თავისი მუსიკალური ენით. მასში სერიულობა ნეოკლასიციკურ ხერხებს ერწყმის. კვინტეტის სახასიათო შტრიხია სტილიზაცია. მასში ხშირად გაიღვავებს რომანტიკული მუსიკისათვის დამახასიათებელი ლირიკული თემა, რომელშიც გამოკვეთილია ფუნქციონალური ჰარმონიის ელემენტები. დრამატურგიული დატვირთვა აქვს ფორტეპიანოს. იგი მთელი ნაწარმოების მანძილზე უწყვეტ მეტრ-რიტმულ განვითარებაზეა აგებული. პირობითი მეორე ნაწილი (შედარებით ნელი შუა მონაკვეთი) შინაარსობრივად ახლოს დგას №1 სიმფონიის დრამატულ ხასიათთან. მესამე ნაწილში შეგვიძლია პარალელი გავავლოთ ბელა ბარტოკის ცნობილ კვინტეტთან. დრამატული სიმფონიზმის ხერხით ხდება ადამიანის ცხოვრებისეული დრამის გადმოცემა, დრამა მდგომარეობს სწორედ არსებობის არსის განსაზღვრაში.

ქართული საფორტეპიანო მუსიკის მნიშვნელოვან სახლედ უნდა ჩაითვალოს №2 სონატა, რომელიც 2012 წელს შეიქმნა და აგრძელებს „ეთნომანიის“ სტილისტურ და ჟანრობრივ შინაარსს. „მარულას“ რიტმ-ინტონაციები კონცეპტუალური საყრდენია მთლიანი ნაწარმოებისათვის. მუსიკალური მასალის ამორფულობა, დისონანსური ჟღერადობა, კილოსა და ჰარმონიის სიმძაფრე, „ხორუმის“ ექსპრესიული დინამიკური რიტმული ფაქტურა შთაბეჭდავს ხდის ნაწარმოებს. შუა ნაწილი ერთგვარი ფუგა კონტრასტული განვითარებით. ნაწარმოებში მოცემულია პირობითი სამნაწილიანობა. ერთნაწილიან სონატაში სიმფონიზმის ხერხებით მიიღწევა უწყვეტი განვითარება. ყოველივე ეს კი მოითხოვს

შემსრულებლის მხრიდან დიდ ოსტატობას, ვირტუოზობას.

ოთარ ტატიშვილის შემოქმედებაში ძნელია ვისაუბროთ რომელიმე ნაწარმოების მნიშვნელობის თაობაზე. კომპოზიტორის ყოველი ქმნილება იმდენად მართალი და დროსთან ადეკვატურია, რომ მოსმენისას იგი შენეული ხდება. ვერ ივინყებ, შენც მასთან ერთად განიცდი, თანამონაწილე ხდები ფსიქოლოგიური დრამის. სწორედ ასეთი მნიშვნელობისაა საფორტეპიანო ციკლი (აქაც 7 პიესაა) „უკანასკნელი რომანტიკოსი“. ნაწარმოები შეიქმნა 2008 წელს. მინიატურულ თუ მასშტაბურ პიესათა თანმიმდევრობით იძენება ადამიანის ამქვეყნად მოვლინების მისია. პიესაა „ალმაფრენა“ – Presto, რომელიც გადმოგვცემს დაუოკებელ მისწრაფებას – სიყვარულით მოიცვას მთელი სამყარო. სწორედ, ამ პიესაში იკვეთება „ჩაილდ ჰაროლდისეული“ იდეა: იმედგაცრუებული ახალგაზრდა არისტოკრატი მალე იქცა სინამდვილის წინააღმდეგ ამბოხებულ პიროვნებად. II პიესაა „მზის ბილიკი“ – რახმანინოვისეული გაშლილი ფაქტურა გვიხატავს მზის ამოსვლის სცენას. მას შეიძლება ვუწოდოთ „მზის სიმფონია“, თავისი რთული, მსუყე ტექნიკური პლასტიკის გამო. III პიესა არის „უშმაკის ფეხი“ – სიმბოლო. იგი №1 სიმფონიის Dies Irae-ს მხატვრული სახის რემინისცენციაა. IV მინიატურა არის „სიმბარი“ – დებიუსისეული „სირინოზების“ მსგავსი ულამაზესი მუსიკა სევდიანი ჰარმონიული მაჟორით, რომელიც ამოზრდილია კომპოზიტორის სასიმღერო ლირიკიდან. V პიესა მშვენიერი „ფარვანა“... სიცოცხლე უნდა შევიგრძნოთ ყოველი ფეხის ნაბიჯზე: სიცოცხლეა ჩიტების ჭიკჭიკი, ფოთლების შრიალი, ჩანჩქერის ჩხრიალი, ფარვანა პეპელას ტრფობა ვარდის ფურცლებზე და დაუდგრომელი სწრაფვა სინათლისაკენ. სიცოცხლეა თვით ეს სამყარო უმშვენიერესი სიცოცხლისათვის განსაზღვრული დრო არ არსებობს, ფარვანა ხომ რამდენიმე დღე ცოცხლობს. ცოცხლობს სიყვარულით და იმედით, ეს ერთგვარი მეტაფორა სრულიად მიესადაგება კომპოზიტორის შემოქმედებით Credo-ს. VI პიესაა „ბლუზი“, რომელშიც ვლინდება კომპოზიტორის ფართო მუსიკალური თვალსაწიერი. აქვე შეგვიძლია მოვიხმოთ ჯონ კეიჯის ცნობილი ციტატა: „ადამიანი

ყველაფერს უნდა მიუდგეს მიკერძობის გარეშე. მისი მოვალეობის უმაღლეს ფორმას წარმოადგენს თანაბარი კეთილგანწყობა ამ სამყაროს ნებისმიერი ფენომენის მიმართ. თუ ანგარიშს გავუწევთ მხოლოდ იმას რა მოგვწონს, ვერ მივიღებთ პასუხს მნიშვნელოვან კითხვაზე. ანგარიშგასაწეგია ისიც, რაც არ მოგვწონს, რადგან ამის გარეშე ვერ შევიცნობთ სამყაროს და მით უმეტეს ვერ შევიცნობთ საკუთარ სულს“.

VII პიესა „ბედის ბორბალი“ – ციკლის კვინტესენციაა. პიესის იმპრესიონისტული, დიატონური აკორდული წყობა შერწყმულია ატონალური მუსიკის სახასიათო ამორფულობასთან. „აღმაფრენის“ თემა ტრანსფორმირებულია დასკვნით ნაგებობაში. მელოდირ-ჰარმონიული ფაქტურა რთულდება „ბედის ბორბალის“ ურთულესი მეტრ-რიტმული პლასტებით“.

„ეთნომანიაში“ ცალკეული პიესებით იხატება საქართველოს ეთნიკური კუთხეების თეატრალიზებული სურათები, სადაც ყოველი პიესა ცალკე დამოუკიდებელი სურათია თავისი კილო-ჰარმონიით და ბგერწერითი ხერხებით. „უკანასკნელ რომანტიკოსში“ კი „აღმაფრენიდან“ „ბედის ბორბალამდე“ გამჭოლი თემა მთლიანად კრავს ციკლს პიესათა ალევორიულ სახეებში. ფარულად ჟღერს ტრანსფორმირებული „აღმაფრენის“ თემა, რომელიც თითქოს თვითგადარჩენის მიზნით ტრანსფორმირდება, ერთგვარად სახეს იცვლის რეალობის წნეხში და ბოლოს, თითქოს დაღლილი, ნებდება ბედისწერას. საბოლოოდ კი ვღებულობთ ნეორომანტიკული მუსიკის შთამბეჭდავ ნიმუშს.


ჩემი მიმოხილვის ბოლოს, მინდა განსაკუთრებული აღფრთოვანება გამოვთქვა საფორტეპიანო ფანტაზიის მიმართ, რომელიც სრულდება ორკესტრთან ერთად. ულამაზესი ჰარმონია, ბგერწერითი ხერხები, კანტილენურობა საბოლოოდ აყალიბებს კომპოზიტორის ავტოპორტრეტს. ქსილოფონის რბილი ზედა რეგისტრი არაჩვეულებრივადაა შერწყმული ფორტეპიანოს მელოდირ-ჰარმონიულ მასალასთან... მუსიკა ხატავს და ქმნის უსასრულო სივრცეს. აქ კიდევ ერთხელ გაიჟღერებს „ფარვანას“ ულამაზესი მელოდია. ფორმადქმნადობის მთავარი ხერხია იმპროვიზაციული განვითარების თავისუფალი სტილი.

ოთარ ტატიშვილის შემოქმედების მიმოხილვა მინ-

და დავასრულო ცნობილი ფრანგი მუსიკისმკოდნის, მწერლისა და საზოგადო მოღვაწის, რომენ როლანის ცნობილი ფრაგმენტით: „სიცოცხლის მთელი სიხარული შემოქმედებაშია. ქმნიდე, ნიშნავს – დაამარცხო სიკვდილი“... და კიდევ: „ჩემი აღსარება – ჩემი ეპოქის აღსარებაა“.

ოთარ ტატიშვილის მუსიკა ჭეშმარიტად დიდ ყურადღებას იმსახურებს მკვლევარების მხრიდან. იმედია, მუსიკალური ჟურნალისტიკა განსაკუთრებულ ადგილს მიუჩენს ნიჭიერი თანამედროვე ხელოვანის, პიანისტი-სა და კომპოზიტორის, ოთარ ტატიშვილის შემოქმედების კვლევასა და ანალიზს.

ქართული წიგნის სამყაროს მუსიკის თემაზე შექმნილი ახალი ნაშრომი შეემატა — მუსიკისმცოდნე რუსუდან ქუთათელაძის წიგნი „ბეთჰოვენი“. ამ ფაქტს ქართულ მუსიკისმცოდნეობაში შეიძლება მოვლენაც ვუნოდით. მოვლენა, რადგანაც ეს არის ქართველი ავტორის მიერ ქართულ ენაზე დანერილ-გამოქვეყნებული პირველი ნაშრომი ბეთჰოვენზე. მანამდე ქართულენოვან მკითხველს ბეთჰოვენის შემოქმედების გაცნობა შეეძლო მხოლოდ მოსკოვის კონსერვატორიის პროფესორის,



ქართული წიგნი ბეთჰოვენზე

არნოლდ ალშვანგის მიერ შექმნილი მონოგრაფიის ქართული თარგმანით, რომელიც 60-იან წლებში დაიბეჭდა გამოჩენილი ადამიანებისადმი მიძღვნილი წიგნების სერიაში.

საქმეში ჩაუხედავი პირები ამ ცნობამ შეიძლება გააკვირვოს და მრავალი კითხვაც გაუჩინოს: როგორ,

ბეთჰოვენის შემოქმედებას ქართველი მსმენელი ხომ მე-19 საუკუნის პირველი მეოთხედიდან იცნობს? სამუსიკო განათლების კერებზე საქართველოში მე-19 საუკუნის 80-იანი წლებიდან გაჩნდა! აგერ, სულ რაღაც ოთხ წელიწადში თბილისის კონსერვატორია დაარსების 100 წლისთავს იბეიმებს. მაშ, როგორ ეუფლებოდ-

ნენ ქართველები აღნიშნულ დაწესებულებებში ცოდნას ბეთჰოვენზე, თუკი ქართულ ენაზე არც სახელმძღვანელოები და არც მონოგრაფიები არსებობდა? და რა იყო მიზეზი მათი არქონისა? საკითხი ფართეა და ძირითადად საბჭოთა ქვეყნის იდეოლოგიას უკავშირდება. საქმე ის არის, რომ საბჭოთა კავშირის ცენტრში – რუსეთში, კერძოდ მოსკოვსა და ლენინგრადში (დღევანდელ პეტერბურგში) შექმნილი, სამართლიანობისათვის უნდა ითქვას, მაღალ მეცნიერულ დონეზე შესრულებული სახელმძღვანელოები და პროგრამები კარნახობდნენ საბჭოთა სივრცეში შემავალი ყველა ქვეყნის სამუსიკო განათლების კერებს მუსიკის ისტორიის კურსის შინაარსს, მიმართულებას, განსახილველ მასალასა და განხილვის რაკურსს. ასეთი მიდგომა უფრო საიმედო იყო პოლიტიკური თვალსაზრისით და უფრო ნაკლებ საფრთხეს უქმნიდა ქვეყნის იდეოლოგიური საძირკველის სიმყარეს. ამიტომ, ამ მიმართულებით ეროვნულ მკვლევართა ნახალისება არ ხდებოდა. სწავლა კი, რუსული წიგნებითა და სახელმძღვანელოებით მიმდინარეობდა. ეს ხელს არ უწყობდა მუსიკის სფეროში ეროვნული სააზროვნო სისტემისა და ამ აზროვნების შესაბამისი, გამართული სამუსიკისმცოდნეო მეცნიერული ენის ჩამოყალიბებას. თუმც, ამ ხარვეზის დაძლევის ქართველი მუსიკოლოგები სალექციო კურსების მომზადების პროცესში ცდილობდნენ. აღნიშნულ საკითხში, განსაკუთრებით უნდა გამოიყოს მუსიკის ისტორიის კათედრის დამაარსებლის პროფესორ ლადო დონაძის ფუძემდებლური როლი, რომელმაც თავისი სალექციო კურსითა და ნაშრომებით ევროპული მუსიკის ისტორიაში სათავე დაუდო ქართული სამუსიკისმცოდნეო ლექსიკის შექმნას. მომავლში, მის ღვაწლს ამ საქმეში მისი მრავალრიცხოვანი მონაწილეები და სხვა სპეციალისტებიც ანვითარებდნენ. რუსუდან ქუთათელაძეც მათ შორისაა.

ევროპული მუსიკის ისტორიაში ქართული სახელმძღვანელოების შექმნის პრობლემა უფრო აქტუალური გახდა საქართველოს დამოუკიდებლობის შემდეგ, 90-იანი წლების დასაწყისიდან. და აქ, პირველობა, უთუოდ, რუსუდან ქუთათელაძეს ეკუთვნის, რომელმაც ხანგრძლივი პედაგოგიურ-სალექციო გამოცდილებით მოპოვებული ცოდნისა და წლების მანძილზე განეუ-

ლი მუშაობის საფუძველზე, მოკლე დროში შექმნა და დაბეჭდა დასავლეთ ევროპის მუსიკის ისტორიის სამი წიგნი, მიძღვნილი ჰენდელისა და ბახის (2002), მოცარტის (2003), გლუკისა და ჰაიდნის (2004) შემოქმედებისადმი. მონოგრაფია ბეთჰოვენზე ღირსეულად ავთორიზაციას სახელმძღვანელოს ამ ციკლს, რომელიც მე-18 საუკუნის მუსიკასა და ვენის კლასიკური სკოლის ისტორიას მოიცავს და მიჰყავს კურსი მე-19 საუკუნის მისადგომებამდე, უფრო სწორად, რომანტიზმამდე.

წიგნი ბეთჰოვენზე, ავტორის მრავალწლიანი მუშაობის ნაყოფია. მას ატყვია კიდევ განუული შრომის კვალი. ცხადია, რომ თითოეულ პარტიტურას, რომლის შესახებაც საუბარია ნაშრომში, ავტორის ხელში გაუვლია და შესაბამის ხმოვან ჩანაწერთან ერთად მისი საგულდაგულო შესწავლის საგანი გამხდარა. მაგრამ რუსუდან ქუთათელაძე არ ისწრაფვის თავისი კვლევის, ან ახალი, საკუთარი მიდგომების დემონსტრირებისაკენ, ისევე, როგორც არ გადმოგვცემს თანამედროვე „ბეთჰოვენიანაში“ გავრცელებულ საინტერესო, მაგრამ საკამათო დებულებებს. და ეს საკვებით ბუნებრივია, რადგანაც როგორც იგი წიგნის ბოლოსიტყვაობაში სამართლიანად აღნიშნავს, სახელმძღვანელო, როგორც წესი, უნდა შეიცავდეს იმ დამკვიდრებულ თეორიებს, შეფასებებსა და შეხედულებებს, დროის გამოცდას რომ გაუძღეს და რომელთა ჭეშმარიტებაც ეჭვს არ იწვევს. მხოლოდ ურყევი ბაზისური ცოდნის მიღების საფუძველზე შეიძლება მუსიკოსს გამოუმუშავდეს მისეული დამოკიდებულება და საკუთარი ინიციატივები.

წიგნის სტრუქტურას სასწავლო ლიტერატურის მოთხოვნები, ანუ სახელმძღვანელოს სპეციფიკა და პროგრამა განსაზღვრავს. მასში მასალა ჟანრების მიხედვითაა დალაგებული, რაც ხელს უწყობს მათი განვითარების დინამიკისა და კომპოზიტორის მიერ თითოეულ მათგანში შეტანილი წვლილის მთლიან აღქმას. ავტორის ყურადღების მიღმა ბეთჰოვენის შემოქმედების არც ერთი სფერო არ რჩება, მათ შორის, ნაკლებად მნიშვნელოვანიც, რის საფუძველზეც იძერწება კომპოზიტორის მონოლოთური შემოქმედებითი ფიგურა. მაგრამ, თვით ჟანრების დაჯგუფების, მათი განხილვის თანმიმდევრობისა და მოცულობის საკითხებში, ავტორი არ იჩენს ბრმა მორჩილებას დამკვიდრებული სა-

ხელმძღვანელებისადმი და თავის მიდგომებს გვაზავაზობს, ახდენს ჟანრული აქცენტების გადაადგილებას, ხშირ შემთხვევაში მათი შინაარსის გაღრმავებასა და მოცულობის გაზრდას. მაგალითად, საფორტეპიანო შემოქმედებისადმი მიძღვნილ მონაკვეთში გაერთიანებულია სონატისა და კონცერტის ჟანრი. ამასთანავე, განხილული სონატების რაოდენობა სცილდება პროგრამით გათვალისწინებულ ჩარჩოებს და არსებითად, ყველა საეტაპო თხზულებას მოიცავს. იგივე შეიძლება ითქვას მონაკვეთზე სავიოლინო შემოქმედების შესახებ, რომელსაც, როგორც წესი, სახელმძღვანელოთა უმეტესობაში ორიოდე აბზაცი თუ ეთმობა, ისიც, განსხვავებული ჟანრების საერთო მიმოხილვის კონტექსტში. ქუთათელაძე აქაც, ისევე როგორც საფორტეპიანო მუსიკის შემთხვევაში, არამარტო მოგვითხრობს ბეთჰოვენის სტილის თავისებურებებისა და მისი ნოვატორული მხარეების შესახებ მოცემულ ჟანრში, არამედ იძლევა სავიოლინო კონცერტისა და სონატების დიდი ნაწილის დანვრილებით ანალიზს.

აშკარად პრიორიტეტულია ქართულ მონოგრაფიაში სხვა წიგნებთან შედარებით, საკვარტეტო შემოქმედებისადმი მიძღვნილი მონაკვეთიც. ამაზე მასალის განლაგებაც მიგვითითებს, რომელიც უშუალოდ მოსდევს სიმფონიური შემოქმედების განხილვას. ეს დამაჯერებელი გადაწყვეტილებაა, რადგანაც განზოგადების მასშტაბებითა და ფილოსოფიური სიღრმით, არც ერთი სხვა ჟანრი ისე არ უახლოვდება სიმფონიურს, როგორც საკვარტეტო. ისიც უნდა ითქვას, რომ ავტორის ტექსტი იმგვარადაა მონოდებული, რომ მკითხველს ბეთჰოვენის საკვარტეტო მუსიკის მნიშვნელობაზე მეტი დაფიქრებისა და სათანადო გააზრებისაკენ უბიძგებს.

სახელმძღვანელოს ჩვეულ სტანდარტებში არ ჯდება აგრეთვე თავები — ოპერა „ფიდელიოს“, საბეიმო მესისა და ვოკალური შემოქმედების შესახებ, რომელთა არამარტო მოცულობაა გაზრდილი, არამედ გაღრმავებულია შინაარსი და შეცვლილია განხილვის რაკურსები, რომ აღარაფერი ვთქვათ ბეთჰოვენის საორგანო შემოქმედებაზე, რომელიც არც ერთ სახელმძღვანელოში არ გამხდარა მსჯელობის საგანი. რუსუდან ქუთათელაძე კი, გვესაუბრება მასზე, როგორც

შემაერთებელ რგოლზე ბაროკოსა და ადრინდელ რომანტიზმს შორის. ასეთი ცვლილებები მიმზიდველს ხდის წიგნს, როგორც სახელმძღვანელოს, ნებისმიერი განყოფილების სტუდენტისათვის და მასაც და პედაგოგსაც არჩევანის საშუალებას აძლევს ყურადღება, ამა თუ იმ, მათთვის საინტერესო ჟანრზე ან თხზულებაზე შეაჩერონ.

ყოველ ჟანრზე საუბრისას, ზოგად მახასიათებლებსა და ისტორიულ ღირებულებებთან ერთად, ავტორი იხილავს მათ ცალკეულ ნიმუშებს. ნაწარმოებების ოპუს-ი, შექმნის თარიღი, ნაწილების სახელწოდებები, ტემპები, ტონალობები, ფორმები, სკრუპულოზური სიზუსტითაა მითითებული, რაც სტუდენტს მნიშვნელოვან ინფორმაციას აწვდის. საანალიზო მასალა ისეა მონოდებული, რომ მკითხველს ეხმარება მუსიკალური განვითარების პროცესის წარმოდგენაში. ამავდროულად, ანალიზი თავისუფალია დეტალებისა და თეორიული წვრილმანებისაგან, რაც ტექსტს უთუოდ დაამძიმებდა და ძნელად მისაწვდომს გახდიდა. თხრობა ლაღი და თავისუფალია, დენადი. პასაჟები სტრუქტურული თავისებურებების შესახებ ტექსტში ძალდაუტანებლადაა ჩართული. ყურადღება მახვილდება მხატვრულ იდეაზე, მუსიკალურ სახეებსა და მათი გამოხატვის ხერხებზე.

წიგნი იწყება შესავლით, რომელიც ვენის კლასიკური სკოლის შესახებ მოგვითხრობს, თუმც ბევრად სცილდება თემის ფარგლებს. ავტორი ვრცლად გვიამბობს ქალაქ ვენის ცხოვრებაზე, ჩვეულებებზე, ლანდშაფტზე, არქიტექტურაზე, ეთნიკურად მრავალრიცხოვან მოსახლეობაზე და მათი მუსიკის სინთეზზე დაფუძნებულ ვენურ ფოლკლორზე, განათლებისა და კულტურის კერებზე, თეატრებზე, მხატვრობაზე, ნიდერლანდურ და იტალიურ გავლენებზე, შინაური მუსიკირების ჩასახვაზე, აქ მოღვაწე კომპოზიტორებზე, მუსიკალური საზოგადოებების ჩამოყალიბება-საქმიანობაზე, სახელოვნებო კოლექტივებზე, საოპერო, საკრავიერ, საგუნდო და სასულიერო მუსიკაზე, სანოტო გამოცემებზე, ენციკლოპედიკებსა და მათ ესთეტიკაზე. ყოველივე ეს, დანერილია ერთი სუნთქვით. თხრობის ტონი ცხოველმყოფელობით ხასიათდება და გატაცებით იკითხება. ავტორი ოსტატურად მიუძღვის მკითხველს ქალაქ ვენის ქუჩებში და დარბაზებში, საზოგადოებრივი ცხოვ-

რების ლაბირინთებში, გვაცნობს ვენელთა ცხოვრების წესებს, ხალისით, ვართობით, მშვენიერებით ტკობის დაუცხრომელი წყურვილითა და სიცოცხლის სიხარულით რომ ხასიათდება.

მოკლე წილსვლები ქალაქის ისტორიულ წარსულში, იმ დროის გამოჩენილ მოღვაწეთა სახელები, თხრობას აცოცხლებენ, დამაჯერებელ სიხარულს ანიჭებენ. ავტორის თხრობით მონუსხულნი, ჩვენდაუნებურად თითქოს ვინაცვლებთ სამი საუკუნით უკან, გვესმის ქალაქის ხმაური, ყვირილ-ხვილი, მუსიკის ხმები, მჩქეფარე რიტმით აღვსილი ქალაქის მაჯისცემა, დუღილით რომ ავსებს მის ცხოვრებას.

მნიშვნელოვანი ადგილი ეთმობა ამ თავში, აგრეთვე, მანჰაიმის სკოლასაც, იქ მოღვაწე მუსიკოსთა დამახარებლად ინსტრუმენტული მუსიკის ევოლუციის პროცესში, რასაც ლოგიკურად ასრულებს ვენის კლასიკური სკოლის სონატურ-სიმფონიური ციკლის თავისებურებებზე, ორკესტრზე და ვენის სკოლის კომპოზიტორთა ღვანლზე საუბარში.

ამ გაჯერებულ ინფორმაციას, რომელსაც ავტორი შესავალში გვანვდის, ხატოვან კონკრეტულობას სძენენ ილუსტრაციები, რომლებიც უხვად არის წარმოდგენილი ტექსტში. რა სახის მასალას არ შეხვდებით აქ: ქალაქის ხედები — ქუჩები და მოედნები; ცალკეული ნაგებობები — გოთური და ბაროკოს არქიტექტურის ნიმუშები; გრაფიკები და ლითოგრაფიები ცნობილი თეატრების გამოსახულებებით; გამოჩენილ მხატვართა ნამუშევრები; ცნობილ ადამიანთა — მწერლების, კომპოზიტორების, შემსრულებლების პორტრეტები. დასურათების ასეთი პრინციპი მთელი წიგნის ბოლომდე დაკული, სადაც წარმოდგენილია ბეთჰოვენის თითქმის ყველა ცნობილი პორტრეტი, მის წინაპართა, ბეთჰოვენამდე და მის დროს მოღვაწე გამოჩენილ ადამიანთა და იმ პიროვნებათა გამოსახულებანი, კომპოზიტორის ბიოგრაფიაში მნიშვნელოვანი როლი რომ შეასრულეს. ყოველივე ეს, მოხდენილად არის ჩართული წიგნის ვერბალურ ტექსტში, რაც ამძაფრებს წაკითხულის შთაბეჭდილებას. მაგრამ ტექსტის დატვირთვას ილუსტრაციებით, სხვა, უფრო შორსმიმავალი მიზანიც გააჩნია — მას საგანმანათლებლო ფუნქცია აქვს! ავტორი ისწრაფვის სტუდენტის თვალსაჩინოების გაფართოებ-

საკენ. თვალსაჩინოების მეთოდს იგი მიმართავს მასალის მისაწვდომობისა და განათლების გაღრმავების მიზნით.

ამავე ფუნქციას ასრულებს, ე.ი. კულტურტრევერულ მისიას ემსახურება წიგნის გვერდების ბოლოებში განთავსებული მრავალრიცხოვანი შენიშვნები და განმარტებები, რომლებიც საშუალებას აძლევენ მკითხველს, მისიულად გაიგოს ცალკეული სიტყვის, ტერმინის, ცნების მნიშვნელობა და ტექსტის სრულყოფილი აღქმისათვის არ დასჭირდეს ხანგრძლივი „მოგზაურობა“ განმარტებით ლექსიკონებში, ენციკლოპედიაში და სხვა ამ ტიპის გამოცემებში.

წიგნის მრავალრიცხოვან ღირსებებს შორის უნდა აღინიშნოს ისტორიზმის პრინციპი. თხრობის პროცესში, ავტორი მუდმივად მიმართავს ისტორიულ თაღებს, ერთმანეთთან აკავშირებს ეპოქალურად განსხვავებულ მოვლენებს, სკოლებს, მხატვრულ მიმართულებებს, თვით ბეთჰოვენის ცხოვრების ეტაპებს, მის ნოვატორულ მიგნებებს ცალკეულ ჟანრში და ჟანრთშორის კავშირებს; მოკლედ, კომპოზიტორის შემოქმედებას წარმოაჩენს წარსულისა და მომავლის მუსიკალური მოვლენების ურთიერთდამოკიდებულების ასპექტში.

წიგნს ამშვენებს და ხიბლს მატებს ავტორის მიერ მოხმობილი დიდი რაოდენობის ციტატები, გამოჩენილი კომპოზიტორების, მწერლების, დირიჟორების, მკვლევარების გამონათქვამები. ისინი დიდ როლს ასრულებენ მკითხველის ცნობიერებაში ბეთჰოვენის სახის გამოქრწვამი და სახელმძღვანელოს მონოგრაფიული ჟანრის ნიშნებით ამდიდრებენ. ეს ჩანართები სიხასხასეს სძენენ და აცოცხლებენ თხრობას, ქრონოლოგიური თანმიმდევრულობის ელფერს აძლევენ ჟანრებად წარმოდგენილ მასალას. ციტატებს წონას მატებს მათი ავტორები ვინაობაც — შუმანი, ბერლიოზი, ვაგნერი, როლანი და სხვები... მათი, და წიგნში მოხსენიებული ყველა პირის შესახებ ცნობები სახელთა საძიებელშია მოთავსებული.

სახელთა საძიებლის დართვა სახელმძღვანელოსათვის, კვლავ მიუთითებს მისი საზღვრების გაფართოებაზე მონოგრაფიისათვის დამახასიათებელი ნიშნებით. ისევე, როგორც ილუსტრაციების შემთხვევაში, ეს აიხსნება ავტორის განმანათლებლური მისწრაფებებით,


სურვილით, მკითხველმა გაიაზროს, თუ რა პერსონებზეა საუბარი.

წიგნის უდიდეს ღირსებად მიმაჩნია ბეთჰოვენის შემოქმედების დაკავშირება ქართულ მუსიკალურ ცხოვრებასთან. ყოველ თხზულებაზე საუბარს ავტორი ასრულებს ცნობებით მათი გამორჩეული შემსრულებლების შესახებ, და აქვე გვითითებს, თუ როდის და ვის მიერ მოხდა მათი პირველი აუდიონგრაფიების ჩაწერა. ამ მოკლე ცნობების მოპოვება, ზოგჯერ ორიოდ წინადადებაში რომ თავსდება, ავტორისაგან დიდ ძალისხმევს მოითხოვს, რადგანაც ქართულ მუსიკალურ სივრცეში აშკარაა მსგავსი საცნობარო ლიტერატურის დეფიციტი და ავტორი მას მზამზარეულად ვერ მიიღებს. ძნელი წარმოსადგენი არ არის, თუ რამდენ დაკარგულ დროსთან, საარქივო მასალების დამღლეულ „ქექვასთან“ არის დაკავშირებული რუსუდან ქუთათელაძის ეს „ემირობა“. ამ ფაქტების სახელმძღვანელოში დაფიქსირებით, იგი პატივსაც მიაგებს ბეთჰოვენის მუსიკის პირველ ქართველ შემსრულებლებს, მათ სახელებსაც ნერგავს ახალგაზრდების ცნობიერებაში და საქართველოს ჩართულობასაც გვიჩვენებს მსოფლიოში მიმდინარე მუსიკალურ პროცესებში.

და ბოლოს, არ შეიძლება განსაკუთრებით არ აღინიშნოს სახელმძღვანელოს ენა — გამართული, დახვეწილი და მდიდარი ქართული, ნაცვლად რუსულიდან თარგმნილი სასწავლო წიგნების კალკირებული ენისა. ავტორის მიერ ქართული ენის საგანძურში ნაპოვნი სიტყვები, რომლებიც ორგანულადაა „ჩასმული“ სამუსიკისმცოდნეო ლექსიკაში, სტუდენტს აზრის მშობლიურ ენაზე ჩამოყალიბების მისაბამ მაგალითს აძლევს და პროფესიის დაუფლებასთან ერთად, საკუთარი ენის ცოდნასაც უღრმავებს.

უნდა ითქვას, რომ წიგნი დიდხანს ელოდა დღის სინათლეს. ქართველი საქმიანი წრეებისადმი მიმართული არაერთი თხოვნა ამ საკითხზე, სამწუხაროდ, უპასუხოდ და თანაგრძნობის გარეშე რჩებოდა. რაგონდ უცნაურადაც უნდა მოგეჩვენოთ, მისი გამოცემა საქართველოს უცხოელი მეგობრების ფინანსური მხარდაჭერით მოხერხდა. ესენი არიან: **როზვიტა და მაქსიმილიან ედერები, არტურ გრაუბერგერი, დაგმარ და გიუნტერ ბაუერები, კორნელია და ულრიხ რაიხერ-**

მაიერები, მიხაელა და მაქს ვებერები. ეს ადამიანები უდაოდ იმსახურებენ ქართველი საზოგადოების ღრმა მადლიერებას. მათი დახმარებით შესაძლებელი გახდა ქართველი ავტორის მიერ ქართულ ენაზე შექმნილი პირველი მონოგრაფიისა და სახელმძღვანელო წიგნის გამოცემა ბეთჰოვენზე, რითაც ეროვნულ მუსიკალურ ბიბლიოთეკას შეემატა ღირსეული ნაშრომი, რომელიც ახალგაზრდობას არამარტო საფუძვლიან ცოდნას მისცემს ამ გენიალურ კომპოზიტორზე, არამედ გაულრმავეებს თვალსაწიერს ევროპული მუსიკის ისტორიის მთელ რიგ საკითხებზე, რაც ბეთჰოვენის შემოქმედების კონტექსტში სხვადასხვა სტილის, მიმართულების, სკოლის, მუსიკალური ფორმების, მსოფლიოს გამოჩენილ ხელოვანთა და ცნობილ შემსრულებელთა შესახებ მონოდებულ ინფორმაციას გულისხმობს. და რაც ძალზე მნიშვნელოვანია, ყოველი ადამიანი, რომელიც ამ წიგნით შევა ბეთჰოვენის შემოქმედების სამყაროში, ამავედროულად გააცნობიერებს მშობლიური ენის სიმდიდრეს და ისწავლის მუსიკის შესახებ მადლიანი ქართულით საუბარს.



ცნობილი ქართველი მუსიკოლოგის, ხელოვნებათმცოდნეობის დოქტორის, ჟურნალისტიკისა და პედაგოგის ნანა ქაჭთარაძის წიგნი, რომელიც ახლახან დაისტამბა (რედაქტორი მანანა ახმეტელი, დიზაინერი ბესიკ დანელია) „საქართველოს მუსიკალური სამოგადობის“ ძალისხმევით, უკვე გაიყვანა და სათანადოდ შეაფასა ქართველმა მკითხველმა.

წიგნის ავტორის აღიარებით, იგი „მიძღვნილია იმ ადამიანებისადმი, რომელთა ცხოვრება შემოქმედების უძველეს დიდ ნამებზეა განფენილი“. მასში გალაკტიონის შთაგონებული სიტყვებითაა „ერთ კონად შეკრული“ ავტორის ლიტერატურული მემკვიდრეობის მხოლოდ ერთი ნაწილი – მუსიკოლოგიური ნარკვევების, ესეების, პორტრეტული ჩანახატების, რეცენზიების, საინტერესოდ წარმართული შემოქმედებითი დიალოგების სახით, რომელთა უმრავლესობა უკვე იყო სხვადასხვა დროს გამოქვეყნებული სამეცნიერო გამოცემებსა თუ პრესაში. მთელი ეს ჟანრობრივად

და თემატურად მრავალფეროვანი მასალა მოიცავს ფართოდ, კონცეპტუალურად მოაზროვნე მეცნიერ-ხელოვანის ღრმად პროფესიულ ნიაღვრებს არა მარტო ქართული მუსიკის, არამედ ლიტერატურის, კინოს, თეატრის სფეროში. ზოგად, და უფრო კერძოდ, ინდივიდუალურ მოვლენებთან, ეროვნული ცნობიერების, ზოგადკაცობრიულ, მარადიულ ფასეულობათა, ეპოქის სტილის, შემოქმედებით პროცესებთან კავშირში და თვით ხელოვნების სხვადასხვა დარგების, მათ შორის მუსიკისა და პოეზიის ურთიერთმიმართებაში, რაშიაც წიგნის ავტორი მაღალ პროფესიულ კომპეტენციას და მკაფიოდ გამოხატული ინდივიდუალური ხედვის უნარს ავლენს. ყოველივე ეს განაპირობებს ნ. ქაჭთარაძის წიგნის, უწინარეს ყოვლისა, წმინდა შემეცნებით მნიშვნელობას. მაგრამ ამ წიგნის ღირსებას კიდევ უფრო აძლიერებს მასში მეცნიერულ-რაციონალურისა და მხატვრულ-შემოქმედებითის ჰარმონიული ერთიანობა. და ეს არცაა შემთხვევითი, რადგან ავტორი თავადაა დაჯილდოებული ლიტერატურული ნიჭით, მხატვრული, პოეტური წარმოსახვის, ფორმის განსაკუთრებული შეგრძნების უნარით. განსაკუთრებით გამოვარჩევ ამ თვალსაზრისით ემოციურად ამალღებულ, თავისებურ პროზაულ ოდას წიგნის პროლოგში – „ეს ჩემი ქვეყანაა – საქართველო“, ხოლო წიგნის „ლირიკულ ეპილოგში“, ნარკვევებს – „მუსიკალური პანთეონი“, „წინაპართა ხსოვნას“ და „ბიოგრაფიულ ჩანახატებს“.

ნ.ქაჭთარაძე ბედმინწევნით ფლობს კალამს, წერს ემოციურად, ხატოვნად, მაღალი, დახვეწილი ლიტერატურული სტილით. ამიტომ მისი წიგნი არა მარტო ინტერესით იკითხება, არამედ ესთეტიკურ სიამოვნებასაც განიჭებს და ამით ბოლომდე ამართლებს წიგნის სათაურად გამოტანილ გალაკტიონის რომანტიკული მგზებარებით დამუხტულ სიტყვებს – „ო, უძველესო დიდი ნამო შემოქმედებ“

დოდო გოგუა

P.S.რედაქციისაგან: ქ-ნ ნანა ქაჭთარაძეს 2013 წელს წიგნში „მ, უძველესი დიდი ნამო შემოქმედების“ მინიჭა საქართველოს სახელმწიფო პრემია.

ჟურნალის რედაქცია და მთელი მუსიკალური საზოგადოება გულითადად ულოცავს ცნობილ მუსიკისმცოდნეს ამ საპატიო ჯილდოს.

უინტონ მარსალისი

15 წელი ვამზადებდი ამ სახელწოდებით გადაცემას რადიო 2-ში, ქართული რადიოს მსმენელებისთვის და ახლა, საქართველოში ერთადერთ პროფესიულ მუსიკალურ ჟურნალში მსურს მოვიპატიჟო რადიომსმენელი, ანუ ახლა უკვე მკითხველი და შევთავაზო იმპროვიზაციის უკიდევანი სამყარო, თავისუფლების მაღალი ხარისხი, ე. ი. ჯაზი, რომლის განსაზღვრება დიდი მუსიკოსების განმარტებით ფუჭი საქმეა.

კონტრეკოლუციონერი

ჯაზის განვითარების მთელი ისტორიის მანძილზე, ისევე როგორც ზოგადად, ხელოვნების ევოლუციის გზაზე მუდამ ჩნდებიან პერსონები, რომელთა მისიაა რევოლუციური ძვრები, სიახლის დამკვიდრება და თანამოაზრეთა მთელი არმიის შეიარაღება, უკვე არსებულის წინააღმდეგ. „დაიდი მიზნის“ მისაღწევად ყველა ხერხი მისაღებია, თვით მსხვერპლშენირვის ჩათვლით და სწორედ ამ თავბრუდამხვევ ორომტრიალში, ხშირ შემთხვევაში, დაუმსახურებლად იკარგება ჭეშმარიტი, ჯანსაღი და საფუძვლიანი რამ, რაც საყრდენს ქმნის მომავალი განვითარებისთვის. მხოლოდ ძალზე თვითდაფერებულს, ტრადიციების ღრმად მცოდნეს ძალუძს წინ აღუდგეს რევოლუციურ ქარიშხალს, დინების საწინააღმდეგოდ გამოცუროს და სხვაც დაააფეროს არჩევანის სისწორეში.

მე, უინტონ მარსალისზე ვსაუბრობ – ჩვენი დროის „გამოუსწორებელ კონტრეკოლუციონერზე“, რომელმაც საკუთარი რენომეს სავარაუდო შელახვის ხარჯზე არათუ შეძლო ტალღის შეჩერება, პირიქით, სათავეში ჩაუდგა „Repertory Jazz Movement“-ის (სარეპერტუარო ჯაზში იგულისხმებოდა ჯაზური კლასიკური ნიმუშების ძველი არანჟირებების რესტავრაცია შესრულების მიზნით) მომხრეებს.

XXს-ის 80-90წწ. კვლავ დადგა ბიგ-ბენდების აღორძინების ხანა და 5 ათეული წლის შემდეგ თითქმის გაცოცხლდა სვინგის პერიოდის ლეგენდარული





მარსალისების ოჯახი

კოლექტივები – ბენი გუდმენის, გლენ მილერის, ჩარლი მინგუსის.... ამ ახალი კოლექტივების მნიშვნელობა გაუტოლდა ფილარმონიულ ორკესტრებს. გამოიკვმოდა აბონემენტები თემატურ საკონცერტო პროგრამებზე და ამ შეთავაზებას ენთუზიამით პასუხობდა ღირსეული თეთრკანიანი საზოგადოება. მოვლენების ამგვარმა განვითარებამ განაპირობა ახალი საზოგადოებრივი აზრის – წინ ღირსეული წარსულისკენ – ფორმირება.

1991 წელს, ნიუ-იორკში, მართლაც პრესტიჟულ ლინკოლნ-ცენტრში, მაღალი ხელოვნების ტაძარში, სადაც მხოლოდ სერიოზული, აკადემიური მუსიკა ჟღერდა ხოლმე, დაფუძნდა ჯაზის განყოფილება, ნე-ლინადაში, 2 მილიონი დოლარის მქონე ბიუჯეტით და ლინკოლნ-ცენტრის საჩვენებელი ჯაზ-ორკესტრის სამხატვრო ხელმძღვანელად დაინიშნა უინტონ მარსალისი. ისტორიაში პირველად, საზოგადოებრივი ინსტიტუტის სათავეში მოექცა შავკანიანი ჯაზის მუსიკოსი, რომლის მიზანი ჯაზის მიმართ საზოგადოების, განსა-

კუთრებით კი ახალგაზრდების ინტერესის და მოწინებულის დამოკიდებულების გაღვივება იყო.

ოჯახი

მარსალისების ჯაზური ოჯახური კლანის შესახებ დიდი ხანია საუბრობენ მშობლიური ნიუ ორლეანის საზღვრებს გარეთაც და ხშირად უწოდებენ „პირველ ოჯახს“, რადგან მამა – ელისი – პიანისტი და მასწავლებელია, ნ ვაჟიშვილიდან ბრენფორდი საქსოფონისტი, დელფეო – ტრომბონისტი და ჩამწერი სტუდიების პროდიუსერი, ჯეისონი – დრამერი.

მიუხედავად იმისა, რომ უინტონი არასდროს დაოჯახებულა 3 ვაჟიშვილი ჰყავს, 2 კანდას სტენლისგან და 1 ვაჟი ცნობილი მოცეკვავისა და მსახიობის ვიქტორია როულისგან. ვაჟიშვილები გატაცებულნი არიან მუსიკით და ცდილობენ სხვადასხვა საკრავის დაუფლებას. „არ ვიცი ვახდებიან თუ არა ისინი მუსიკოსები.

მე არ ვცდილობ მათზე გენოლას. და კიდევ, არასდროს ვსაუბრობ მათთან იმის შესახებ, თუ რას ვაკეთებ” – უინტონ მარსალისი.

ხელწერა ბიოგრაფიული შტრიხების ფონზე

უინტონის უდიდესი წარმატების მიზეზი ნიჭიერებასთან ერთად მუსიკოსის პროფესიონალიზმია, რომელიც გამყარებულია საფუძვლიანი განათლებით, რაც არცთუ ხშირია ჯაზურ სამყაროში. კლასიკურ საყვირის სწავლობდა პოპულარულ სასწავლებელში – “New Orleans Center for Creative Arts” (ნიუ ორლეანის კრეატიული ხელოვნების ცენტრი), ხოლო შემდეგ “Julliard School”-ში (ჯულიარდის სკოლა) და უკვე 14 წლის ასაკში ნიუ ორლეანის სიმფონიურ ორკესტრთან ერთად ასრულებს ჰაიდნის კონცერტს. ამავე პერიოდში მისი მოსმენა შეიძლება ფანკ-ჯაზურ შემადგენლობებში, გატაცებულია მაილს დევისის, ლუი არმსტრონგის, „ფეტს“ ნავაროს, კლიფორდ ბრაუნის და ფრედ ჰაბარდის შემოქმედებით.

თავდაპირველად ცნობილ ბენდში “Messengers” და პარალელურად ბრუკლინის ფილარმონიაში მუშაობს. მალე მაილს დევისის მეგობრების – ჰერბი ჰენკოკის, რონ კარტერის და ტონი უილიამსის კვარტეტის წევრი ხდება და ბი-ბოპის პერიოდში ძალებს იკრებს.

მისი სტილი ბრწყინვალეობით და სრულფასოვნებით ხასიათდება. მოქნილი, ნათელი და თბილი ბგერა შემოქმედების დასაწყისში მომავალშიც მახასიათებელ ჟღერადობად რჩება როგორც კლასიკურ კონცერტებში, ასევე მის მიერ დამკვიდრებულ ნელ, უცნაური სევდით სავე „მედიტაციურ“ კომპოზიციებში. კლასიკური მუსიკის ესთეტიკა საოცარი ორგანულობით შეერწყა ჯაზის თავისუფლებას და შეიქმნა მარსალისის, კომპოზიტორის, იმპროვიზატორის და არანჟირების ოსტატის განუმეორებელი ხელწერა.

JLCO – ანუ ლინკოლნ-ცენტრის ჯაზ-ორკესტრი

არ იქნება გადაჭარბებული ითქვას, რომ ეს კოლექტივი, არა მარტო ამერიკაში, ზოგადად ჯაზის სამყაროში ქმნის გემოვნების ერთ-ერთ ყველაზე მაღალ თამასას.



სტუმრად თეთრ სახლში

ბენდის ნებისმიერი გამოსვლა მოვლენაა და განხილვის საგანი. კრიტიკა „ჩასაფრებულია“ და ხშირად მეტრის ამბიციურ პროექტებს გამანადგურებელი სტატიებით პასუხობს. არც კოლეგები იშურებენ „შეფასებებს“ JLCO-ს ხელმძღვანელის მიმართ და „ქარავანი მაინც მიდის...“

ჩამოყალიბების პროცესი კი ხმაურიანი სკანდალებით მიმდინარეობდა. ხელმძღვანელმა ჯერ 30 წელს გადაცილებული უკლებლივ ყველა ორკესტრანტი დაითხოვა, რა თქმა უნდა, თვით უინტონის გარდა. დათხოვნა შეეხო ყველა თეთრკანიანსაც. რასიზმში ბრალდებულს დაუმეტეს კლანურობისა და პროტექციონიზმში მხილება, რადგან პირველივე ნაწარმოები, შესრულებული ორკესტრის მიერ, თვით უინტონისა აღმოჩნდა. „მან საკუთარ თავს დაუკვეთა ნაწარმოები, როგორც თანამედროვეობის უდიდეს კომპოზიტორს და ამ თხზულებისთვის დიდი ჰონორარიც გამოიწერა“.

მორიგი შეკვეთებისთვის ის დაახლოებულ ახალგაზრდა კომპოზიტორებს იწვევს. მარსალისის აზრით „მხოლოდ მათ აქვთ უფლება ატარონ „ნამდვილი ჯაზმენის“ სახელი და გაუფრთხილდნენ და შემოქმედებითად განავითარონ კლასიკური მემკვიდრეობა“.



მასტერკლასი

„აღაძიანებს კარგი ტექნიკის საფუძვლად სისწრაფე მიაჩნიათ... მაგრამ მთავარი ეს არ არის: ტექნიკის ყველაზე მთავარი ასპექტია გრძნობა, აი, გასაღები ნებისმიერი მუსიკის აღსაქმელად... იმისათვის, რათა „ჩავავლოთ“, რომ ის არის გაგრძელება რაღაც ახლის, კარგად უნდა გავიგოთ, საერთოდ რაზეა საუბარი. და თუ ამას ვერ მოახერხებთ, მაშინ, თქვენ ვერ გაიგებთ პროგრამის იმ ნაწილს, რომელიც, შესაძლოა განსაკუთრებით მნიშვნელოვანია ჩემთვის...“.

„მოდერნისტებს არ აქვთ უფლება თავის ნაგავს ჯაზი უწოდონ. და ამას ორი მიზეზი აქვს, პირველი – ავანგარდისტები ელემენტარულად უვიცები არიან და არ გაუვლიათ მკაცრი სკოლა და ვერ ფლობენ საკრავს, მეორე – მათ პროდუქციას სტილისტურად არაფერი აქვს საერთო ჯაზთან...“.

„ჯაზმენი უნდა გამოიყურებოდეს ელეგანტურად, მდიდრულად და სუფთად... კოსტუმი ჯაზმენების ტრადიციული სამოსია. ჯაზმენი საზოგადოების სამსახურ-

შია და ამიტომ უნდა გამოხატავდეს პატივისცემას მაყურებლებისადმი...“.

ესაა ამონარიდები მასტერკლასზე ნათქვამიდან.

მხოლოდ შედეგს აღვნიშნავ, – უინტონ მარსალისის მასტერკლასებმა რადიკალურად შემოაბრუნა ახალგაზრდობა ჯაზისკენ და ერთიორად გაზარტა აუდიტორია.

კვარცხლები

უინტონი დაჯილდოებულია 9 გრემით, როგორც მესაყვირე და როგორც კომპოზიტორი, მიღებული აქვს სხვადასხვა ქვეყნის ათეულობით საგულისხმო ჯილდო, მისი ორატორია – „Blood on the fields“ („სისხლიანი ველები“) აღინიშნა ამერიკის ერთ-ერთი პრესტიჟული და მაღალი პულიტცერის პრემიით (Pulitzer Prize). გამოცემულია 80-მდე ალბომი, როგორც მინვეულ ჯაზმენს მონაწილეობა აქვს მიღებული 20-მდე ალბომში.

1996 წელს ლინკოლნ-ცენტრში შეიქმნა ქვესტრუქ-



ტურა – Jazz at Lincoln Center – მარსალისის ხელმძღვანელობით. 2004 წელს მან გახსნა “Frederick P. Rose Hall”-ი, – ჯაზის სამყაროში პირველი დანესე-ბულება, რომელიც დამოუკიდებელი ქვესტრუქტურებისგან შედგება: სპეციალურად ჯაზისთვის შექმნილი საკონცერტო დარბაზი, ხმის ჩამწერი და სატელევიზიო სტუდია, სარეპეტიციო და სასწავლო-საგანმანათლებლო განყოფილებები.

ესპანეთში, ვიტორია-გასტეიში დგას უინტონისადმი მიძღვნილი ქანდაკება.

განსაკუთრებულად აღინიშნა მისი წიგნები და სახელმძღვანელოები:

“Sweet Swing Blues on the Road”, “Jazz in the Bittersweet Blues of Life”, “To a Young Musician: Letters from the Road”, “Jazz ABZ” (ან “A to Z collection of poems celebrating jazz greats”) და უინტონის ყველაზე ცნობილი და წარმატების მომტანი წიგნი: “Moving to Higher Ground: How Jazz Can Change Your Life”.

P. S.

“ხე ხომ ფესვებიდან იწყება ...”

უინტონ მარსალისი, გამოჩენილი ჯაზმენი, ძლიერი კლასიკური ინსტრუმენტალისტი, მესაყვირე, კომპოზიტორი, მუსიკის პედაგოგი, „ჯაზ-ლინკოლნ-ცენტრის“ ხელმძღვანელი და ამავე ცენტრის ორკესტრის სამხატვრო ხელმძღვანელი.

ბოლოსიტყვა

უინტონ მარსალისის შემოქმედება, მისი მოღვაწეობა ჯაზის მოყვარულთა მუდმივი ინტერესის საგანია. მათ შორის ჩემიც, ამიტომ ეს „პორტრეტი“ მხოლოდ წაწილობრივ შევიქმნით წარმოდგენას დიდ მუსიკოსზე. ეძიეთ თავად და აუცილებლად აღმოაჩენთ საკუთარ უინტონ მარსალისს...

სტარტი აიღო კონკურსმა „ახალგაზრდა მუსიკოსი“, რომელსაც სპონსორობას უწევს ბი-ბი-სი. კონკურსი 1978 წლიდან მოყოლებული, ორ წელიწადში ერთხელ ტარდება. აქედან იღებს სათავეს ისეთი მუსიკოსების კარიერა, როგორებიც არიან ტომას ედესი, ელისონ ბოლსომი, ფრედი კემპი. ჟიურის თავმჯდომარე იქნება წარსულში ამავე კონკურსის გამარჯვებული მევიოლინე ქ-ნი ნიკოლა ბენედეტი.

კონკურსი, ჩვეულებისამებრ, ჩატარდება კლასიკური მუსიკის 5 კატეგორიაში – ლითონის სასულე ინსტრუმენტები, კლავიშინი, პერკუსიული, სიმებიანი და ხის ჩასაბერი ინსტრუმენტები. ამ კატეგორიებში გამარჯვებულები ნახევარფინალში იბრძობებიან ფინალური სამი ადგილისათვის.

კონკურსი ჩატარდება 2014 წლის 18 მაისს აშერ-ჰოლში, ედინბურგში. მუსიკოსებს აკომპანემენტს გაუწევს ბი-ბი-სის შოტლანდიური სიმფონიური ორკესტრი კირილ კარაბიცის ხელმძღვანელობით.

პარალელურად გაიმართება კონკურსი „ჯამის ახალგაზრდა მუსიკოსი“. კონკურსის ფინალი შედგება 2014 წლის 8 მარტს.

ლონდონის ოტელში «Dorchester» შედგა დიდი ბრიტანეთის სამეფო ფილარმონიული საზოგადოების პრემიებით ყოველწლიური დაჯილდოება, რომელიც მიჰყავდა ჯანეტ ბეიკერს.

პრემია საოპერო/მუსიკალური თეატრის სფეროში მიენიჭა შტოკჰა-

უმენის 6 საათიანი ოპერის „გარემოს“ დადგმას, რომელიც განახორციელა ბირმინგემის საოპერო თეატრმა.

დირიჟორებიდან პრემია მიენიჭა ბორტმუნდის სიმფონიური ორკესტრის ხელმძღვანელს კირილ კარაბიცს, ვოკალში – მეცო-სოპრანო სარა კონოლისს, ინსტრუმენტალისტებიდან – ჰიანისტ სტივენ ოსბორნს.

ანსამბლების კატეგორიაში – ორკესტრს «Britten Sinfonia», კატეგორიაში „ახალგაზრდა არტისტები“ – კვარტეტს «Heath Quartet».

კომპოზიტორ ჯერალდ ბერის მიენიჭა პრემია ოპერისათვის „რამდენად მნიშვნელოვანია იყო სერიოზული“, ხოლო კამერულ ჟანრში პრემია გადაეცა კომპოზიტორ რებეკა სონდერსს ნანარმოებისათვის «Fletch», რომელიც გასული წლის ნოემბერში, ვიგმორ-ჰოლში პირველად შესარულა კვარტეტმა «Arditti Quartet».

23, 24, და 25 მაისს ბ.პოკროვსკის სახელობის კამერულ მუსიკალურ თეატრში გაიმართა იტალიელი კომპოზიტორის პიერანჯელო ვალტინონის ოპერა „პინოქიოს“ საპრემიერო დადგმები.

ეს მუსიკალური ზღაპარი არ ჰგავს ჩვენთვის ნაცნობ ბურატინოს ისტორიას. ნაცნობი პერსონაჟების გარდა აქ ჩნდება უზარმაზარი ჯადოსნური სამყარო – ცხოველებისა და ფრინველების, თოფინებისა და ფერების – რომლებიც პინოქიოს გარშემო არიან.

პიერანჯელო ვალტინონი (1959) –იტალიელი კომპოზიტორი, დირიჟორი და ორგანისტი. მუსიკა ბავშვები-

სათვის მისი შემოქმედების ერთ-ერთი უმნიშვნელოვანესი სფეროა. განსაკუთრებული პოპულარობა მოიპოვა მსოფლიოში ყველასათვის საყვარელი ზღაპრების მიხედვით დაწერილმა ოპერებმა: „პინოქიო“, „ზამთრის დედოფალი“ და „ბიტუნა ვიოლინოთი“, რომლებიც დიდი წარმატებით იდგმება ევროპის სხვადასხვა ქალაქებში.

ოპერა „პინოქიო“ დაიწერა 2001 წელს ვიჩენცეს (იტალია) Teatro Olimpico-ს შეკვეთით, სადაც შესრულდა კიდევ ავტორის ხელმძღვანელობით. 2006 წელს, ბერლინის Komische Oper თეატრის დაკვეთით კომპოზიტორმა შექმნა ახალი ვერსია. სწორედ ამ რედაქციით მოიპოვა ოპერამ წარმატება ევროპაში.

„ოქროს ნიღბის“ პრემიის ნომინანტმა, ახალგაზრდა რეჟისორმა ეკატერინა ვასილევამ და მხატვარმა ალექსანდრ არეფიევამ შექმნეს ელვარე, დინამიკური სპექტაკლი.

23 წლის ახალგაზრდა ბრიტანელ დირიჟორს ბენ გერნონს მიენიჭა ზალცბურგის ფესტივალის პრემია “Young Conductors Award”. პრემია ფულადი ჯილდოს გარდა დირიჟორს აძლევს შესაძლებლობას ფესტივალის ფარგლებში უდირეჟორის ვუსტავ მალერის ახალგაზრდულ ორკესტრს. კონკურსის ფინალში ბრიტანელმა დირიჟორმა ჰიანისტ სოფი პაჩინისთან ერთად შესარულა მოცარტის, ბეთჰოვენის და პიტერ მაქსველ დევისის ნანარმოებები.

კონკურსის ფინალისტები გახდნენ აგრეთვე ჩინელი იუ ლიუ და ესპანელი ანტონიო მენდესი. სულ კონ-

კურსში 82 განაცხადი იყო, შერჩევის შემდეგ კი კონკურსში მონაწილეობის უფლება 16 დირიჟორმა მიიღო.

ამ კონკურსში გამარჯვება ნებისმიერ დამწყებ დირიჟორს დიდ შესაძლებლობებს ანიჭებს – უქმნის მათ სათანადო პლატფორმას მომავალი წარმატებისა და პოპულარობისათვის.

ბოსტონის სიმფონიურმა ორკესტრმა გამოაცხადა 2013-2014წწ. პროგრამა. ამ სეზონში ორკესტრს უდირიჟორებს ლორინ მააგელი, ანდრის ნელსონი, რობერტ სპანო, შტეფან დენევი, დანიელ გარდინგი, ენდრიუ დევისი და სხვ. რა თქმა უნდა, ყველა მათგანი ვერ იქნება ორკესტრის პოტენციური მუსიკალური დირექტორი.

მიმდინარე სეზონში ორკესტრი გვემავს ტურნეებს იაპონიასა და ჩინეთში.

ლორინ მააგელი შესრულებს ბრიტენის “სამხედრო რეკვიემს”, ბეთჰოვენის 5 საფორტეპიანო კონცერტს (სოლისტი ედმ ბრომფმანი), და წარმოადგენს საკონცერტო შესრულებით რ. შტრაუსის ოპერას „სალომე“.

ევროპის უმეტეს ქვეყნებში ფუნქციონირებს ერთი, ზოგ ქვეყანაში კი რამდენიმე ახალგაზრდული ორკესტრი. აშშ-ში კი აქამდე არ ყოფილა ახალგაზრდული ორკესტრი.

ნიუ-იორკის კარნეგი ჰოლმა გამოიჩინა ინიციატივა შეექმნა ნაციონალური ახალგაზრდული ორ-

კესტრი. მასში შევიდა სხვადასხვა შტატში მოღვაწე 120 მუსიკოსი 16-დან 19 წლამდე. 30 ივნისიდან ისინი დაიწყებენ რეპეტიციებს ნიუ-იორკის შტატის Purchase College-ში, ხოლო შემდეგ გამართავენ კონცერტებს ვალერი გერგიევის ხელმძღვანელობით.

პირველი კონცერტი გაიმართება ვაშინგტონში, კენედის ცენტრში, შემდეგ მოსკოვში, სანკტ-პეტერბურგში და ბოლოს ლონდონში.

ლონდონში ჩატარდა საერთაშორისო საოპერო პრემიების – «International Opera Awards» – პირველი დაჯილდოება. წლის რეჟისორად და საუკეთესო ახალი საოპერო დადგმის ავტორად დასახელდა რუსი რეჟისორი დიმიტრი ჩერნიაკოვი. იგი დაჯილდოვდა ნ.რიმსკი-კორსაკოვის ოპერის „თქმულება უხილავ ქალაქ კიტეჟსა და ქალწულ თებრონიამზე“ დადგმისათვის. სპექტაკლის პრემიერა შედგა ერთი წლის წინ ნიდერლანდებში, ამსტერდამის მუსიკალური თეატრის სცენაზე.

წლის დირიჟორად დასახელდა კოვენტ-გარდენის სამეფო თეატრის მუსიკალური დირექტორი ანტონიო პაპანო. ნომინაციაში „საუკეთესო მომღერალი“ გამარჯვდა გერმანელმა დრამატულმა ტენორმა იონას კაუდმანმა, იგი ასევე გახდა ონლაინ-გამოკითხვის Opera Magazine-ის გამარჯვებული. ქალთა ნომინაციაში გამარჯვდა შვედმა მომღერალმა ნინა შტემემ (ლირიკულ-დრამატული სოპრანო).

ნომინაციაში „მსოფლიო პრემი-

ერა“ გამარჯვდა ბრიტანელი კომპოზიტორის ჯორჯ ბენჯამენის ოპერამ „დანერილია ტყავზე“, რომელიც მან შექმნა ფესტივალისათვის Festival d'Art Lyrique.

საუკეთესო ჩანაწერებად აღიარეს «Decca»-ს ფირმის მიერ გამოცემული ჰენდელის ოპერა „ალესანდრო“ და გერმანელი ბარიტონის კრისტიან გერხაიერის მიერ შესრულებული რომანტიკული არიების CD (Sony).

«International Opera Awards»-ის პრემიები – რომლის დამფუძნებელთა შორისაა ჟურნალ “Opera Magazine”-ის მთავარი რედაქტორი ჯონ ელისონი, რადიო-არხი Classic FM და უდიდესი საოპერო მომღერალი პლასიდო დომინგო – გაიცემა 22 ნომინაციაში და იგი მიიჩნევა „ოსკარის“ საოპერო ანალოგად.

20 აპრილს, მოსკოვში, ჰელიკონოპერის სცენაზე აღინიშნა ქართველი მუსიკოსის, პიანისტის, კონცერტმასტერის და პედაგოგის, საქართველოს სახალხო არტისტის, რუსეთის დამსახურებული არტისტის, პროფესორის ვაჟა ჩაჩავას 80 წლის იუბილე. სსოვნის საღამოზე აუღერდა პ.ჩაიკოვსკის, ფ.პუტუნკის, ს.რახმანიოვის, ნ. მეტნერის, გ. სვირიდოვის ვოკალური ნაწარმოებები. ვოკალისტებს აკომპანირებას უწევდნენ ვაჟა ჩაჩავას მონაფეები, ამჟამად უკვე გელიკონ-ოპერის კონცერტმასტერები: ლენა სასულნიკოვა, მიხაილ ევიზარიანი, სურგეი ჩეჩეცკო.

**Festival
Gulbat Toradze**

**April: A Month Wealthy and Pregnant of
Music**

April has traditionally been a month fertile and diverse with musical impressions. This year, however, has hit fresh highs: starting from 2nd April and through the entire month, concert halls throughout our city daily played host to various musical events.




The author picks out three impressive marathon cycles: Tbilisi Festival of Choir Music, «Tbilisi Concertino» Festival Anniversary and traditional (5th) series of Mikeladze Musical Center – Counterpoint. The article describes values and peculiarities of all the three events.

**Names That Made an Epoch
Farewell - Ioseb Kechakmadze**

The Letters (authors: editorial board of the Music Magazine; composers Ioseb Bardanashvili, Rusudan Khorava; conductor Revaz Takidze; choirmasters Zaira Vadachkoria, Gela Vadachkoria; musical experts: Rusudan Kutateladze, Mzia Japaridze; theatrical expert Vaja Dzigu) serve to say farewell to a renowned Georgian composer, grandmaster

of choir music, and just an exceptional individual – Ioseb Kechakmadze.

The article emphasizes the composer’s invaluable contribution to the creative life of Georgian Composers’ Union.



**Education
Tea Kipiani
Camerton’s German Accomplishments**

German social organization Eurocon EV aims at development of teenage musical education, cultural cooperation and support of youth exchange programs. In 2011 Georgia became another country that joined the organization’s scope of activities. In the project our country is represented and led by pianist Kira Lelashvili.



Six participants for Camerton 2013 tour were selected. These are Salome Jordania (piano), Giorgi Oikashvili (clarinet), Inal Jioev (hoboe) from E. Mikeladze Central Musical School; Irma Gigani (piano) and Nodar Mdivani (clarinet) from the Musical Seminary at V. Sarajishvili State Conservatory; Sendi Vartanov (violin)

of the Youth Talents' School. They have had 7 successful concerts in various German cities. There has even been an incident when Giorgi Oikashvili's instrument turned out to be out of order due to its old age. The musician made a big effort to perform in front of the audience without any technical defects. The audience included two people – Rose and Hans-George Englishs, who heard about the incident and they did not tarry with charity. Mrs. English was fascinated by Giorgi's performance and helped him in buying a new clarinet. Giorgi has returned to Georgia equipped with a brand new French Buffet Crampon. Such generosity is really noteworthy.

The article also includes an interview with the musical manager of the project, piano player Kira Lelashvili.

Concerts

Gulbat Toradze

New Impressions

The article describes a concert given by an instrumental trio of the Composers' Union at the Small Hall of the Tbilisi Conservatory.

The trio includes wonderful young musicians such as Maia Jinchvelashvili (piano), Ketevan Tavshavadze (violin) and Ia Bakhtadze (flute).

In the first division the trio presented renowned masterpieces of the 17-18th century



classics, among them a trio by Darius Milhaud that was performed for the first time in Georgia. The second division was fully dedicated to the chamber works by Kakha Tsabadze. Here, famous opera singers Elene Janjalia (mezzo soprano) and Besik Gabitashvili (baritone) performed accompanied by the trio.

Date

Nestan Meskhi

Archil Kereselidze

On 27th March, Museum of the Tbilisi Conservatory hosted a memorial soiree dedicated to Archil Kereselidze, a renowned Georgian composer and a flamboyant individual.



Archil Kereselidze was born the Aul of Ghunib, motherland of Shamil and Hadji Murat in Daghestan on 12th December 1912. In 1935 he started his studies in composition in the Moscow Chaikovsky Conservatory under the supervision of Myaskovsky. Great piano player Flier performed a toccata of then student composer in various cities. In 1939 Kereselidze was accepted as a member of the Soviet Composers' Union, after which he returned to Tbilisi to teach a course in polyphony at the Tbilisi Conservatory. Shortly, Kereselidze was invited

summary

by Marjanishvili State Theater to compose music for `Solomon Meighanuashvili`. This gave a start to his lengthy and intensive cooperation with the theater and cinema. His music for the cinema is appreciated by the entire country. His songs, such as "I saw once", "Necklace", "Coalman", "Sapovnela", etc were sung by everyone and everywhere.

Concerts

Archil Nikatsadze

Sak-ART-velo

The article is dedicated to the performance of works by Georgian women composers of various generations at the Concert Hall of the Tbilisi State Conservatory on 8th March. The concert was accompanied by an fine art exhibition, scientific conference, film and photo retrospective, a brief concert of electronic music and video-art. All this was combined into an original project Sak-ART-velo (Georgia). The extraordinary musical marathon lasted from 10 am to 8 pm. Participants included students and professors of the Tbilisi State Conservatory, as well as representatives of Ilia Chavchavadze State University and State Academy of Arts. The article includes interviews with Composers and Professors at the Chair of Composition, Eka Chabashvili and Maka Virsaladze.



Tatia Pachkoria

«From Easter to Ascencion» Festival

Tbilisi and Georgian society has already hosted international festival `From Easter to Ascencion` for 8 years. The festival that takes place during the Easter Week presents works performed by Georgian



and foreign musicians. This year's visitors included Katya Skanav (piano, Greece/Russia), Marta Abraham (violin, Hungary), Giorgi Khadradze (cello, France/Georgia), Pietro Gato (piano, Italy), Vitali Nazarov (hoboe, Russia), as well as vocals Nana (Mirian) Kavtarashvili (soprano), Irine Aleksidze (mezzo soprano), etc.

The festival is not only restricted by the capital and also holds unforgettable concerts throughout the country.

The year 2013 also stood out by its dedication to the 80th birthday, 50th anniversary of appointment as a bishop, and 35th anniversary of patriarchy of Georgian Catholicos Patriarch, Archbishop of Mtskheta-Tbilisi and Mitropolite of Tskhum-Abkhazia Ilia II. The festival opened with a concert dedicated to the Patriarch at the Great Hall on 7th May. The listeners were fascinated by musical creations and hymns created by the Patriarch. These are often performed on stage accompanied by symphonic and chamber orchestras. As long as these out-

standing musical pieces were less available to ordinary listeners and Georgian music lovers living abroad, the organizing team had an idea to publish a collection of the Patriarch's works, which was further realized. At the opening ceremony of the festival on 7th May, a presentation of the collection was held.

The article quotes reflections of the organizers, composers and musical experts regarding the festival.

Folklore

Tamaz Gabisonia

Georgian Song: To Be Retained Only?

The article describes two types of performance prevalent in the Georgian folk song and two platforms related to their performance. These platforms are sometimes even antagonistic to the listeners divided by the author into authentic and aesthetic groups. Authentic listeners deem it a priority to assess the integrity the fact grows up from the folk creative and performance traditions. When creating an artistic image, he attaches a great importance to the ethnographic element. The aesthetic listeners think that a folk piece must be professionally 'packaged' in order for it to sell well. They believe that the versions created over the time are the best, crystallized pieces



and they do not require any additional elements.

In an interesting, highly professional analysis, the author makes his conclusions and offers his point of view about these issues. He also talks about the town musical folklore that is still not considered an authentic part of our lore, as well as about the style, etc. He makes a conclusion: "Georgian musical folklore must retain its traditional stream, however, should not cut away its naturally grown new branches as being something incorrect. Instead, they must be counted a valuable phenomenon for the Georgian folk culture".

Remembrance

Rodam Jandieri

Jarji Balanchivadze: Reminiscence

The letter shares memories regarding the late musician, piano player, composer and artist – Jarji Balanchivadze.



He was a representative of the great Balanchivadze family who gave the country composers, classical authors of Georgian music – father and son Meliton and Andria Balanchivadze (Jarji's father and grandfather), one of the founders of American ballet dance (Jarji's uncle), Tsiskari Balanchivadze (Jarji's sister) – ballet dancer at Tbilisi Opera and Ballet Theater, etc.

summary

The author, himself a renowned violinist Rodam Jandieri – has performed with Jarji Balanchivadze since he was a young man, and taken part in the chamber ensemble founded by the same. He remembers extraordinary events from Balanchivadze's creative life

Music and Fine Art

Irina Jorjadze

Correspondence: Selected Fragments

The article is dedicated to Mrs Lali Roseba who passed away recently, in April 2013. She was a universal artist, a dramatist and painter, working in Russia starting from 1968, without breaking her ties with her country. Her plays were staged in Georgian theaters, Russia, USA, France, etc. As a painter, she participated in professional exhibitions. The author, Mrs. Irina Jorjadze used to be her close friend. She presents the fragments of their correspondence where the artist shared her views regarding the art, life, death, religion and music.



From Hight of Last Years

Inga Baramidze

My Confession is the Confession of My Epoch

The article is dedicated to Otar Tatishvili, Georgian composer whose concert-portrait was

held in the Great Hall of the Tbilisi Conservatory on 9th December 2012.

According to the article, Tatishvili's oeuvre is an existential drama. The

composer is an interesting phenomenon of the post-modern art. Unlike the majority of contemporary composers his musical ego is modelled from musical lyrical poetry reflected in virtually every genre. Pantonal, expressionist, neoclassical and especially romantic classical aesthetic images sculpture and create his individual style.




New Publications

Lali Kakulia

A Georgian Book on Beethoven

The critic reviews a recently published book by Ms. Rusudan Kutateladze entitled "The Vienna School of Classical Music: Ludwig van Beethoven". The critic describes the publication as "a

milestone in the national musicology" since it is the first book on Beethoven written by a Georgian. Before that, the classical music lov-




ers here had to make do with the Georgian translation of a Moscow conservatoire professor, Arnold Alschwang's monograph on Beethoven published in the 1960's. The critic sounds highly appreciative of the book, which she believes is valuable in both the practical and cultural terms.

Incidentally, it had been owing to the support of some of Georgia's friends abroad that the book came out. The acknowledgement to: Rosvitta and Maximillian Eder, Arthur Graub-berger, Dagmar and Günther Bauer, Cornellia and Ulrich Reichermeier, Michaela and Max Weber.

Dodo Gogua

"The Invincible Moment of Creativity" by Nana Kavtaradze

It is a review of the book entitled "The Invincible Moment of Creativity" by Ms. Nana Kavtaradze, a well known Georgian musicologist, art historian, journalist and an instructor. It is the most



recent publication of the Musical Society of Georgia apparently appreciated by the readers. The critic says that the book depicts the author's broad range of scholarly and artistic views, concerning the Georgian music, literature, cinema and theater and is an evidence of

her professional competence and individuality

Jazz Break

Manana Khvedelidze

Winton Marsalis

Author of Jazz Break has directed a program of the same name for Georgian listeners on Radio 2. Now, as he writes, he has decided to attract readers to the only Georgian musical magazine by offering the unlimited world of improvisation and unbound freedom, i.e. jazz that has been attempted to be defined, but as great musicians often say, in vain. The article tells about Winton Marsalis – an irreversible counterrevolutionary of our times, who did not only stop the wave by jeopardizing his own image, but also started to lead the followers of Repertory Jazz Movement.



A CD enclosed with the magazine contains a sound track for each feature. Since its format is insufficient for all the details: the titles of the pieces and features and performers, only the title of a musical piece and the page of the corresponding article are specified. Here is a complete list of the CD recorded material:

1. Shavleg Shilakadze - Violin concerto, 2nd mov. Vivace assai.
Bogdana Pivnenko (violin), chamber orchestra «Concertino Tbilissi» _ conductor George Shilakadze. (feature “April: A Month Wealthy and Pregnant of Music”, p. 2.);
2. Ioseb Kechakmadze. Chem simgheras vin gaigebts _ Who’ll understand my song.
Performers: A mixed choral group of the students of M. Balanchivadze Kutaisi Music School under the leadership of Irine Lominadze (feature “Names That Made an Epoch _ Ioseb Kechakmadze”, p. 9-22);
3. Ioseb Kechakmadze . Kekeljan_ Performers: A festival group under the leadership of Lia Chonishvili. A festival group conducted by vakhtang Kakhidze (feature “Names That Made an Epoch _ Ioseb Kechakmadze”, p. 9-22);
4. Ioseb Kechakmadze.“Qvelaper Tqul Kopila”. “Everything Seems to be Vain”. Performers: A festival group under the leadership of Lia Chonishvili. A festival group conducted by Vakhtang Kakhidze (feature “Names That Made an Epoch _ Ioseb Kechakmadze”, p. 9-22);
5. Ioseb Kechakmadze. On the Road to Lashari. _ Performers: A festival group under the leadership of Lia Chonishvili. A festival group conducted by Vakhtang Kakhidze (feature “Names That Made an Epoch _ Ioseb Kechakmadze”, p. 9-22);
6. Ioseb Kechakmadze. Exercise. _ Performers: Gori Women’s Choir of the music college, Artistic Director and Chief Conductor Shalva Mosidze (feature “Names That Made an Epoch _ Ioseb Kechakmadze”, p. 9-22);
7. Kaxa Cabadze. Scherzo for Flute, Violin and Piano. Ia Bakhtadze (flute), Ketevan Tavshavadze (violin), Maia Jinchvelashvili (piano), (feature “New Impressions”, p. 26);
8. Eka Chabashvili. “Josephine the Singer” _ A part from the micro-opera/exhibition “Wandering Souls” by F. Kafka’s stories. Performers: Salome Jikia (Vocal), Nino Iashvili (Harp), Mariam Mamadashvili (Violin) (feature “Sak-ART-velo”, p. 31);
9. Maka Virsaladze. “Song of Siren”. Kato Verkhviashvili (Vocal), Nino Jvania (Piano) (feature “Sak-ART-velo”, p. 31)
10. Sul Khan Nasidze.. “Cutisofeli ra aris” _ “What is the World”, from a vocal cycle “From Georgian Folk Poetry”. Performed by Giorgi Gagnidze (vocal), Victoria Chaplinskaya (piano) (feature “From Easter to Ascension Festival”, p. 34)
11. Wolfgang Amadeus Mozart – Sonata #12 in F Major, K.332, II. Adagio. Performed by Alexander Korsantia (feature “From Easter to Ascension Festival”, p. 34).
12. “Tschxenosnuri”. Performed by “Mtiebi” _ Georgian singing ensemble performing traditional vocal polyphony from Georgia (feature “Georgian Song: To Be Retained Only?”, p. 45)
13. “Tschxenosnuri”. Performed by “Erisioni” _ Georgian ensemble which performs national dances and songs of Georgia. (feature “Georgian Song: To Be Retained Only?”, p. 45).
14. Frederic Chopin _ Prelude fis-moll op.28 Performed by Djardji Balanchivadze (feature “Jarji Balanchivadze: Reminiscence”, p. 51)
15. Otar Tatishvili _ symphony I “Memento patriam”. Mov. II Performed by Symphony Orchestra of Zakaria Paliashvili Tbilisi Opera and Ballet State Theatre, Conductor – David Mukeria (feature “My Confession is the Confession of My Epoch” p. 63).
16. Winton Marsalis. The Seductrees (feature “Winton Marsalis”, p. 75).



The editorial board: Mikahel Odzeli, Editor-in-Chief; editors: mmes: Mzia Jafaridze and Tamar Tsulukidze;
design: Vakhtang Rurua, Vano Kiknadze, Gogi Chepkhodze.
Translated by "LOGOS LTD"
Address; 123 D. Agmashenebeli str. Tbilisi
Tel;(+99532)295 41 64; (+995 32)296 75 05
Fax; (+995 32) 96 86 78

